

Աշոտ Գալստյան
Թամարա Թովմասյան



ԱՅՐԵՆԻ

5



ԱՇՈՏ ԳԱԼՍՏՅԱՆ
ԹԱՄԱՐԱ ԹՈՎՄԱՍՅԱՆ

ՄԱՅՐԵՆԻ 5




Երևան
2023

Խմբագիր՝ Գայանե Խալաթյան
Նկարիչ՝ Քարոլին Ռոստամի

Գալստյան Աշոտ, Թովմասյան Թամարա
Մայրենի, 5-րդ դասարանի դասագիրք / Ա. Գալստյան, Թ. Թովմասյան, Էդիթ Պրինտ, 2023, 176 էջ:

© Ա. Գալստյան, Թ. Թովմասյան

© Էդիթ Պրինտ



Սիրելի բարեկամ

Տարրական դասարաններից քեզ ծանոթ է «Մայրենին»՝ իբրև հայոց (մայրենի) լեզվի և գրականության միասնացված առարկա, որի ընթացքում ուսումնասիրել ես գրական և ոչ գրական տեքստեր, յուրացրել ես լեզվական և գրական տարրական գիտելիքներ՝ ձեռք բերելով հաղորդակցական կարողություններ:

Դու արդեն մեծացել ես մեկ տարով: Այս տարի քայլելու ես մայրենիի առավել հետաքրքրական աշխարհում՝ ինքնուրույն ձեռք բերելով շատ արժեքներ: Դասագրքի նյութերն ուսումնասիրելով՝ քեզ մոտ ձևավորվելու է որոշակի վերաբերմունք աշխարհի, մարդկանց ու բնության հանդեպ, զարգանալու է քո ստեղծարար կարողությունը:

«Մայրենի 5» դասագիրքը բաղկացած է 4 թեմատիկ խմբից՝ «Լինում է, չի լինում», «Առակդ ի՞նչ կցուցանե», «Ականջ դնենք հետաքրքիր պատմությունների», «Եվ այսպես հյուսվում է իմ երգը», բացատրական բառարանից, առարկայացանկից և անվանացանկից:

Ողջ տարվա ընթացքում դու կուսումնասիրես հայ դասական և ժամանակակից գրողների բնագրեր, ինչպես նաև տարբեր ժողովուրդների ստեղծագործության նմուշներ: Յուրաքանչյուր դասանյութի կցված են «Բառային աշխատանք» և «Տեքստային աշխատանք» բաժինները: Դրանց հաջորդում են լեզվական նյութերը՝ համապատասխան առաջադրանքներով, որոնք կուսումնասիրես և կամրապնդես բնագրի շուրջ տարվող աշխատանքներում: Կգտնես բնագրի բանալի բառերն ու նախադասությունները: Տարբեր գծակարգերի միջոցով կխմբավորես ստացած գիտելիքներդ:

Առաջադրանքներում բանավոր և գրավոր կշարադրես մտքերդ, հանդես կգաս ընկերներիդ առջև, կվիճես ու կհաղթես, կլուծես խաչբառեր ու գլուխկոտորուկներ:

Այս ամենի արդյունքում ձեռք կբերես բազմաթիվ կարողունակություններ:

Դու կօգտվես դասագրքի բառարանից՝ գտնելու տեքստի կարմիր գրված բառերի բացատրությունները, կսովորես ձիշտ գրելու և ձիշտ խոսելու կանոնները:

QR ծածկագրի միջոցով կուսումնասիրես լրացուցիչ նյութեր, գրողների կենսագրություններ, կդիտես մուլտֆիլմեր, կլսես բնագրերի համար գրված մեղեդիներ, որոնք քեզ շատ դուր կգան: Կլուծես էլեկտրոնային վարժություններ, և ինքդ էլ կստուգես պատասխանը:

Դասագիրքդ ունի խորհրդանիշներ:



Ընթերցանության նյութ



Լեզվական նյութ



Բառային աշխատանք



Տեքստային աշխատանք




Առաջադրանքներ




QR ծածկագիր

Ամճուր քայլիբ «Մայրենիի» զարմանահրաշ աշխարհում և ինքնուրույն ձեռք բեր անհրաժեշտ գիտելիքներ, զարգացրու կարողություններդ ու հմտություններդ, ձևավորիր արժեքային համակարգ, ինչպես նաև կայուն դիքորոշում դրսևորիր:



Հավապա՛ քո ուժերին: Բարի՛ երթ:

ՀԱՅ ԼԵՋՈՒՆ ՏՈՒՆՆ Է ՀԱՅՈՒՆ




Եվ տքնեց հույսով նա գիշերուզօր
Եղեսիա, Ամիդ, հեռու Սամոսատ.
Եվ երեսունվեց երկաթե գինվոր
Իր ձեռքով հղկեց ու շարեց հատ-հատ:

Սուրեն Մուրադյան

Այս օտար աշխարհի ցրտերում
Եկ սիրենք մեր լեզուն ջերմորեն,
Եկ վառենք ու վառվենք
Հայերեն:

Խաչիկ Դաշպենց



Հայոց աշխարհ, հայոց երկիր, հայոց հող,
Հայն աշխարհում քո գրկի մեջ ապրեն թող:

Սիրվա Կապուրիկյան

Հայաստանն անուն,
Դու ութ հնչյուն,
Ութ եղբայրների համաստեղություն:


Էդվարդ Միլիպոնյան

Ի՞նչ են քեզ համար Հայաստանը և մայրենի լեզուն:



ՄԵՍՐՈՊ ՄԱՇՏՈՅԸ ԵՎ ՀԱՅԵՐԵՆԻ ՏԱՌԵՐԻ ԾՆՈՒՆԴԸ

Հայկական գիրը հին է աշխարհում և ունի տասնվեց դարի պատմություն: Հայաստան աշխարհի համար մեր թվարկության չորրորդ դարը բուռն տեղաշարժերով լի ժամանակաշրջան էր: Չնայած հարյուր տարի էր անցել քրիստոնեության ընդունումից, սակայն այն դեռևս տիրապետող կրոն չէր դարձել: Եկեղեցական արարողությունները կատարվում էին հունարեն կամ ասորերեն: Ժամանակը, սակայն, ծնեց մի հզոր անհատի, որն իր հանձարի ուժով կանխատեսեց իր ժողովրդի ճակատագիրը:



Այդ անձը Մեսրոպ Մաշտոցն էր:

Նա ծնվել է 362 թվականին Տարն գավառի Հացեկաց գյուղում: Մաշտոցը ստացել է իր ժամանակի համար լավ կրթություն նախ ծննդավայրում, ապա՝ Այրարատ գավառում: Իբրև դպիր ծառայում է հայոց Խոսրով թագավորի արքունիքում, ստանում զինվորական կոչում, ապա զբաղվում քարոզչությամբ:

Երկար մտածումներից հետո Մաշտոցը գիտակցում է, որ անհրաժեշտ է սեփական գիր ու գրականություն ստեղծել: Նա այդ մասին հայտնում է Սահակ Պարթև կաթողիկոսին, որը, ջերմորեն պաշտպանելով նրա գաղափարը, դառնում է Մեսրոպի աջակիցն ու հովանավորը: Իր պատրաստականությունն է հայտնում նաև Վռամշապուհ արքան: Նա տեղեկացնում է, որ Դանիել անունով ասորի մի եպիսկոպոսի մոտ կան հայկական նշանագրեր: Բերում են այդ գրերը և սկսում ուսուցանել դրանցով: Որոշ ժամանակ հետո Մաշտոցը պարզում է, որ դանիելյան նշանագրերը չեն համապատասխանում հայոց լեզվի հնչյունական համակարգին, և որոշում է ստեղծել հայերեն գրեր:

Իր հետ վերցնելով մի խումբ աշակերտների՝ Մաշտոցը մեկնում է արտասահման, լինում ժամանակի մշակույթի կենտրոններում՝

Ամիդում և Եդեսիայում: Աշակերտների մի մասին տալիս է ասորական, մյուս մասին՝ հունական կրթության: Մաշտոցը ծանոթանում է Ժամանակի հայտնի այբուբեններին ու գրերին, որոշում հայերենի հնչյունական համակարգը: Եդեսիայում էլ 405 թ. ստեղծում է հայերեն տառերը:

Այնուհետև Մաշտոցը մեկնում է Սամոսատ քաղաք, որտեղ հույն քերական և գեղագիր Հռոփանոսի օգնությամբ համակարգում է հայոց տառերը: Ձեռնարկում է Աստվածաշնչի «Սողոմոնի առակները» գրքի թարգմանությունը: Մաշտոցի կենսագիր Կորյունի վկայությամբ՝ հայերեն գրված առաջին նախադասությունն է՝ «**Ճանաչել զիմաստութիւն և զխրատ, իմանալ զբանս հանձարոյ**» (աշխարհաբար՝ **Ճանաչել իմաստությունը և խրատը, իմանալ հանձարի խոսքերը**):


Հայրենիքում Մաշտոցին և իր աշակերտներին դիմավորում են մեծ ոգևորությամբ: Մի քանի օր շարունակ տոնախմբություններ են կատարվում, որից հետո սկսվում է կրթական-թարգմանչական աշխատանքը: Մաշտոցը Ամարասի վանքում բացում է առաջին դպրոցը:

Մերոպ Մաշտոցը մահացել է 440 թ. և թաղված է Օշականի Սուրբ Մերոպ Մաշտոց եկեղեցում:



ՀԱՅԵՐԵՆԻ ՏԱՌԵՐԸ ԵՎ ՆՐԱՆՅ ԹՎԱՅԻՆ ԱՐԺԵՔԸ

Ա – այբ – 1	Ժ – ժե – 10	Ճ – ճե – 100	Ռ – ռա – 1000
Բ – բեն – 2	Ի – ինի – 20	Մ – մեն – 200	Ս – սե – 2000
Գ – գիմ – 3	Լ – լյուն – 30	Յ – հի – 300	Վ – վեվ – 3000
Դ – դա – 4	Խ – խե – 40	Ն – նու – 400	Տ – տյուն – 4000
Ե – եչ – 5	Ծ – ծա – 50	Շ – շա – 500	Ր – րե – 5000
Զ – զա – 6	Կ – կեն – 60	Ո – ո – 600	Ց – ցո – 6000
Է – է – 7	Հ – հո – 70	Չ – չա – 700	Խ – վյուն – 7000
Ը – ըթ – 8	Ձ – ձա – 80	Պ – պե – 800	Փ – փյուր – 8000
Թ – թո – 9	Ղ – ղատ – 90	Ջ – ջե – 900	Ք – քե – 9000



Մեսրոպյան այբուբենի մեջ կատարվել են հետևյալ փոփոխությունները. ու տառը ստեղծվել է V դարում որպես ո և լ տառերի կապակցություն: XII դարում հայերենի այբուբենի մեջ մտան օ, ֆ տառերը: 1922 թ. արևելահայերենի այբուբենից հանվեց լ տառը:



Առաջադրանքներ

1. Մեսրոպ Մաշտոցին կոչել են հայերենի առաջին ուսուցիչ: Մեկնաբանիր այս բնութագրումը:
2. 5-րդ դարի պատմիչ Մովսես Խորենացուն կոչել են **Քերթողահայր**: Դասագրքի բառարանում գտիր բառի բացատրությունը և մեկնաբանիր:
3. Կարդա՛ և նշիր՝ որ նախադասության մեջ կա թվային արժեքի սխալ գրություն:

ա) Մեսրոպ Մաշտոցը ծնվել է ՅԿԲ թվականին:

բ) Մենք ապրում ենք ԲԱ դարում:

գ) Ե դարը կոչվել է Ոսկեդար:

4. Գրիր բառեր հայոց այբուբենի տառերով:

Նմուշ՝ **այբբեն**արան:


5. Տրված բառերը դասավորիր այբբենական կարգով:

Երեք, տարի, աղջիկ, դիվահար, հեշտ, դեղ, գլուխ, առջև, յոթ, կարաս, ոսկի, մարդ, ջրհոր, չար, բարի, լսել, խոսակցություն, ճանապարհորդ, հանել, հոր, թագավոր:

6. Շախմատի ձիու քայլերով կարդա՛ ծածկագիրը:

« »

(Կորյունի մայրյանի անվանումը)

Կ	Հ	Ա	Շ
Օ	Ա	Ի	Ս
Ու	Վ	Տ	Բ
Մ	Գ	Լ	Ց
	Ո	Ք	Ե



Կենսագրություն

ՄԻԼՎԱ ԿԱՊՈՒՏԻԿՅԱՆ

(1919–2006)

ԽՈՍՔ ԻՄ ՈՐԴՈՒՆ

Այս գարնան հետ, այս ծաղկունքի,
 Այս թռչնակի, այս առվակի,
 Հետոն այս երգի ու զարթոնքի
 Բացվեց լեզուն իմ մանկիկի:
 Ու թոթովեց բառ մի անգին
 Հայկյան լեզվից մեր սրբազան,
 Ասես **մասունք** հաղորդության
 Դիպավ մանկանս շրթունքին...
 – Լսիր, որդիս, պատգամ որպես
 Սիրող քո մոր խոսքը սրտանց,
 Այսօրվանից հանձնում եմ քեզ
 Հայոց լեզուն հազարազանձ:
 Կտրել է նա **հանց** աստղալույս
 Երկինքները ժամանակի,
 Շառաչել է խռովահույզ
 Սլացքի հետ հայկյան նետի,
 Ու Մեսրոպի սուրբ հանձարով
 Դարձել է գիր ու **մագաղաթ**,
 Դարձել է հոնյս, դարձել դրոճ,
 Պահել երթը մեր անաղարտ...
 Նրանով է մրմնջացել
 Հայ **պանդուխտը** վերքն իր սրտի,
 Նրանով է որորտացել
 Կովի երգն իմ ժողովրդի,
 Նրանով է մայրս ջահել
 Ինձ օրորոց դրել մի օր,
 Հիմա եկել, քեզ է հասել
 Նրա կարկաչը դարավոր...
 Բաց շուրթերդ, խոսիր, անգին,
 Ժիր դայլայլիր, իմ սիրասուն,

Թող մանկանա քո շուրթերին
 Մեր ալեհեր հայոց լեզուն...
 Պահիր նրան բարձր ու **վճիտ**
 Արարատի սուրբ ձյունի պես,
 Պահիր նրան սրտիդ մոտիկ
 Քո պապերի **աճյունի** պես,
 Ու ոտխի զարկիցը սև
 Դու պաշտպանիր կրծքով նրան,
 Ինչպես մորդ կպաշտպանես,
 Թե սուր քաշեն մորդ վրա,
 Ու տես, որդիս, ուր էլ լինես,
 Այս լուսնի տակ ուր էլ գնաս,
 Թե մորդ անգամ մտքից հանես,
 Քո մայր լեզուն չմոռանաս:





Բառային աշխատանք

1. Բացատրիր՝ ինչով են նման *թռչնակ*, *առվակ*, *մանկիկ* բառերը:
2. Ինչո՞ւ է բանաստեղծուհին *հանձարը* և *ձյունը* սուրբ անվանել: Էլ ո՞ւմ կամ ի՞նչն ես սուրբ համարում:
3. Կարդա՛ և բանաստեղծությունից դո՞ւրս գրիր հայոց լեզուն բնութագրող բառեր:
4. *Հազարագանձ* և *աստղալույս* բառերի արմատներով նոր բառեր կազմիր:
5. *Գարուն*, *գարթոնք*, *ծաղկունք* բառերը գործածիր նախադասությունների մեջ:
6. *Հազարագանձ*, *աստղալույս*, *խոռվահույզ* բառերը բաժանիր բաղադրիչների:
7. Բառարանում գտիր տեքստի կարմիր գրված բառերի բացատրությունը. տրված բառերով շարադրանք կազմիր:



Տեքստային աշխատանք

1. Մեկնաբանիր՝ ինչ է քեզ համար խոսքը: Մտածիր՝ ինչու է բանաստեղծությունը վերնագրվել «Խոսք իմ որդուն»:
2. Գտիր բանաստեղծության հիմնական միտքն արտահայտող բառը կամ բառերը: Հիմնավորիր:
3. Պարզիր՝ հեղինակի պատգամի նպատակը որդուն: Գտիր և մեկնաբանելով կարդա՛ այդ տողերը:
4. Բացատրիր՝ ինչու է մեր լեզուն հայկյան: Էլ ի՞նչը կարող է լինել հայկյան:
5. Բանաստեղծությունը բաժանիր քառատողերի և յուրաքանչյուրը վերնագրիր բովանդակությանը համապատասխան:
6. Գրավոր կամ բանավոր շարադրիր, թե ծնողներդ երբևէ ինչ կարևոր բան են հանձնարարել քեզ:
7. Հաղորդում պատրաստեք Մեսրոպ Մաշտոցի մասին (խմբային աշխատանք):
8. Այցելե՛ք Ս. Կապուտիկյանի տուն-թանգարան և հաղորդում պատրաստեք (խմբային աշխատանք):



ԼԻՆՈՒՄ Է, ՉԻ ԼԻՆՈՒՄ

ԲԱԺՆԻ ՈՒՍՈՒՑՄԱՆ ՆՊԱՏԱԿՆԵՐԸ

Սիրելի՛ բարեկամ, դասագրքի «Լինում է, չի լինում» բաժնում ուսումնասիրվող թեմաները կնպաստեն քո՝ ընթերցելու, հեքիաթի փեքսորը հասկանալու, հիմնական գաղափարը մատնանշելու, հեքիաթին բնորոշ առանձնահատկությունները և խորհրդանիշները ըմբռնելու կարողություններ ձևավորելուն: Միաժամանակ կնպաստեն քո բառապաշարը հարստացնելուն, կապակցված խոսք կազմելու կարողությունները զարգացնելուն, որոշակի վերաբերմունք և արժեքային համակարգ ձևավորելուն, ինչպես նաև կիթանեն քո հաղորդակցական կարողությունների զարգացումը և սրելծարարությունը:



ԻՆՉ Է ՀԵՔԻԱԹԸ

Հեքիաթը բանահյուսության ժանրերից է: Հեքիաթի հեղինակը ժողովուրդն է, դրա համար էլ այն կոչվում է **ժողովրդական**: Ժողովրդական հեքիաթները կարող են մշակվել առանձին հեղինակների կողմից: Ոմանք նաև ինքնուրույն հեքիաթներ են գրում: Այդ տեսակի հեքիաթները կոչվում են **հեղինակային**:

Հեքիաթներին բնորոշ են ժողովրդական պատկերավոր արտահայտությունները, չափազանցությունը, բարբառային բառերը և իմաստալից խոսքերը: Նրանցում հաճախ իրար են խառնված **իրականն** ու **երևակայականը**:

Հեքիաթները հիմնականում արձակ տեքստեր են: Պատահում են նաև չափածո հեքիաթներ:

Դրանց մեծ մասին բնորոշ է նույն սկիզբը, ինչպես՝ «Լինում է, չի լինում», «Կար-չկար», «Ժուկով-ժամանակով», «Ժամանակով», «Չգիտեմ՝ ո՞ր երկրում, ո՞ր թագավորության մեջ»:

Վերջաբանի համար էլ հատուկ արտահայտություններ կան, ինչպես՝ «Երկնքից երեք խնձոր ընկավ», «Նրանք հասան իրենց մուրազին, դուք էլ հասնեք ձեր մուրազին»:

Հեքիաթները բաժանվում են երեք մեծ խմբի՝ **հրաշապատում** կամ **կախարդական**, **կենդանական** և **իրապատում**:

 **ՈՍԿԻ ԱՐՏ** 
(հայկական ժողովրդական հեքիաթ)



Էս հեքիաթը ես մեր մեծերից եմ լսել, սրանք էլ իրենց պապերից, պապերն էլ, հայտնի բան է, իրենց մեծերից:

Պռոշ թագավորի օրոք երկու հարևան են լինում: Նրանցից մեկը մյուսի արտը փոխ է վերցնում, գարնանը եզները լծում է, գնում՝ արտը հերկելու: Նրա **արորի** խոփը մի պղնձե կաթսայի է դեմ առնում: Հանում է, տեսնում՝ մեջը լիքը ոսկի: Մարդը, եզները թողած, վազում է հարևանի մոտ:

– Աչքդ լույս լինի, մի պղինձ ոսկի դուրս եկավ հողի տակից, արի՛ վերցրու:

– Չէ՛,– ասում է հարևանը,– արտը քեզ փոխ եմ տվել, քո խոփն է հանել, քո **ղամաթն** է:

Հարևանների միջև լեզվակոծիվ է սկսվում, ելք չեն գտնում, գնում են թագավորի մոտ: Թագավորն էդ օրը շատ տխուր է լինում: Դրանց տեսնում է, գլուխը բարձրացնում, հարցնում է.

– Ի՞նչ կա:

– Ի՞նչ պիտի լինի, թագավորն ապրած կենա,– ասում է ոսկին հանողը,– ես էս մարդու արտը փոխ եմ առել: Գարուն է, ելա հերկելու, իմ արորի խոփը դրա արտից մի պղինձ ոսկի հանեց, ասում եմ՝ արի՛, քո ոսկին վերցրու, ասում է՝ չէ՛. արտը փոխ եմ տվել, քո խոփն է հանել, քո �ղամաթն է: Մնացել եմ **շիվար**. վեճուկովի մեջ ենք ընկել, ճար չկա: Մեզ խնլք սովորեցրու:

– Քանի՞ տարով ես արտը փոխ վերցրել,– հարցնում է թագավորը:

– Մեկ տարով,– ասում է ոսկին հանողը:

Թագավորը դառնում է մյուս հարևանին.

– Դու ինչո՞ւ ոսկին չես ուզում:

– Թագավորն ապրած կենա, ողորմի՛ քո անցավորներին, ասեմ, թե ինչու չեմ վերցնում ոսկին: Իմ հերը մեռնելիս ինձ կանչեց, պատվիրեց. «Տես, մեռնում եմ, ժամանակ կգա՝ դու էլ կմեռես: Ի՞նչ կանես, չես անի՝ չգիտեմ, բայց մի բան կա, որ ասածիս պես կանես. աչք չտնկես ուրիշի ունեցվածքին: **Լւին**, մի բուռ հող, մի կտոր տախտակ, մի չափ

էլ կտավ. Էս է մարդու բաժինը: Բարի անունն ավելի երկար է ապրում, քան չար անունը»:

Էնպէս որ, թագավորն ապրած կենա, ճիշտ է, հողն իմն է, բայց աշխատանքն իմ հարևանինն է: Էդ պատճառով էլ չեմ վերցնում ոսկին: Իմ հոր **պատվիրանը** ես չեմ մոռանա:

Թագավորը մի պահ ընկնում է մտքի մեջ, հետո ասում է.

- Ոսկի՛ գտնող, դու էլ ես ճիշտ, էն էլ է ճիշտ: Իմ կարճ խելքով էնպէս պիտի անենք, որ ո՛չ դու դժգոհ մնաս, ո՛չ քո հարևանը: Դու ի՛նչ ժառանգ ունես:

- **Մինուճար** մի տղա, թագավորն ապրած կենա,- ասում է ոսկին հանողը:

- Դո՛ւ, արդար **դրկից**:


- Ես էլ մի աղջիկ:

- Աստված որ ձեզ օգնեց, թագավորն ո՛վ է: Քանի որ եկել եք իմ ոտքը, ես ոչ թե իմ, այլ Աստծո վճիռը կասեմ. կռիվը մի կո՛ղմ թողեք, գնացե՛ք ձեր զավակներին իրար հետ պսակե՛ք, ոսկին էլ տվե՛ք նրանց, թող գնան, իրենց քեֆին ապրեն, ձեզ էլ օրինանք ու ողորմի տան: Թող ոտքները քարին չդիպչի: Հը՛, ի՛նչ կասեք:

- Ես համաձայն եմ,- ասում է ոսկին հանողը:

- Ես էլ,- ասում է մյուս հարևանը:

Թագավորը կանչում է իր մարդկանց, հարևանների պատմությունը պատմում, բոլորն էլ նրա հետ ծիծաղում, ուրախանում են, դրկիցներին առոք-փառոք ձանապարհում: Հարևանները հետ են դառնում, իրենց զավակներին պսակում, երեք օր, երեք գիշեր հարսանիք են անում: Թե մինչև էդ իրար հարևան էին, դառնում են եղբայր, արտի անունն էլ դնում են Ոսկի արտ:





Բառային աշխատանք

1. Տեքստից դճուրս գրիր բարբառային բառերը և փորձիր գրել դրանց գրական տարբերակները:
2. Գտիր *պատվիրան* բառի բացատրությունը: Մանուկների Աստվածաշնչից սովորիր Աստծու պատվիրանները:
3. Տեքստում գտիր *հարևան*, *ամուսնացնել*, *խնջույք* բառերի հոմանիշները:
4. Հեքիաթից դճուրս գրիր *կռիվ* արմատով երկու բառ: Այդ բառերի արմատներով 2-ական նոր բան կազմիր:
5. Դճուրս գրիր հեքիաթում տեղ գտած օրհնանքները: Ի՞նչ օրհնանքներ ես լսել մեծերից: Թվարկիր մի քանիսը:
6. Գտիր հեքիաթում գործածված դիմելաձևը և բացատրիր կիրառությունը:
7. Բառարանում գտիր կարմիր գրված բառերի բացատրությունը:




Տեքստային աշխատանք

1. Կազմիր տեքստի պլանը պատմողական կամ հարցական նախադասություններով: Վերաշարադրիր հեքիաթի բովանդակությունը:
2. Գրավոր վերաշարադրիր հեքիաթը հերոսների անունից:
3. Գտիր տեքստի բանալի բառերը, նախադասությունները. բացատրիր ընտրությունը:
4. Մեկնաբանիր հայկական ժողովրդական հեքիաթին բնորոշ բառերի, արտահայտությունների կիրառությունը:
5. Գրավոր բնութագրիր քեզ դուր եկած կերպարը (կերպարները):
6. Հեքիաթի ո՞ր հերոսի բացատրությունն ես ճիշտ համարում:
7. Մեկնաբանիր հարևանի խոսքը: Համաձայն ես նրա հետ:
8. Ուրիշ ի՞նչ ավարտ կմտածեիր հեքիաթի համար:
9. Միմյանց պատմե՛ք ձեր ընտանիքների կամ հարևանների մասին: Համեմատե՛ք այդ պատմությունները հեքիաթի բովանդակության հետ (խմբային աշխատանք):
10. Գտիր հեքիաթի բովանդակությանը համապատասխան մեղեդի, նկարագարդումներ արա, ծեփիր:



ՆԱԽԱԴԱՍՈՒԹՅՈՒՆ

Լեզվական շփումը տեղի է ունենում երկու կամ ավելի մարդկանց միջև, որոնք հաղորդակցվում են նախադասություններով: **Նախադասությունը բառ է կամ բառերի խումբ, որն իմաստ է արտահայտում և ունի հնչերանգ:** Խոսքի իրավիճակից և հաղորդակցական բնույթից ելնելով՝ նախադասությունները ըստ կազմության կարող են լինել ինչպես պարզ, այնպես էլ բարդ, օրինակ՝ Արևը ծագեց (պարզ): Արևը ծագեց, ու թռչուններն ուրախ ծվվացին (բարդ):



Առաջադրանքներ

1. Բառերը (բառաձևերը) ձիջտ դասավորիի և վերականգնիի նախադասությունները:
 - ա) չտնկես ունեցվածքին Ուրիշի աչք:
 - բ) ես հոր չեմ մոռանա Իմ պատվիրանը:
 - գ) ձեր հետ պսակեք Գնացեք զավակներին իրար:
 - դ) արտի էլ դնում են Ոսկի արտ անունն:
2. Տրված մասերը միացնելով՝ ամբողջացրո՛ւ նախադասությունները:

ա) Աչքդ լույս լինի,	ա) ելք չեն գտնում:
բ) Հարևանների միջև լեզվակռիվ է սկսվում,	բ) մի պղինձ ոսկի դուրս եկավ:
գ) Բարի անունն ավելի երկար է ապրում,	գ) հարսանիք են անում:
դ) Երեք օր, երեք գիշեր	դ) քան չար անունը:
3. *Թագավոր, ոսկի, հարևան* բառերով նախադասություններ կազմիր:
4. Հետևյալ օրինանքներից ո՞րն է համապատասխանում հեքիաթի բովանդակությանը:


Կյանքդ ջրի նման երկարի:

Ուր գնաս, կանաչ բուսնի:

Թող բարի անունդ երկար հիշվի:

5. Ներկայացրո՛ւ և հիմնավորի՛ր զգացածդ հեքիաթի վերաբերյալ:

1. Բնչ զգացում ապրեցիր հեքիաթն ընթերցելիս: ա) բ) գ)	3. Բնչ գույնի է հեքիաթը: ա) բ) գ)
2. Բնչ մեղեդի հիշեցիր ընթերցելիս: ա) բ) գ)	4. Բնչը կփոխեիր հեքիաթում: ա) բ) գ)



6. Ստեղծի՛ր հերոսների բնավորությունն ու արտաքին հատկանիշներն արտահայտող նկարագրություններ:

Հերոս	Հերոսի բնավորությունն ու արտաքին հատկանիշներն արտահայտող նկարագրություններ

7. Պատրաստի՛ր հաղորդում՝ «Բարի գործ» վերնագրով, և քննարկի՛ր ընկերներիդ հետ:

8. «Ոսկի արտ» հեքիաթի բեմագիր (սցենար) կազմիր և ընկերներիդ հետ բեմադրի՛ր:

9. Նկարագրի՛ր հերոսներին քո բառերով:

Հերոս	Հերոսի արտաքին նկարագրություն	Ներկայացրո՛ւ հերոսի երկու վարքագիծ:	Տեքստից ելնելով՝ բացատրի՛ր, թե նա ինչու այդպես վարվեց:



ՀԱՅՐԸ ԵՎ ԶԱՎԱԿՆԵՐԸ

(խորվաթական ժողովրդական հեքիաթ)

Ա

Լինում է, չի լինում, մի ծեր վաճառական է լինում, անունը՝ Երկո: Մի անգամ նա ասում է կնոջը.

– Ծերացել ենք արդեն, այ կին, երկար չենք ձգի, իսկ մենք հարուստ ենք: Արի մեր ունեցած–չունեցածը բաժանենք մեր երկու աղջիկներին: Չէ՞ որ, մեկ է, ժառանգությունս նրանց է անցնելու: Իսկ մենք մեր կյանքը, ոնց էլ լինի, անհոգ կապրենք: Մի օր մի փեսայի տանը կուտենք–կխմենք, մյուս օրը՝ մյուս: Այդպես խաղաղ ու հանգիստ կավարտենք մեր կյանքը, իսկ երբ մեռնենք, մեր զավակները վիճելու, դատարանում հարցեր պարզելու պատճառ չեն ունենա: Ինչ կասես:

– Եթե իմանամ, որ մեր փեսաները կընդունեն այդ որոշումը, ես էլ կհամաձայնեմ: Վախենում եմ միայն, որ հանկարծ այս ասացվածքը ձիշտ դուրս գա. «Փող ունես՝ գլխիս վրա տեղ ունես, փող չունես՝ շեմիցս ներս չմտնես»: Հնարավոր է՝ սկզբում հոգ տանեն մեր մասին, բայց հետո ձանձրանան: Ո՞ր պիտի գնանք այդ ժամանակ: Կամ մեկ էլ տեսար՝ ես քեզնից երկար ապրեմ, ինչ կլինի այդ դեպքում: Զուր չեն ասում. «Զորանչի համար փեսայի տված խորտիկն ուտելը ծանր է»: Վարվիր, ինչպես կամենում ես, բայց, խնդրում եմ, բոլոր փողերդ մի բաժանիր, որ օր ծերության դռնեդուռ չընկնենք, գլխներիս չտանք: Չէ՞ որ մենք չգիտենք, թե մեր մահը երբ է գալու: Վատ խաղաղությունը լավ կովից լավ է:

Ծեր վաճառականը պատվիրեց, որ կինն ընտիր ճաշ պատրաստի, և կանչեց փեսաներին, դուստրերին ու թոռներին: Երբ բոլորն արդեն կշտացել էին, նա հայտնեց իր որոշման մասին: Փեսաներն ու դուստրերը ուրախությամբ ընդունեցին հոր որոշումը, երդվեցին մինչև կյանքի վերջը խնամել ծեր ծնողներին, հոգ տանել նրանց մասին: Հայրն իր ունեցվածքը բաժանեց զավակների միջև այնպես, ինչպես մահից առաջ կաներ: Բայց կնոջ ասածն էլ արեց. սև օրվա համար մի քիչ փող պահեց: Այդպես յունակն է գենք թաքցնում՝ փորձանքի դեպքում պաշտպանվելու համար:

Վաճառականը շատ թոռներ ուներ: Ամեն օր նրանց նվերներ էր

բերում: Բայց շուտով տեսավ, որ իր պահած փողից բան չի մնացել, դադարեցրեց նվերներ տալը: Դուստրերն ու փեսաները սկզբում շատ զարմացան, հետո սկսեցին հոնքերը կիտել: Ծերունին դա նկատեց, շատ տխրեց: Մի անգամ նա տխուր, գլուխը կախ նստած էր իր դատարկված տան առաջ՝ վշտացած, որ սխալվել է սեփական երեխաների հարցում: Հարևանը՝ նրա նախկին գործընկերն ու **կաթնեղբայրը**, պատուհանից տեսավ, որ նա տխուր նստած է, վերցրեց լայնեզր գլխարկը, ձեռնափայտը և գնաց ընկերոջ մոտ:

– Ասովսւ՞մ օգնական, եղբայրս,– ողջունեց նա,– ինչո՞ւ ես այդպես մտամոլոր: Ի՞նչ հոգս է հոգիդ կրծում: Ես գիտեմ, որ դու և՛ ունեցվածք ես կուտակել, և՛ փող: Դու առողջ ես, դեռ շատ ձիգ ու պինդ, ոչ մի բանի կարիք չունես:

– Է՛հ, եղբայր,– հոգոց հանեց վաճառականը,– մի՛ հարցրու: Օգնել, մեկ է, չես կարողանա: Ինքս եմ մեղավոր: Իմ խելքից եղավ ամեն ինչ, դրա համար եմ գլխիս տալիս եմ, բայց ուշ է: Այն ամենը, ինչ աշխատել, կուտակել էի, ջուրն ընկավ, մոխիր դարձավ:

– Ինչո՞ւ,– զարմացավ գործընկերը:

– Ամեն ինչ տվեցի իմ անշնորհակալ զավակներին,– ասաց վաճառականն ու պատմեց ամեն ինչ:

– Ծիշտ չես արել, եղբայր,– ասաց ընկերը,– ինչո՞ւ ես քո կենդանության օրոք ունեցած–չունեցածդ բաժանել: Փեսաներն օտար արյուն են: Ասում են, չէ՞. **«Ամեր, փեսայի վրա հույս չդնես»**: Ահա թե քեզ ինչ կասեմ: Ես քեզ փորձանքից կազատեմ, բայց հիմարություն չանես. ինչ ասեմ, կանես: Ապագայիդ համար մի՛ անհանգստացիր, ամեն ինչ լավ կլինի, բայց կխրատվես: Ինչպես առածն է ասում, **կաթից լեզուն այրողը ջրին էլ կփչի**: Ահա թե ինչ կանենք,– ավելացրեց նա:– Դու իմ հաշվին մի լավ հյուրընկալություն կազմակերպիր,



հրավիրիր փեսաներիդ, աղջիկներիդ, թոռներիդ: Ես վերջինը կգամ և ինձ հետ ինչ–որ բան կբերեմ: Դու կնայես իմ բերածին, բայց չես զարմանա: Կասես. «Միթե հենց հիմա պիտի դա բերեիր, ասես՝ էլ փող չունեմ»: Մենք նրանց գլխին մի լավ խաղ կխաղանք, որ իմանան՝ պարտքը վճարել է պետք:

Ծեր վաճառականը լսեց ընկերոջը: Մեծ հյուրընկալություն կազմակերպեց, կանչեց փեսաներին, աղջիկներին, թոռներին, իր սանիկներին ու հարևաններին:



Բառային աշխատանք

1. Կազմիր *խորտիկ, հարևան, բարեհաճ, մտամոլոր* բառերի հոմանիշների և հականիշների շարքեր՝ օգտվելով բառարանից:
2. Կարդա՛ կապույտ գրված նախադասությունները: Դրանք իմաստալից խոսքեր են: Ո՞ր նախադասությունն է հեքիաթի գլխավոր միտքն արտահայտում:
3. Տեքստում ցոյց տուր ազգակցական կապ արտահայտող բառեր՝ աներ... Դրանք գործածիր նախադասությունների մեջ:
4. Բնագրում գտիր օրվա մեջ սնվելու երեք պահերն արտահայտող բառերը: Թվարկիր տարբեր մթերքների անուններ՝ հարստացնելով բառապաշարդ:
5. Հեքիաթից դուրս գրիր նախադասություններ, որոնցում իմաստով մոտ բառեր կան:
6. Առանձնացրո՛ւ նախադասություն, որում իմաստով հակառակ բառեր կան, և կազմիր դրանց հոմանիշները:
7. Բառարանում գտիր տեքստի կարմիր գրված բառերի բացատրությունը. տրված բառերը գործածիր շարադրանքում:



Տեքստային աշխատանք

1. Առոգանությամբ կարդա՛ և պատմիր՝ պահպանելով բնագրային բառապաշարը:
2. Հետևիր հեքիաթի Ա հատվածի բովանդակությանը և հաջորդակաևորեն հաղորդիր իրողություններն ու փաստերը:

3. Ստեղծագործության մեջ պատկերած պատմության և մարդկանց մասին դատիր քեզ հետաքրքրող տեսանկյունից:
4. Հիշիր նման իրավիճակներ իրական կյանքից և ներկայացրո՛ւ ընկերներիդ:
5. Արտահայտիր քո զգացողությունները, ապրումները և փորձիր բացատրել դրանք (զարմացա, որովհետև..., զայրացա, քանի որ ...):
6. Բնութագրիր ծեր վաճառականին և նրա կնոջը: Արդարացնո՞ւմ ես նրանց արարքները:
7. Բնութագրիր հարևանին: Դու ի՞նչ հնար կգտնեիր ծեր վաճառականին օգնելու համար:
8. Տեքստից դն՛րս գրիր ասացվածքները և գրիր դրանց իմաստին համապատասխան երեք ժողովրդական ասացվածք:
9. Բնագրում գտիր այն նախադասությունը, որում գործածված է *երդվել* բառը: Քննարկիր՝ երբ և ինչու են երդվում: Ի՞նչ կանեիր, եթե ընկերդ երդումը չպահեր:

Կարո՞ղ ես բացատրել **հաղորդակցում** բառը:



ՀԱՂՈՐԴԱԿՑՈՒՄ, ՏԵՍԱԿՆԵՐԸ

Հաղորդակցումը տեղեկության փոխանցման գործընթաց է, որը կատարվում է խոսքով և ժեստերով: Այն կարող է տեղի ունենալ դեմատղեմ, ինչպես նաև կապի տարբեր միջոցներով՝ հեռախոսով, էլեկտրոնային փոստով և այլն: Հաղորդակցումը լինում է **խոսքային** և **ոչ խոսքային**:

Հաղորդակցման հիմնական արտահայտությունը խոսքայինն է, որի մեջ երկխոսությունն ունի մեծ դեր: Երկխոսությունը, որի պարզ ձևը զրույցն է, կայանում է, եթե նրան մասնակցում են երկու կամ ավելի մարդիկ:

Ոչ խոսքային հաղորդակցումը տեղի է ունենում զանազան ժեստերի և դիմախաղի միջոցով, որոնք կոչվում են շարժումների լեզու: Ժեստը նույնպես տեղեկատվություն է և հաղորդակցական գործառույթ ունի: Տարբերակվում են գլխի և ձեռքի ժեստեր:



Առաջադրանքներ

1. Հեքիաթը կրկին կարդալով՝ դ՛ուրս գրիր խոսքային հաղորդակցման (երկխոսության) օրինակներ:
2. Երկխոսություններում գտի՛ր դիմելաձևեր և քննարկի՛ր ընկերներիդ հետ:
3. Դիմախաղով ցո՛յց տուր այս նախադասության ժեստերը. «Դուստրերն ու փեսաները սկզբում շատ զարմացան, հետո սկսեցին հոնքերը կիտել»:
4. Կարդա՛ն տեղեկույթը և քո կյանքից հիշի՛ր ոչ խոսքային հաղորդակցման նման իրավիճակ. ««Թագավորը Նյու Յորքում» ֆիլմում Չարլի Չապլինը հիանալի օգտագործել է իր ձեռքերի հնարավորությունները: Հերոսը ռեստորանում է և ընթրիք է պատվիրում, սակայն նվագախմբի բարձր երաժշտությունը թույլ չի տալիս, որ մատուցողը լսի այցելուին: Դերասանական հնարամտության շնորհիվ ֆիլմի հերոսին հաջողվում է պատվիրել ձկնկիթ, ապուր և այլ ուտեստներ»:

Քո կարծիքով ինչո՞վ են տարբերվում **բանավոր** և **գրավոր** խոսքերը:



ԲԱՆԱՎՈՐ ԵՎ ԳՐԱՎՈՐ ԽՈՍՔ

Լեզվի բանավոր կամ գրավոր ամեն մի դրսևորում կոչվում է խոսք: Խոսքն առաջացել է լեզվի ծագման շրջանից: Համատեղ ապրելու, աշխատելու ընթացքում առաջ է եկել միմյանց ինչ-որ բան ասելու պահանջ:

Բանավոր խոսքն առաջանում է հնչյուններ արտաբերելով՝ ի տարբերություն գրավոր խոսքի: Գրավոր խոսքն ավելի մշակված է և կանոնարկված: Բանավոր և գրավոր խոսքերն ունեն հստակ հատկանիշներ:

Խոսքն ունի բանալի բառեր: Դրանք խոսքի հիմնական միտքն արտահայտող բառային միավորներ են:

Բ

Դուրսը բացվեց, և ներս մտավ ընկերը: Նա դժվար էր շնչում, որովհետև մեջքին ծանր պարկ կար: Մտավ, ողջունեց բոլորին և տանտիրոջն ասաց.

– Երկո՛ր, եղբայրս, ների՛ր, որ անհանգստացնում եմ քեզ ոչ հարմար պահի, բայց ես ամոթից կմեռնեի, եթե հյուր գայի հին պարտքս չմարած: Քանի անգամ եմ քեզ ասել, որ փողն ինձանից վերցնես, հաշվետվությունն էլ հետը: Բայց դու այնքան ձգձգեցիր, որ հասավ մինչև այս օրը: Բերել եմ քո փողը, հաշվել եմ, ինչպես հարկն է, սա էլ հաշվետվությունը: Հետո կստուգես: Օ՛ֆ, ինչ լավ է, **ասես մի սար ընկավ ուսերիցս:**

– Եթե իմ մյուս **պարտապաններն** էլ քեզ նման ազնիվ լինեին ու ժամանակին վերադարձնեին պարտքը, ես հիմա ինքս ինձ չէի մեղադրի իմ առատաձեռնության համար:

Փեսաները, աղջիկները և բոլոր հյուրերը լսեցին, թե ինչ են խոսում ծերունիները: Մի փեսան փսփսաց մյուսի ականջին.

– Տեսնո՞ւմ ես, այ քեզ աներ... Ձևացնում էր, թե ինչ կա-չկա մեզ է տվել, **հոգեպահուստ** գրոշ էլ չունի, բայց դեռ որքան փող ունի: Եվ դեռ որքան էլ պիտի վերադարձնեն:

Աղջիկներն էլ նույնը փսփսացին: Հետո նրանցից մեկը թեքվեց ամուսնու կողմը:

– Ասում եմ՝ հորս ու մորս դարձյալ չկանչե՛նք մեր տուն ճաշելու, ընթրելու:

– Ճիշտ ես ասում,- ասաց ամուսինը,- պետք է կրկին հոգանք նրանց կարիքները, աչքի լույսի պես պահենք ծերուկներին:

Այսպես աղջիկներն ամուսինների հետ համաձայնության եկան ծնողների հոգսը հոգալու հարցում. ավելի շատ փողի հույս ունեին:

Ծեր վաճառականն ու իր կինը լավ ապրեցին իրենց կյանքի վերջին տարիներին: Ջավակներն ասես մրցում էին իրար հետ, թե ով ավելի լավ կկերակրի ու կխնամի ծնողներին: Ծեր Երկոն մտքում հաճախ էր շնորհակալ լինում ընկերոջը, որն իրեն ազատեց ծանր մտքերից ու հոգսից:

Ժամանակ անցավ: Մահացավ Երկոյի կինը, մի քանի տարուց ինքն էլ **ավանդեց հոգին**: Նրա կտակում գրված էր. «Միրելի՛ զավակներս, ինձ կթաղեք պատվով, հետո կբացեք մեծ **անդուկն** ու այնտեղ կգտնեք այն, ինչ թողնում եմ ձեզ»:

Ձավակներն այդպես էլ արեցին: Բացեցին մեծ սնդուկը: Այն դատարկ էր... Միայն մի նամակ գտան այնտեղ. «Միրելի՛ գավակներս, նոր ժառանգության հույս մի՛ փայփայեք: Պարզապես Աստծուն աղոթելով՝ աշխատեք, խնայեք ձեր ունեցածն ու հարուստ կլինեք: Ձեր հայր Երկո»:



Բառային աշխատանք

1. Ինչ է նշանակում *հանգիստ խղճով* արտահայտությունը: Երբ է այն կիրառվում:
2. Հատվածում գտիր *բարևել, դուստր, մեռնել, նորից, ունևոր* բառերի հոմանիշները:
3. Հատվածում գտիր *նոր, երիտասարդ, փակել, փոքր, լիքը* բառերի հականիշները:
4. Բացատրիր կապույտ գրված արտահայտությունները:
5. Բառարանում գտիր տեքստի կարմիր գրված բառերի բացատրությունը:



Տեքստային աշխատանք

1. Կարդա՛ հասկանալով և կազմիր հեքիաթում պատմվող դեպքերի պլանը:
2. Վերաշարադրիր հեքիաթի բովանդակությունն ըստ պլանի:
3. Տեքստից առանձնացրո՛ւ հեքիաթի գլխավոր միտքն արտահայտող նախադասությունը և բացատրիր իմաստը:
4. Արդյոք ճիշտ վարվեց հայրը, երբ ունեցած-չունեցածը բաժանեց երկու աղջիկներին: Ո՞րն է քո մոտեցումը:
5. Բնութագրիր ծեր վաճառականին ու նրա աղջիկներին:

Հերոս	Արարք	Դրդապատճառ
Վաճառական		
Աղջիկներ		

6. Գնահատիր հարևանի վարմունքը քո տեսանկյունից:
7. Բնութագրիր փեսաներին և աղջիկներին: Նշիր քո տեսակետը վատ գավակների մասին:

8. Ո՞րն է ծնողասեր և շնորհակալ զավակի քո պատկերացումը:
9. Ընկերներիդ հետ քննարկիր *«Աչքի լույսի պես պահենք ծնողներին»* նախադասության կարևորությունը:
10. Հեքիաթում ցույց տուր իրականի և երևակայականի սահմանները:
11. Կարդան տեքստը, տարբերակիր ուղղակի և անուղղակի խոսքերը, դրանք կիրառիր ըստ նշանակության:
12. Նշիր հեքիաթի դաստիարակչական արժեքը և գնահատիր:
13. Ներկայացրու հերոսների վարքագիծը և արտահայտիր քո վերաբերմունքը:
14. Տեքստն ուսումնասիրելիս ի՞նչ արժեքներ ձեռք բերեցիր: Ինչու են պետք դրանք:
15. Մասնակցիր հեքիաթի բեմադրման աշխատանքներին և ընտրիր համապատասխան դեր՝ պատճառաբանելով քո ընտրությունը:



ՆԱԽԱԴԱՍՈՒԹՅԱՆ ՏԵՍԱԿՆԵՐՆ ԸՍՏ ՀԱՂՈՐԴԱԿՑՈՒԹՅԱՆ ԵՎ ՀՆՉԵՐԱՆԳԻ

Խոսքը կազմված է նախադասություններից, որոնց մեջ առկա է խոսողի վերաբերմունքն իր հաղորդած նյութի նկատմամբ: Խոսքային հաղորդակցության ընթացքում մենք կարող ենք սովորական դատողություն անել որևէ իրողության վերաբերյալ, հաստատել կամ ժխտել այն: Մի այլ դեպքում խոսողը կարող է հարցում արտահայտել դեպքերի և երևույթների մասին, մի երրորդ դեպքում՝ հուզարտահայտչական վերաբերմունք դրսևորել կամ էլ մտքերն արտահայտել հրամանով և կարգադրությամբ: Այս ամենը խոսողը կատարում է ձայնային ելևէջների և առոգանության միջոցով, որն էլ կոչվում է **հնչերանգ**:

Ըստ բառային ու քերականական միջոցների և հնչերանգի բազմազանության՝ ժամանակակից հայերենի նախադասությունները լինում են չորս տեսակի՝ **պատմողական, հարցական, հրամայական, բացականչական**: Օրինակ՝ Ծովը ծփում է: Սովորե՛լ ես պատվիրանները: Խոսիր հայերեն: Ի՞նչ գեղեցիկ է առավոտը:



ԳՐԻՄ ԵՂԲԱՅՐՆԵՐ
 Յակոբ Գրիմ (1785–1863)
 Վիլհելմ Գրիմ (1786–1859)



Կենսագրություն

ԱՆՏԱՌԻ ՏՆԱԿԸ

(Հովհաննես Թումանյանի թարգմանությամբ)

Ա

Մի խոր անտառի բերանում մի **խրճիթ** է լինում: Էն խրճիթում կնոջ ու երեք աղջիկների հետ ապրում էր մի աղքատ **փայտահատ**:

Մի առավոտ՝ գործի գնալիս, փայտահատը կնոջն ասում է.

– Ա՛յ կին, այսօր գործս մինչև կեսօր չեմ վերջացնի. մեր մեծ աղջկա հետ ինձ համար ճաշ կուղարկես անտառ: Ես էլ հետս մի տոպրակ կորեկ կվերցնեմ, շաղ տալով կգնամ, որ այդ նշանով աղջիկս գա ու ճամփեն չկորցնի:

Օրը ճաշ է դառնում թե չէ, մեծ աղջիկը կերակուրն առնում է, ճամփա ընկնում: Բայց ծտերը, արտույտները, **ասրեկներն** ու **դեղձանիկները** շաղ տված կորեկն արդեն կերած են լինում, ու աղջիկը չի կարողանում հոր հետքը գտնել: Գնում է, գնում, մինչ արևը մեր է մտնում, ու անտառում մուրը վրա է հասնում: Ծառերը շրշում են խավարում, բուերը

կանչում, կոնչում, ու աղջիկը սկսում է վախենալ: Մին էլ տեսնում է՝ հեռվում՝ ծառերի արանքից, մի կրակ է փայլփլում:

«Այնտեղ երևի մարդիկ են ապրում. գնամ, նրանց մոտ մնամ էս գիշեր», – մտածում է աղջիկն ու գնում էն կրակի վրա:

Գնում է հասնում մի տնակի, դուռը ծեծում:

– Ո՛վ ես, ներս արի, – կանչում է ներսից մի ձայն: Աղջիկը ներս



է մտնում, տեսնում է՝ նստած մի **ալևոր** մարդու, իսկ մյուս կողմում՝
մի չալ կով, մի հավ ու մի արլոր:

Աղջիկը պատմում է ծերին, թե ինչպես է ինքը մոլորվել անտառում,
ու խնդրում է, որ տեղ տա գիշերը մնալու:

Ծերունին դիմում է իր կենդանիներին.

– Սիրուն հավիկ, իմ լավիկ,
Չալ ու նախշուն իմ կովիկ,
Եվ դու, արլոր **փահլևան**,
Ինչ եք ասում դուք սրան:

Կենդանիները միասին պատասխանում են.

– Լավ:

Էդ ժամանակ ծերունին աղջկան ասում է.

– Համեցեք, մեր աչքի վրա, սիրուն աղջիկ, մեր դուռը բաց է, տունը՝
լիքը: Համեցիր, մոտեցիր օջախին, կերակուր շինի:

Աղջիկը մտնում է խոհանոց և, ճիշտ որ, ամեն բան գտնում է
առատ–առատ: Մի լավ ընթրիք է պատրաստում, բերում է, ծերունու
առաջ լիքը սեղան է բաց անում, ինքն էլ նրա հետ նստում, ուտում,
խմում, կշտանում: Որ կշտանում–պրծնում է, ասում է.

– Բա ես հոգնած եմ. հիմի որտեղ քնեմ:

Էստեղ կովը, հավն ու արլորը պատասխանում են.

– Ողջ դրա հետ դու կերար
Ու խմեցիր ինչ–որ կար,
Մտիկ չարիք իսկի մեզ,
Գնա՛, քնի՛, ուր կուզես:

Էն ժամանակ ծերունին ասում է.

– Բարձրացիր. սանդուղքի գլխին մի սենյակ կա: Էն սենյակում եր–
կու անկողին կա. անկողինները պատրաստիր, ես էլ կգամ, կքնենք:

Աղջիկը վերև է բարձրանում, անկողինները գցում է ու ծերունուն չի
սպասում. ինքը պառկում է, քնում: Մի քիչ հետո ծերունին գալիս է, մո–
մի լույսով նայում է աղջկան ու գլուխը թափ տալիս: Գիշերվա մի ժա–
մանակ երբ տեսնում է՝ խորը քնած է, մահճակալի տակին մի գաղտնի
դուռ է լինում, բաց է անում, աղջկան թողնում ցած ու կրկին փակում:



Քառային աշխատանք

1. Գրիր հետևյալ բառերի հոմանիշները և հականիշները:

խրճիթ, աղջիկ, աղքատ, ծերունի:

2. Ա հատվածից գտիր՝ ինչ ձայն է հանում բուն: Ինչ բառերով են արտահայտվում կովի, ոչխարի, ագռավի, արագիլի ձայները:

3. Արտագրիր տրված հատվածը, ընդգծված բառերը փոխարինիր համապատասխան հոմանիշներով:

Մի *խոր* անտառի բերանում մի *խրճիթ* է լինում: Էն խրճիթում կնոջ ու երեք *աղջիկների* հետ ապրում էր մի *աղքատ* փայտահատ: Մի առավոտ՝ գործի գնալիս, նա կնոջն ասում է.

– Ա՛յ կին, այսօր գործս մինչև *կեսօր* չեմ վերջացնի, մեր *մեծ* աղջկա հետ ինձ համար *ճաշ* կուղարկես անտառը: Ես էլ հետո մի *տոպրակ* կորեկ կվերցնեմ, շաղ տալով կգնամ, որ այդ նշանով գա ու ճամփեն չկորցնի:

4. Նշված հատվածը ընդարձակիր՝ համալրելով հերոսների երկխոսություններով:

5. Մնջախաղով, ժեստերի լեզվով հաղորդիր նշված հատվածի բովանդակությունը:



Տեքստային աշխատանք

1. Արտահայտիչ և վարժ կարդա հեքիաթը, վերարտադրիր դեպքերի հաջորդական ընթացքը՝ պահպանելով նրա հիմնական բովանդակությունը:


2. Թվարկիր հատվածի գործող հերոսներին:

3. Տեքստում գտիր և դճրս գրիր անտառի նկարագրությունը ներկայացնող նախադասությունը: Սովորաբար ինչպիսին է լինում անտառը:

4. Կարդա տեքստը, գտիր աղջկա բնավորությունը բնութագրող հատվածները, արարքների դրդապատճառները բացահայտող խոսքային միջոցները, հիմնվելով դրանց վրա՝ վերլուծիր նրա կերպարը:

5. Բնութագրիր ծերունուն՝ ելնելով նրա արարքների դրդապատճառներից:
6. Մենաբանի կենդանիների մասնակցությունը դեպքերի զարգացման ընթացքում և արտահայտի՝ քո վերաբերմունքը նրանց նկատմամբ:
7. Բացատրիր ծերունու հարցադրման նպատակը կենդանիներին՝ անտառում մոլորված աղջկան ապաստան տալու համար:
8. Իրավացի է կենդանիների դժգոհությունը աղջկանից: Ինչո՞ւ: Հիմնավորումդ գտիր տեքստում:
9. Ճիշտ վարվեց ծերունին՝ աղջկան նկուղը գցելով: Դու ինչպե՞ս կվարվեիր:
10. Դիտիր Ա հատվածի նկարը և գրիր նկարագրական շարադրություն:
11. Հեքիաթը կարդալիս կանխատեսիր դեպքերի զարգացման ընթացքը, տեքստից ընտրած փաստերով հիմնավորիր քո կանխատեսումը՝ լրացնելով «Կանխատեսման ուղեցույց» գծակարգում:

1. Ի՞նչ է լինելու հետո: ա) բ) գ)	2. Ինչո՞ւ ես այդպես կարծում:
3. Ի՞նչ եղավ: ա) բ) գ)	4. Նոր վերնագիր դիր հատվածին:



12. Նկարագրիր այն կենդանուն, որին դու պահում ես կամ խնամում: Հիմնավորիր՝ ինչ դեր ունեն կենդանիները մարդու կյանքում:
13. Տարբերիր և արժևորիր մայրենի բարբառը, խոսվածքը՝ որպես հայոց լեզվի հարստացման միջոց: Դու՞րս գրիր բարբառային բառեր՝ գրելով դրանց գրական համարժեքները:



**ՆԱԽԱԴԱՍՈՒԹՅԱՆ ՏԵՍԱԿՆԵՐՆ
ԸՍՏ ԿԱԶՄՈՒԹՅԱՆ: ՊԱՐԶ ԵՎ ԲԱՐԴ
ՆԱԽԱԴԱՍՈՒԹՅՈՒՆՆԵՐ: ՀԱՄԱՌՈՏ ԵՎ ԸՆԴԱՐՁԱԿ
ՆԱԽԱԴԱՍՈՒԹՅՈՒՆՆԵՐ**

Կառուցվածքային տեսակետից նախադասությունները տարբեր են լինում. մի դեպքում մեկ միտք են արտահայտում, մյուս դեպքում՝ մեկից ավելի, մի դեպքում իրենց կազմում ունենում են միայն գլխավոր անդամներ, մյուս դեպքում՝ դրանց լրացնող անդամներ:

Եթե նախադասությունը մեկ միտք է արտահայտում, ապա պարզ է:

Օրինակ՝ **Արծիվը կառուցով փրկել էր իր ձագերից միայն մեկին:**

Անուշ լեզուն մեղրից քաղցր է:

Պարզ նախադասությունները լինում են համառոտ և ընդարձակ: Համառոտ նախադասությունը կազմված է գլխավոր անդամներից՝ ենթակայից և ստորոգյալից:

Օրինակ՝ **Արևը ժպտաց: Ձնծաղիկը երկնագույն է:**

Ընդարձակ նախադասությունը կազմված է գլխավոր անդամներից և լրացումներից:

Օրինակ՝ **Արևը ջերմ ժպտաց: Սարի ձնծաղիկը երկնագույն է:**

Եթե նախադասությունը մեկից ավելի մտքեր է արտահայտում, ապա բարդ է:


Օրինակ՝ **Քո լեռները ժպտադեմ**

Արևին գիրկն են առել,

Աղբյուրներիդ արծաթե

Զնգուն լարեր են դառել: (Վ. Խանոյան)

Այս բարդ նախադասությունը բաղկացած է երկու առանձին մտքերից:





Առաջադրանքներ

1. Բառերի զույգերից կազմիր համառոտ նախադասություններ:

Դավիթ-մարզվել, Նարե-գրոսնել, արփի-ժպտալ, շոկոլադ-հավվել, ես-հերոս, դու-ձիշտ:

Նմուշ՝ Նա բարի է:

2. Ընդարձակիր համառոտ նախադասությունները:

ա) Նավը լողում է:

գ) Զանգակածաղիկը կապույտ է:

բ) Ծնձղուկը կտցահարում է:

դ) Ընկերները հաշտ են:

3. Տրված բառերով կազմիր ընդարձակ նախադասություններ:

ա) Վրաստան, մայրաքաղաք, Թբիլիսի:

բ) խոտ, իջնել, արտույտ, վրա, կանաչ:

գ) ձանաչել, փորձանք, լավ, մեջ, ընկեր:

4. Պարզ նախադասությունները միավորիր և դարձրու բարդ:

ա) Լույսը բացվեց:

ա) Խաղաղությունը գոտևորի մոլորակը:

բ) Ես ուզում եմ:

բ) Արևը փայլեց երկնքում:

գ) Կարենը սահում է չմուշկներով:

գ) Հուլունք դարձած կաթկթում է հողին:

դ) Մասրենու վրայի ձյունը հալվում է:

դ) Կարողանում է սպորտային պար պարել:

5. Տրված մասերը միացնելով՝ ամբողջացրու առած-ասացվածքները:

ա) Եղբայրը կարող է ընկեր չլինել,

ա) ասում է՝ խակ է:

բ) Աղվեսի բերանը խաղողին չի հասնում,

բ) բայց ընկերը միշտ եղբայր է:

գ) Անձրևից փախան,

գ) վախեցիր մարմանդ գետից:

դ) Մի վախենա վարար գետից,

դ) կարկուտի տակ ընկան:

ե) Մի գիժ քար գցեց հորը,

ե) չհասկացողին՝ հազար ու մին:

զ) Հասկացողին մին ասա,

զ) քառասուն իմաստուն չկարողացան հանել:



ՆԱԽԱԴԱՍՈՒԹՅՈՒՆ-ԲԱՌ-ՀՆՉՅՈՒՆ


Ինչպես տեսնում ենք, հեքիաթների հերոսներն իրենց մտքերն արտահայտում են տարբեր հնչերանգի նախադասությունների միջոցով: Այդ նախադասությունները կազմված են բառերից: Բառը հնչյուն է կամ հնչյունախումբ, որն իմաստ է արտահայտում, և ունի ինքնուրույն գործածություն: Ամենակարճ բառերը բնականաբար արտահայտվում են մեկ հնչյունով: Ժամանակակից գրական հայերենում միայն ձայնավորները կարող են միայնակ հանդես գալ որպես բառ:

Օրինակ՝ **Օ՛**, ինչ փափուկ խոտ է, ինչ գեղեցիկ ծաղիկ է:

(Հ. Ք. Անդերսեն)

Է, հոգնել եմ, ես այսպես ինձ երիտասարդ եմ զգում,– հոգոց էր հանում ծեր շոգենավը: (*Մաթենիկ Ղազարյան*)

Սակայն հնչյունը և բառն ունեն տարբերություններ: Հնչյունը արտասանական միավոր է և իմաստ չունի: Բառը նույնպես արտասանական միավոր է, բայց իմաստ ունի և հնչյունից տարբերվում է հենց դրանով, օրինակ՝ **ա, ր, դ, մ** հնչյուններ են, իսկ ձիշտ դասավորության դեպքում ստանում ենք **մարդ** բառը, որն իմաստ է արտահայտում:



Առաջադրանքներ

1. Տեքստի մասերը խառնված են: Կարդա՛մ և դասավորի՛ր ըստ հերթականության:

1997 թվականից ի վեր Ֆիլիպիններում տեղի է ունենում ազգային լեզվի մեկամսյա տոնակատարություն: Իրականում կարաոկեն հորինվել է Ֆիլիպիններում:

Ֆիլիպինները պետություն է հարավարևելյան Ասիայում՝ Խաղաղ օվկիանոսի արևմտյան մասում: Գտնվում է Ֆիլիպինյան մեծ ու փոքր կղզիների վրա: Նա իր անվանումը ստացել է ի պատիվ Իսպանիայի թագավոր Ֆիլիպ Երկրորդի: Նախկինում եղել է Իսպանիայի գաղութը, այնուհետև անցել է ԱՄՆ–ին: Տարածքի շուրջ կեսը ծածկված է անտառներով: Ընդերքը հարուստ է պղնձի, սնդիկի, երկաթի, ման–

գանի պաշարներով: Կան նաև ածխի և բնական գազի հանքավայրեր:


Բնակչությունը կազմված է ավելի քան 90 ազգությունից: Բնակվում են նաև չինացիներ: Տիրապետող կրոնը քրիստոնեությունն է: Մայրաքաղաքն է Մանիլան: Քաղաքն իր անունը ստացել է ի պատիվ Maynilad կոչվող սպիտակ ծառի: Պետական լեզուներն են ֆիլիպիներենը, անգլերենը: Տարածված է նաև իսպաներենը:

2. Տեքստը հարստացրո՞ւ այլ տեղեկություններով՝ օգտվելով հանրագիտարանից կամ այլ աղբյուրներից:

3. Լուծիր խաչբառը:

Ուղղահայաց

1. Լեզվի իմաստակիր միավոր: 2. Հաղորդակցության հիմնական ձևը: 4. Տեղեկության փոխանցման գործընթաց: 5. Երբ ...ն ընկում է, հեռվից տեսնում է անտառի տնակի լույսը («Անտառի տնակը»): 7. Ո՛չ մանուկ, ո՛չ երիտասարդ:



Հորիզոնական

3. Խոսքի տեսակ: 6. Վատը լավ կռվից լավ է («Հայրը և զավակները»): 7. Նախադասության տեսակներից մեկը: 8. Հեքիաթին բնորոշ միրգը: 9. Հայ հեքիաթագիր: 10. Նա դժվար էր շնչում, որովհետև մեջքին ծանր ... կար («Հայրը և զավակները»): 11. Լույն ... շինել:


Բ

Փայտահատը իրիկունը տուն է գալի, բարկանում է կնկա վրա, որ իրեն ամբողջ օրը սոված է թողել:

– Ես ի՞նչ անեմ,– պատասխանում է կինը,– ձաշը տվել եմ մեր մեծ աղջկան, դրկել: Ինչպես երևում է, ձամփեն կորցրել է, չի գտել, ինքն էլ հետ չի եկել դեռ:

Փայտահատը մյուս օրն էլ առավոտյան վաղ վեր է կենում, գնում անտառը: Պատվիրում է, որ էս անգամ միջնեկ աղջիկը տանի ձաշը:

– Այսօր հետս ոսպ կվերցնեմ,– ասում է,– որ ձամփին շաղ տամ:



Ոսպը կորեկից խոշոր է, աղջիկս հեշտ կտեսնի ու ձամփեն չի կորցնի: Կեսօրին միջնեկ աղջիկը ճաշն առնում է, ձամփա ընկնում: Գնում է, գնում, ոչ մի տեղ ոսպ չի գտնում: Դու մի ասիլ, դարձյալ թռչունները կերել են, մի հատ էլ չեն թողել:

Աղջիկն անտառում թափառում է, թափառում, գիշերն ընկնում էլի նույն ծերունու մոտ, հաց ու քնելու տեղ է խնդրում: Ծերունին դիմում է կովին, հավին ու աքլորին.

– Սիրուն հավիկ, իմ լավիկ,
Չալ ու նախշուն իմ կովիկ,
Եվ դու, աքլոր փահլևան,
Բնչ եք ասում դուք սրան:

– Լավ,– պատասխանում են կենդանիները:

Միջնեկ քույրն էլ մեծ քրոջ նման ընթրիք է պատրաստում, ծերի հետ ուտում, խմում, կշտանում, կենդանիների վրա ուշք էլ չի դարձնում: Երբ հարցնում է, թե՛ ես որտեղ պիտի քնեմ, կենդանիները պատասխանում են.

– Ողջ դրա հետ դու կերար
Ու խմեցիր ինչ–որ կար,
Մոիկ չարիք իսկի մեզ,
Գնա՛, քնի՛, ուր կուզես:

Հենց նա գնում է, հետևից գնում է ծերունին, գլուխը թափահարում ու դարձյալ թողնում է ներքև:



Քառային աշխատանք

1. Հատվածից դուրս գրիր կենդանիներին բնութագրող բառերը և դրանք գործածիր նախադասությունների մեջ:
2. Գործածելով առարկա, գործողություն ցույց տվող բառերը՝ կազմիր նախադասություններ:

Փայրահար, մայր, աղջիկ, ձաշ, անտառ, տնակ, ծերունի, զայրանալ, լաց լինել, մոլորվել, գորնել, հյուրընկալել, պատժել:

3. Կազմած նախադասությունները դասավորիր ու գրավոր շարադրիր այնպիսի հաջորդականությամբ, որ ստացվի մի պատմություն:

4. Գրի՛ր՝ ինչ ես անում տանը, դպրոցում: Սկսի՛ր այսպես:

Օրս սկսում եմ առավոտյան վարժանքով,,,,,,

Դպրոցում սովորում եմ.....,,,,,

Շարադրելիս գործածի՛ր փակագծում տրված բառերը:

(*հարդարել, սրբել, արդուկել, մաքրել, երգել, մարզվել, նկարել, խաղալ, աշխատել, կարդալ, նախագծել, պատմել*)

5. Գրի՛ր շարադրություն՝ «Երեխաները անտառում» վերնագրով, և գործածի՛ր տրված բառերը:

Բացար, թավուր, դայլալ, արահեպ, սաղարթախիպ, խարույկ, ոլորան, մթնշաղ:

Պլան

ա. Ամառ է:

բ. Երեխաները անտառում:

գ. Դասղեկի հանձնարարությունը:

դ. Ճամբարային առօրյան:

ե. Հրաժեշտի երեկո:



Տեքստային աշխատանք


1. Քո պատկերացմամբ նկարագրի՛ր հոր, միջնեկ աղջկա, ծերունու արտաքինը:
2. Արտագրի՛ր հեքիաթի Բ հատվածի հերոսներին բնութագրող արարքների դրդապատճառները բացահայտող նախադասությունները:
3. Վերլուծի՛ր ծերունու արարքների դրդապատճառները (ինչո՞ւ..., որովհետև...): Ճիշտ վարվեց ծերունին:
4. Վերլուծի՛ր միջնեկ աղջկա արարքները: Մեկնաբանի՛ր քո տեսանկյունից:
5. Կազմի՛ր համեմատության աղյուսակներ (Վենի գծակարգ, քառաբաժան, երկայուն աղյուսակ), ցոյց տուր հեքիաթում առկա երևույթների, առարկաների, կենդանիների, մարդկանց ընդհանրությունները և տարբերությունները:

6. Կարդացած հեքիաթի համար ընտրիր նմանատիպ մուլտֆիլմից հատվածներ և բացատրիր ընտրությանդ շարժառիթը:
7. Հեքիաթի բովանդակությանը համապատասխան նկարագարդուններ արեք (ծեփեք և ձեռքի այլ աշխատանքներ արեք) (խմբային աշխատանք):
8. Դերային խաղով ներկայացրեք հեքիաթի երկրորդ մասի բովանդակությունը՝ նախապես բեմագիր կազմելով (խմբային աշխատանք):



ՀՆՉՅՈՒՆԱԲԱՆՈՒԹՅՈՒՆ. ՀԱՅԵՐԵՆԻ ՀՆՉՅՈՒՆՆԵՐԸ

Հնչյունաբանությունը լեզվաբանության այն բաժինն է, որն ուսումնասիրում է լեզվի հնչյունական կազմը, հնչյունական համակարգը: Հնչյունաբանությունը զբաղվում է նաև խոսքային ավելի մեծ միավորների՝ վանկի, շեշտի, հնչերանգի ուսումնասիրությամբ: **Հնչյունը լեզվի ձայնային նվազագույն արտասանական միավորն է:** Հնչյուններով կազմված են բառեր, բառերով՝ խոսք: Հնչյունական համակարգում որպես հնչյունաբանական միավոր առանձնանում են նաև երկհնչյունները, կրկնակ բաղաձայնները և այլն:



ՀՆՉՅՈՒՆ ԵՎ ՏԱՌ

Մեր խոսքը կազմված է բառերից, իսկ բառերը կազմված են հնչյուններից: **Հնչյունը լեզվական միավոր է, որն արտասանվում և լսվում է:**

Օրինակ՝ **գիրք-գիրք:**

Տառը հնչյունի գրային նշանն է, որը գրվում է և կարդացվում: Յուրաքանչյուր տառ նշում է որևէ հնչյուն: **Է** հնչյունի համար ունենք երկու տառ՝ **է** և **ե**: **Օ** հնչյունի համար նույնպես ունենք երկու տառ՝ **օ** և **ո**:

Կան տառեր, որոնք երկու կամ ավելի հնչյուններով են արտաբերվում: **Ո** տառը բառասկզբում և բառամիջում՝ ձայնավորից հետո, լսվում է երկու հնչյունների միասնությամբ:

Օրինակ՝ **ոզնի** (վօզնի), **ոտք** (վօտք), **ամենաորակյալ** (ամենավօրակյալ):

Նույնը և **ե** տառը բառասկզբում և բառամիջում՝ ձայնավորից հետո, արտաբերվում է երկու հնչյունով:

Օրինակ՝ **երգ** (յէրգ), **եղնիկ** (յէղնիկ), **ամենաերջանիկ** (ամենայէրջանիկ):

Առանձին գործածվելիս **և** կցագիր տառանշանը հնչում է երեք հնչյունով՝ **լէվ**, իսկ բառամիջում կամ բառավերջում երկու կամ երեք հնչյուն՝ **էվ** (արևահամ-արէվահամ, բարև-բարէվ, նաև-նայէվ, Եվա-Յէվա):

Որոշ բառերում **ը** հնչյունը լսվում է, բայց չի գրվում:

Օրինակ՝ մ^(ը)կրատ, դուստ^(ը)ր:

Այդ է պատճառը, որ որոշ բառերում հնչյունների և տառերի քանակը չի համապատասխանում:



Առաջադրանքներ

1. Հեքիաթի Բ հատվածից դ՛ուրս գրիր չորս բառ, որոնց տառերի և հնչյունների քանակը հավասար է:
2. Հեքիաթի Բ հատվածից դ՛ուրս գրիր չորս բառ, որոնց տառերի և հնչյունների քանակը հավասար չէ: Մեկնաբանիր: Ինչո՞ւ:
3. Քանի՞ ձայնավոր հնչյուն կա **եղնիկ**, **ոսպ**, **գլուխ** բառերում:
4. Բառարանից դ՛ուրս գրիր բառեր, որոնք սկսվում են **է** և **ո** տառերով:
5. Որոշիր և գրիր տրված բառերի հնչյունների և տառերի քանակը:

Որակ _____
որևէ _____
օղակ _____

երեխա _____
Եվրոպացի _____
արև _____


Գ

Երրորդ առավոտը փայտահատը կնկան ասում է.

– Էսօր մեր կրտսեր աղջկա ձեռքով **դրկի** ճաշը: Նա բարի է ու **ականջով**: Նա ճամփեն կգտնի, իր քույրերի նման չի, որ դեսուդեն ընկնի:

Մայրը չի ուզում երրորդ աղջկանն էլ անտառ ուղարկի: Լաց է լինում, ասում է.

– Աչքիս սև ու սպիտակը սա է մնացել, ինչո՞ւ ես ուզում՝ սրան էլ կորցնես մեծերի նման:



– Դու հանգիստ կաց,– ասում է փայտահատը,– սա կորչիլ չի, սա էնպես խելոք է, որ... Ես էլ էսօր հետս սիսեռ կտանեմ՝ ճամփին շաղ տալու: Սիսեռը ոսպ հո չի՞, նրանով անպատճառ ճամփեն կգտնի:

Բայց երբ աղջիկը, ճաշն առած, անտառն է մտնում, թռչուններն արդեն սիսեռը կերած են լինում: Աղջիկը մնում է տարակուսած, չի իմանում՝ որ կողմը գնա:

Մտածում է, դարդ է անում, թե հիմի հայրը կտվի, մայրը լաց կլինի...

Ման է գալի, ման, հորը չի գտնում: Երբ մութն ընկնում է, հեռվից տեսնում է անտառի տնակի լույսն ու գնում է էն լույսի վրա: Մտնում է ներս, տեղ է խնդրում, ու **պլեհեք** ծերունին դարձյալ դիմում է իր կենդանիներին.

– Սիրուն հավիկ, իմ լավիկ,
Չա՛լ ու նախշուն իմ կովիկ,
Եվ դու, արլո՛ր փահլևան,
Ի՛նչ եք ասում դուք սրան:

– Լավ...– պատասխանում են կենդանիները: Էն ժամանակ աղջիկը մոտենում է, գուրգուրում հավին ու արլորին: Ծերի պատվերով ընթրիք է պատրաստում, դնում սեղանին ու ասում.

– Ինչո՞ւ ես պետք է ուտեմ, էս բարի կենդանիները քաղցած նայեն:

Գնում է, կուտ բերում, ածում հավի ու աքլորի առջև, կովի համար էլ մի **խորոմ** խոտ:

– Կերե՞ք,– ասում է,– իմ սիրելի՛ք, այ հիմի ջուր էլ կբերեն:

Գնում է, մի դույլ ջուր էլ բերում, դնում առաջները:

Ամենքին կշտացնում է, նոր ինքն է նստում ուտում, ինչ որ թողել էր ծերունին: Իսկ երբ քնելու ժամանակը գալիս է, ասում է.

– Ժամանակը չի արդյոք, որ ամենքս էլ հանգստանանք...

Սիրո՞ն հավիկ, իմ լավի՛կ,
Չա՛լ ու նախշուն իմ կովիկ,
Եվ դու, աքլոր փահլևան,
Ի՞նչ եք ասում դուք սրան:

– Լավ,– պատասխանում են կենդանիները:

– Մեզ հետ կերար միասին
Ու հոգացիր մեր մասին,
Բարի գիշեր քեզ բարի,
Մուրազդ Աստված կատարի:

Էստեղ աղջիկը բարձրանում է վերև, անկողիները պատրաստում: Ծերունին գալիս է քնում: Ինքն էլ մյուս մահճակալին է պառկում ու հանգիստ քուն մտնում:

Գիշերվա մի ժամանակ տունը հանկարծ դղրդում է. կարծես քանդվում ու տակնուվրա է լինում: Աղջիկը վախեցած զարթնում է, բայց աղմուկն անցնում է, ինքն էլ քնում է նորից:

Առավոտը աչքը բաց է անում և ի՞նչ է տեսնում: Տեսնում է՝ պառկած է մի մեծ, շքեղ զարդարած ու կահավորած դահլիճում, շուրջը՝ **թավիշ** ու ոսկի, հարավային փարթամ բույսեր ու ծաղիկներ այրվում–վառվում են առավոտյան արևի ճառագայթների տակ: Տեսնում է, բայց աչքերին չի հավատում: Ասում է. «Երազի մեջ եմ երևի»: Էսպես մտածելիս ներս են մտնում երեք ձոխ հագնված ծառաներ, խոնարհ գլուխ են տալիս ու հարցնում.

– Ի՞նչ կիրամայեք, տիրուհի՛:

– Լավ, լավ, գնացե՞ք,– պատասխանում է **քնաթաթախ** աղջիկը,– հիմի վեր կկենամ, ծերունու համար կերակուր կպատրաստեմ, կովի, հավի ու աքլորի մասին կհոգամ:

Կարծում է, թե ծերունին էլ արդեն վեր է կացել: Նայում է նրա անկողնին, տեսնում է՝ ծերունին չկա, տեղը պառկած է մի օտար ջահել ու գեղեցիկ երիտասարդ...

Եվ ահա երիտասարդը աչքերը բաց է անում ու էսպես խոսում զարմացած աղջկա հետ.

– Լսի՛ր, սիրուն աղջիկ: Ես էս երկրի թագավորի որդին եմ: Չար վիուկը կախարդել էր ինձ ու դատապարտել, որ ես ծերի կերպարանքով ապրեի անտառում, ոչ ոք էլ չլիներ ինձ հետ՝ բացի իմ երեք ծառաներից, նրանք էլ կովի, հավի ու աքլորի կերպարանքով: Եվ էդպես պետք է մնայինք, մինչև հայտնվեր էն բարի աղջիկը, էն քնքուշ սիրտը, որ ոչ միայն մարդկանց, այլև կենդանիներին լիներ սիրող ու **կարեկից**... Էն աղջիկը դու եղար: Քո շնորհիվ էս գիշեր՝ կեսգիշերին, մենք ամենքս ազատվեցինք կախարդանքից, ու իմ պալատը, որ դարձել էր անտառի մի հին տնակ, նորից դարձավ առաջվա պալատը:

Ու կանչում է **թագավորագնը** իր ծառաներին, որ գնան, աղջկա ծնողներին բերեն հարսանիքին:

– Բայց որտե՞ղ են իմ քույրերը,– հարցնում է աղջիկը:

– Նրանց ես փակել եմ ներքնահարկում,– պատասխանում է երիտասարդը:– Էզուց կուղարկեմ անտառ, էստեղ **ածխարարի** մոտ ծառայեն ու էնքան մնան, մինչև որ դառնան ավելի բարի ու սովորեն մտածել կենդանիների մասին:



Բառային աշխատանք

1. Տեքստում գտի՛ր **այգ**, **արիփ**, **աքաղաղ**, **ճանասպարհ** բառերի հոմանիշները:
2. **Փայլահայր** և **կեսգիշեր** բառերի արմատներով ուրիշ բառեր կազմի՛ր:
3. Բառերը ձի՛շտ դասավորիր և վերականգնի՛ր արքայազնի խոսքերը.
ա) պիտի մնայինք այդպես եվ, աղջիկը մինչև բարի հայտնվեր:
բ) որդին եմ երկրի Ես թագավորի այս:
գ) Իմ պալատը դարձել էր անտառի մի հին տնակ:
4. Առաջին երեխան կոչվում է առաջնեկ, երկրորդը՝ միջնեկ: Ինչպե՞ս կկոչվի վերջին երեխան:

5. Նշիր՝ բառաշարքում որ բառը նշվածների իմաստին չի համապատասխանում՝ *բարի, կարեկից, անարարքեր, հոգացող*:
6. Գրավոր բնութագրիր երրորդ քրոջը: Վերնագրիր:
7. Բառարանում գտիր տեքստի կարմիր գրված բառերի բացատրությունը: Դրանք գործածիր տեքստը պատմելիս:



Տեքստային աշխատանք

1. Վերաշարադրիր հեքիաթի բովանդակությունը բանավոր:
2. Գրավոր բնութագրիր քո սիրած հերոսին:
3. Բնութագրիր երեք քույրերին՝ ըստ նրանց արարքների: Նշիր նրանց տարբերությունները և ընդհանրությունները (վեճի գծակարգ):
4. Բացահայտիր ծերունու արարքների դրդապատճառները՝ հիմնավորելով տեքստից բերված հատվածներով:
5. Հեքիաթի տեքստը համեմատիր թեմայի նկարագարումներին: Ներկայացրո՛ւ կարծիքդ:
6. Գտիր հեքիաթի բանալի բառերը. բացատրիր ընտրությունդ:
7. Տեքստից առանձնացրո՛ւ հեքիաթի հիմնական միտքն արտահայտող նախադասությունը:
8. Ցնոյց տուր հեքիաթի իրականի և երևակայականի սահմանները: Հիմնավորիր:
9. Հեքիաթին նոր վերնագիր դիր:
10. Ավարտիր հեքիաթը քո նախընտրած վերջաբանով:
11. Լրացրո՛ւ աղյուսակը, գրիր հերոսներին բնութագրող հատկանիշներ:

Հերոս	Էական հատկանիշներ	Ոչ էական հատկանիշներ	Քո կարծիքով ո՞րն է անընդունելի նրանց վարքագծում:

12. Տեքստից դուրս գրիր հեքիաթի ժանրին բնորոշ բառեր, արտահայտություններ: Բացատրիր դրանց կիրառման նպատակը:



ՁԱՅՆԱՎՈՐ ՀՆՉՅՈՒՆՆԵՐ

Հնչյունները լեզվի ձայնային նվազագույն միավորներն են, որոնք միատեսակ չեն արտասանվում: Օրինակ, **ա, ի, օ** հնչյունների արտասանության ժամանակ ձայնն ազատ դուրս է գալիս բերանի խոռոչից: Դրանք ձայնավոր հնչյուններն են: Հայերենի ձայնավոր հնչյունները վեցն են՝ **ա, է(ե), ը, ի, օ(ո), ու**, որոնք գրվում են ութ տառով: Օրինակ, **էլեկտրոնային** բառի մեջ երկու **է** հնչյուն կա, որոնցից առաջինը գրվում է **է** տառով, իսկ երկրորդը՝ **ե**-ով: **Օրոր** բառի մեջ երկու **օ** հնչյուն կա, որոնք գրվում են տարբեր տառերով. առաջինը՝ **օ**, երկրորդը՝ **ո**: Առանց ձայնավորի հնարավոր չէ բառ կազմել:

Ձայնավորները շեշտակիր են և ունեն վանկակազմիչ դեր: Օրինակ՝ հայրենիք-հայ-րե-նիք, Հայաստան-Հա-յաս-տան:

Ձայնավորներ

ա է (ե) ի օ (ո) ու ը



ԱՆՆԱ ԱԳԱՄՅԱՆ

(ծնվ. 1990)



Կենսագրություն

ՏԱՌԻ, ՀԵՌ-ԱԽՈՍԻ ՈՒ ՀԱՄԱԿԱՐԳՉԻ ՎԵՃԸ

Լինում է, չի լինում մի մոլորակ է լինում: Այս կյո՛ր, կես կապուտակ, կես կանաչ գունավորված մոլորակում սիրով ու համերաշխ ապրում էին մարդիկ: Մարդկանց կողքին ապրում էին նաև կենդանիներ՝ մեծ ու փոքր, վայրի և ընտանի: Սկզբում մարդիկ ու կենդանիները շատ սիրով ու համերաշխ էին ապրում, սիրում էին պահել ընտանի կենդանիներ, նրանց հետ խաղալ: Շատ էին սիրում նաև ազատ օրերին ընտանիքի անդամներով դուրս գալ զբոսնելու, քայլելու, խաղալու:




Բայց... մի օր էլ երկրագունդ եկան հեռախոսն ու համակարգիչը, ու ամեն ինչ փոխվեց:

Մարդիկ էլ չէին սիրում կենդանիներին, չէին սիրում քայլել, գրոսնել, իսկ ամենավատն այն էր, որ երեխաներն էլ դուրս չէին գալիս խաղալու, փողոցներում էլ չէին լավում մարդկանց ու երեխաների ուրախ ձայները: Ամեն մեկը զբաղված էր իր գործով. կամ հեռախոսի մեջ



էր, կա՛մ՝ համակարգչի, իսկ շատերը՝ միաժամանակ և՛ համակարգչի, և՛ հեռախոսի: Հեռախոսն ու համակարգիչն այնքան կարևորվեցին, որ սկսեցին վերևից նայել նույնիսկ իրենց՝ մարդկանց. չէ՞ որ ամեն օր մարդիկ հեռախոս ավելի շատ էին օգտագործում, քան գիրք կարդում, ավելի շատ էին հեռախոսով խաղեր խաղում, քան իրենց հարազատների հետ զրուցում: Համակարգիչն սկսեց իրեն թագավոր կարծել. իրենով էին կառավարում ամեն ինչ, իրենով էին դժվար թվացող հաշվարկներն անում ու էլի՛, էլի՛ շատ բաներ: Հեռախոսին ու համակարգչին թվում էր, թե առանց իրենց մարդիկ կձանձրանան, չեն կարողանա ապրել... Նրանք մոռացել էին, որ մինչև



իրենց մոլորակ գալը մարդիկ ապրում էին շատ ուրախ ու հետաքրքիր կյանքով. նամակներ էին գրում իրար, իրար էին այցելում, խաղում էին իրար հետ ու էլի նման շատ տարբեր բաներ էին անում:

Օրերից մի օր հասարակ մի մարդու տանը մի դեպք պատահեց. տառը, հեռախոսն ու համակարգիչը վեճի բռնվեցին, թե իրենցից ո՛վ է ամենակարևորը մարդու կյանքում: Ամեն մեկը դիմացինին համոզում էր, որ մարդու համար ինքն է ամենաանհրաժեշտն ու ամենաօգտակարը: Նրանց վեճն այնքան ուժեղ էր, որ հարևան տների հեռախոսներն ու համակարգիչները ևս ուշադիր լսում էին նրանց խոսքերը. դե, իհարկե, հեռախոսները պաշտպանում էին հեռախոսին, իսկ հարևան տների համակարգիչները՝ իրենց ընկեր համակարգչին: Իսկ խեղճ տառը մնացել էր մենակ. հարևան տներում չկային ո՛չ գիրք, ո՛չ տետր, ո՛չ էլ որևէ մեկը, ով կկարողանար գրել տառերը թղթի վրա: Բայց տառը չէր հանձնվում:

– Գիտե՞ք, եթե ես չլինեմ, – ասում էր տառը, – մարդիկ չեն իմանա, թե ինչպես գրեն գրքեր, ինչպես արտահայտեն իրենց մտքերը: Եթե մարդիկ չիմանան գրել, չիմանան տառերն ու գիրն ընդհանրա-


պես, ապա չեն կարողանա նույնիսկ խոսել, չեն կարողանա անվանել առարկաներն իրենց անուններով: Նույնիսկ ձեր երկուսի անուններն իմ միջոցով եք ստացել: Հետո մարդիկ չեն կարողանա իրար նամակներ գրել, կղաղարեն օգտագործել քեզ, հեռախոս, ու նույնիսկ քեզ, համակարգիչ. դուք երկուսդ կղաղարեք գոյություն ունենալուց: Ամեն ինչ ինձանից է սկսվում. ես չլինեմ՝ դուք էլ չեք լինի:

Համակարգիչը գոռոզ հայացքով չափեց տառին և հեռախոսին, ապա խրոխտ ձայնով ասաց.

– Տան, հիմա մարդը իմ կարիքն ավելի շատ ունի, քան քո և հեռախոսի: Մարդը հիմա կախված է միայն ու միայն ինձանից. ինչքան կարևոր տեղեկություն կա աշխարհի մասին, բոլորն իմ մեջ է: Եթե ես ցանկանամ, մեկ վայրկյանում կարող եմ վերացնել այս մոլորակը և ստեղծել նորը: Հիմա ամեն ինչ կախված է ինձանից. մարդը չի կարող աշխատել առանց ինձ, իսկ եթե չաշխատի, ապա սոված կմնա, եթե չուտի, ապա կմահանա: Դրա համար էլ ես ամենակարևորն եմ մարդու կյանքում:

– Այդ ինչո՞ւ,– զարմացավ հեռախոսը,– երբ հարյուր հիսուն տարի առաջ դու չկայիր, մարդիկ չէին կարողանում ապրել: Առանց քեզ էլ կարող են շատ լավ ապրել: Մարդը շատ աշխատասեր է. քեզ էլ է ինքն այս մոլորակ բերել: Բայց այն առանց ինձ մարդը լիարժեք չի կարող ապրել: Ամենակարևորը ես եմ, նույնիսկ դու ես առաջացել ինձանից: Ես քո կարիքը չունեմ, բայց մարդիկ իմ կարիքը շատ ունեն: Եթե ես չլինեմ, մարդիկ չեն կարող խոսել իրենցից հեռու գտնվող ծնողների, բարեկամների և սիրելիների հետ: Իսկ եթե չխոսեն, ապա շատ կկարոտեն, իսկ եթե կարոտեն, ապա երջանիկ չեն լինի:

Ու հեռախոսը երկանր-երկար խոսեց՝ չնկատելով, որ տառն ու համակարգիչը վաղուց չէին լսում իրեն:



Իրականում տառը, հեռախոսը և համակարգիչը չէին ուզում լսել իրար. ամեն մեկն իր խոսքն էր առաջ տանում, ամեն մեկը թվարկում էր միայն իր լավ կողմերը, բայց ոչ մեկը չէր տեսնում այն վնասը, որ տալիս էր մարդուն: Միայն տառն էր, որ ամենահամեստն էր նրանցից. միգուցե նա գիտեր, թե իր համար որքան շատ ծառեր են կտրվել ու հիմա էլ կտրվում են:

Նրանք այդպես դեռ երկար կշարունակեին վիճել, եթե տանտերը հանկարծ չմտներ սենյակ:

Սեղանի վրա կողք կողքի դրված հեռախոսը, համակարգիչը և թղթե տառերը շունչները պահած սպասեցին, թե ինչ է անելու գիրուկ տղամարդը: Տանտերը շատ զայրացած էր, այնքան զայրացած, որ կլոր դեմքը **կարմիր էր կտրել**, իսկ ձեռքերը դողում էին: Նա մոտեցավ սեղանին, վերցրեց հեռախոսն ու այնքան ուժեղ զարկեց հատակին, որ այն մաս-մաս եղավ: Վախեցած համակարգիչը նայեց տառին՝ կարծես օգնություն հայցելով: Նա հասկացավ, որ հերթն իրենն է. միայն թե ինքն էլ հեռախոսի բախտին չարժանանա: Տանտերը, սակայն, համակարգչի նկատմամբ ավելի մեղմ գտնվեց. պահարանից հանելով արկղը՝ համակարգիչը կոպտորեն գցեց մեջը և փակեց դրեց մութ պահարանում:

- Դե մնա այդտեղ՝ աչքիցս հեռու,- փնթփնթաց տանտերը.- հիմա ոչ ոք չի անհանգստացնի ինձ. ո՛չ հեռախոս ունեմ, ո՛չ համակարգիչ: Ժամանակն է վայելելու իմ կյանքն ընտանիքիս գրկում, ոչ թե ձեր:

Տառերը շունչները պահեցին. հերթն իրենց էր հասնում: Տառերը չէին հասկանում, թե ինչու տանտերն այդպես վարվեց, բայց շատ խղճացին հեռախոսին, մի քիչ էլ՝ համակարգչին:

- Իսկ ձեզ ես կտամ իմ փոքրիկ զարմիկին. նրա գրել-կարդալ սովորելու ժամանակն է,- նայելով սեղանի վրա դրված թղթե տառերին՝ ինքն իրեն ասաց տանտերը:- Դուք դեռ մեզ շնտ-շատ եք պետք գալու, քանի որ դեռ շատ սերունդներ ունեք կրթելու:

Տանտերը վերցրեց թղթե տառերն ու դրեց պայուսակի մեջ: Հետո ինքնագոհ նայեց ամեն ինչից ազատ իր սեղանին ու դուրս եկավ սենյակից:

Հարևան տների հեռախոսներն ու համակարգիչները, տեսնելով իրենց ընկերների վերջաբանը, բնավ չտխրեցին, մտածեցին՝ իրենք այնքան շատ են, որ մեկի կորուստը ոչինչ չի կարող փոխել: Ամեն մեկն անցավ իր գործին՝ այդ ամենից **դաս քաղելով** միայն մեկ բան. պետք չէ վիճել մի բանի շուրջ, որն առանց այդ էլ պարզ է. իրենք միշտ էլ կարևոր են լինելու մարդու կյանքում:

Այս վեճից հետո անցավ շատ ժամանակ: Ճիշտ է՝ շատ վայրերում մարդիկ դեռ անբաժան էին հեռախոսից ու համակարգչից, բայց աստիճանաբար նրանք սկսեցին գիտակցել, թե ինչ են բաց թողնում իրենց կյանքում հեռախոսի ու համակարգչի պատճառով: Ու կամաց-կամաց այդ տանտիրոջ նման մարդիկ սկսեցին մի կողմ դնել հե-

ռախոսներն ու համակարգիչները և զբաղվել իրենց կյանքով, իրենց երեխաներով ու սիրելիներով:

Ու այսպես տառի, հեռախոսի ու համակարգչի վեճն ավարտվեց: Նրանք մոռացել էին կարևոր մի բան. աշխարհում միայն մարդն է որոշում՝ ինչն է իր համար ամենակարևորը, նաև միայն մարդն է որոշում, թե իրեն որքան օգուտ և վնաս կարող են տալ հեռախոսն ու համակարգիչը:

Իսկ մենք միշտ պետք է հիշենք՝ ամեն ինչ ունի իր օգտակարության ու վնասի չափը: Դե, իսկ տառերն ու գրերը երբեք չեն կորցնում իրենց կարևորությունը:

Իսկ դուք համամիտ եք տանտիրոջ հետ:



Բառային աշխատանք

1. Հեքիաթից ձայնավորով սկսվող և ավարտվող վեց բան դուրս գրիր:
2. Հեքիաթից բաղաձայնով սկսվող և ավարտվող վեց բան դուրս գրիր:
3. Հեռախոս բառի հնչյուններից յուրաքանչյուրով սկսվող բառեր գրիր:
4. Հեքիաթից դուրս գրիր բառեր, որ
ա) *h* ձայնավորը լինի երկու բաղաձայնների միջև,
բ) *ni* ձայնավորը լինի երկու բաղաձայնների միջև:
5. Բառարանում գտիր տեքստի կարմիր գրված արտահայտությունների բացատրությունը և գործածիր շարադրանքում:



Տեքստային աշխատանք

1. Ներկայացրո՛ւ հեռախոսի և համակարգչի կարևորությունը մարդկության համար:
2. Նշիր՝ ինչ կարևոր դեր ունի հեռախոսը քո կյանքում:
3. Նշիր՝ ինչ ճանաչողական գիտելիքներ ես ստանում համակարգչից:
4. Բացատրիր՝ որը կնախընտրես՝ հեռախոսը, թե՛ համակարգիչը: Ինչո՞ւ:
5. Տանտիրոջ փոխարեն ինչպե՞ս կվճռեիր հարցը:
6. Տանտիրոջ վարքագիծը ընդունելի՞ է քո կողմից:
7. Գտիր հեքիաթի գլխավոր միտքն արտահայտող նախադասությունը:

8. Բնութագրիր հեքիաթի հերոսներին: Կարևորիր նրանց դերը: Արտահայտիր կարծիքդ:
9. Համեմատիր տարբեր հեքիաթների տեքստեր, հերոսներին, նշիր նրանց տարբերությունները, նմանությունները, ձևակերպիր եզրակացություն:
10. Հեքիաթը մնջախաղով ներկայացրո՛ւ՝ նախապես բեմագիր կազմելով: Ո՞ր հերոսի դերը կուզես ստանձնել. ինչո՞ւ (խմբային աշխատանք):



ԲԱՂԱՁԱՅՆ ՀՆՁՅՈՒՆՆԵՐ

Բաղաձայն հնչյունների արտաբերման ժամանակ բերանի խոռոչում արգելքներ են ստեղծվում: Բաղաձայնները միմյանցից տարբերվում են ըստ արտաբերման տեղի, ըստ արտաբերման եղանակի, ըստ ձայնի և աղմուկի հարաբերության, ըստ կազմության:

Մի դեպքում բաղաձայնների արտաբերման ժամանակ մասնակցում են ձայնալարերը (**բ, գ, դ...**), որոշ բաղաձայններ արտաբերվում են միայն աղմուկի միջոցով՝ առանց ձայնալարերի մասնակցության (**պ, կ, տ...**), մի մասն էլ արտաբերվում է ուժեղ շնչով (**փ, ք, թ...**): Հայերենի բաղաձայնները նման հատկանիշներով խմբավորելիս այսպիսի աղյուսակ կարելի է կազմել:

Եռաշարք բաղաձայններ			Երկշարք բաղաձայններ		Միաշարք բաղաձայններ
բ	պ	փ	դ	խ	լ
գ	կ	ք	զ	ս	մ
դ	տ	թ	ծ	շ	ն
ձ	ծ	ց	վ	ֆ	ր
ջ	ճ	չ	-	հ	ռ
					յ



ՀՈՎՀԱՆՆԵՍ ԹՈՒՄԱՆՅԱՆ
(1869-1923)



Կենսագրություն

ԱՆԽԵԼՔ ՄԱՐԴԸ

ժամանակով մի աղքատ մարդ կար. որքան աշխատում էր, որքան չարչարվում էր, դարձյալ միևնույն աղքատն էր մնում:

Հուսահատված՝ մի օր նա վեր կացավ, թե՛ պետք է գնամ գտնեն Աստծուն, տեսնեմ՝ ես երբ պետք է պրծնեմ այս աղքատությունից ու ինձ համար մի բան խնդրեմ:

Ճանապարհին պատահական հանդիպեց մի գայլի.

- Առաջ բարի, մա՛րդ ախպեր, ո՞ր ես գնում,- հարցրեց գայլը:

- Գնում եմ Աստծու մոտ,- պատասխանեց աղքատը.- **դարդ** ունեմ պատմելու:

- Դե որ գնաս Աստծու մոտ,- խնդրեց գայլը,- ասա՛ մի սոված գայլ կա, գիշեր-ցերեկ ման է գալիս սար ու ձոր, ուտելու բան չի գտնում, ասա՛ մինչև երբ պետք է սոված մնա. որ ստեղծել ես, ինչո՞ւ չես կերակուր հասցնում:

- Լավ,- ասաց մարդն ու շարունակեց ճանապարհը: Շատ գնաց թե քիչ, պատահեց մի սիրուն աղջկա:

- Ո՞ր ես գնում, ախպեր,- հարցրեց աղջիկը:

- Գնում եմ Աստծու մոտ:

- Երբ որ Աստծուն տեսնես,- աղաչեց սիրուն աղջիկը,- ասա՛ այսպիսի մի աղջիկ կա՛ ջահել, առողջ, հարուստ, բայց չի կարողանում ուրախանալ, բախտավոր զգալ իրեն. ի՞նչ պիտի լինի նրա **ճարը**:

- Կասեմ,- խոստացավ ճամփորդն ու գնաց, պատահեց մի ծառի, որ թեն ջրափին էր կանգնած, բայց չոր էր:

- Ո՞ր ես գնում, այ՛ ճամփորդ,- հարցրեց չոր ծառը:

- Գնում եմ Աստծու մոտ:

- Դե կանգնի՛ր, մի երկու խոսք էլ ես **ապսպրեմ**, - խնդրեց չոր ծառը.- Աստծուն կասես՝ այս ինչ բան է, բուսել եմ այս պարզ ջրի ափին, բայց ամառ-ձմեռ չոր եմ մնում. է՛րբ պետք է ես էլ կանաչեմ:

Այս էլ լսեց աղքատն ու շարունակեց ճանապարհը:

Այնքան գնաց, մինչև գտավ Աստծուն: Մի բարձր ժայռի տակ, մեջքը ժայռին դեմ տված, ալևոր մարդու կերպարանքով նստած էր Աստվածը:

- Բարի՛ օր,- ասաց աղքատն ու կանգնեց Աստծու առջև:

- Բարով եկար,- պատասխանեց Աստված,- ի՞նչ ես ուզում:

- Էն եմ ուզում, որ ամեն մարդու էլ հավասար աչքով մտիկ անես. մեկին **ավար** չանես, մյուսին՝ խավար. ես էնքան եմ տանջվում, աշխատում եմ, մեկ է, չեմ կարողանում՝ կուշտ փորով հաց ուտեմ, իսկ շատերը, որ իմ կեսի չափ էլ չեն աշխատում, հարուստ ու հանգիստ ապրում են:

- Դե գնա՛, հիմի կհարստանաս. քո բախտը տվեցի, գնա՛ վայելիր,- ասաց Աստված:

- Էլի բան ունեմ ասելու, Տէր,- ասաց աղքատն ու հայտնեց սոված գայլի, սիրուն աղջկա ու չոր ծառի ապսպրանքը:

Աստված բոլորի պատասխանը տվեց, և աղքատը շնորհակալություն ասաց ու հեռացավ:

Վերադարձին պատահեց չոր ծառին:

- Ինձ համար ի՞նչ ասաց Աստված,- հարցրեց չոր ծառը:

- Ասաց՝ քո տակին ոսկի կա. մինչև այդ ոսկին չհանեն, որ արմատներդ հողին հասնի, դու չես կանաչի,- պատմեց մարդը:

- Էլ ո՞ր ես գնում, արի՛, ոսկին հանիր, էլի՛, հան՝ քեզ օգուտ կլինի, հան՝ ինձ. դու կհարստանաս, ես էլ կկանաչեմ:

- Չէ՛, ես ժամանակ չունեմ, շտապում եմ,- պատասխանեց աղքատը.- Աստված ինձ բախտ տվեց. ես շուտով պետք է գնամ, իմ բախտը գտնեմ, վայելեմ,- ասաց ու գնաց:

Հետո սիրուն աղջիկը պատահեց ու՝ ճամփորդի առաջը կտրեց.

- Ի՞նչ լուր բերիր ինձ համար:

- Աստված ասաց՝ դու պիտի քեզ համար մի մտերիմ կյանքի ընկեր գտնես, էն ժամանակ էլ տխուր չես լինի, ուրախ ու երջանիկ կլինես:

- Դե որ այդպես է, արի դու եղիր իմ կյանքի մտերիմ ընկերը,- թախանձեց աղջիկը ճամփորդին:

- Չէ՛, ես քեզ ընկերակցելու ժամանակ չունեմ. Աստված ինձ



բախտ է տվել, պետք է գնամ, իմ բախտը գտնեմ, վայելեմ,- ասաց աղքատն ու հեռացավ:

Ճանապարհին սպասում էր սոված գայլը: Հեռվից հենց որ տեսավ ճամփորդին, վազեց, առաջը կտրեց:

- Հը՛, Աստված ի՛նչ ասաց:

- Ախպե՛ր, Աստծու մոտ գնալիս քեզանից հետո մի սիրուն աղջիկ ու մի չոր ծառ էլ պատահեցին, աղջիկն ապսպրեց, որ Աստծուն հարցնեմ, թե ինչու ինքը չի կարողանում ուրախանալ, ծառն էլ թե՛ ինչու է գարուն-ամառ ինքը չոր: Աստծուն պատմեցի, ասաց՝ աղջկան ասա՛ իր համար մի կյանքի ընկեր գտնի, կրախտավորվի, ծառին էլ ասա՛ քո տակը ոսկի կա, պետք է էդ ոսկին հանեն, արմատներդ հողին հասնեն, որ կանաչես: Եկա իրենց պատմեցի Աստծու ասածները: Ծառն ասաց՝ դե արի՛ հանի՛ր ոսկին, տա՛ր, աղջիկն էլ թե՛ ես հենց քեզ եմ ընտրում ինձ ընկեր: Ասացի՝ չէ՛, ախպե՛ր, չեմ կարող. Աստված ինձ բախտ է տվել. պետք է գնամ, իմ բախտը գտնեմ, վայելեմ:

- Իսկ ինձ համար ի՛նչ ասաց Աստված,- հարցրեց սոված գայլը:

- Քեզ համար էլ ասաց՝ էնքան սոված ման կգաս, մինչև մի անխելք մարդ կգտնես, կուտես, կկշտանաս:

- Էլ քեզանից անխելք մարդ որտեղի՞ց գտնեմ, որ ուտեմ,- ասաց գայլն ու կերավ անխելք աղքատին:



Բառային աշխատանք

1. Հեքիաթից դուրս գրիր հինգ բառ: Գրի՛ր դրանց հականիշները:
2. Հերոսների հաղորդակցության ընթացքում ո՞ր հնչերանգն է առավել գործածվում:
3. Կարդա՛ և հաշվի՛ր՝ քանի բառ կա հետևյալ նախադասության մեջ:
Ժամանակով մի աղքատ մարդ կար. որքան աշխատում էր, որքան չարչարվում էր, դարձյալ միևնույն աղքատն էր մնում:
4. Ընդգծի՛ր տրված բառազույգերն իրարից տարբերող տառերը և նշի՛ր նրանց առաջացրած իմաստային տարբերությունները:

կատար – կատակ

կարգ – կարթ

Դավիթ – գավիթ

բարկ – բարձ

հասակ – հատակ

դիմակ – դիտակ

5. Տրված բառերում մեկ ձայնավոր փոխելով՝ ստացիր նոր բառ և ընդգծիր փոխված ձայնավորը:

Արագ, բերք, նուշ, կույր, գնալ, շար, գինդ, խանդ, ծուռ, հունդ:

6. Բառարանում գտիր տեքստի կարմիր գրված բառերի և արտահայտությունների բացատրությունը:



Տեքստային աշխատանք

1. Բնութագրիր հեքիաթի հերոսներին:

Ը.	Հերոս	Բնութագիր
1.	Անխելք մարդ	
2.	Սոված գայլ	
3.	Սիրուն աղջիկ	
4.	Չոր ծառ	
5.	Աստված	

2. Արդարացրո՞ւ կամ մեղադրիր հերոսներին: Ասածդ հիմնավորիր:

3. Մեկնաբանիր՝ որն է հեքիաթի բանալի բառը՝ խնկքը, թե՞ բախտը: Ընտրելու դեպքում պատճառաբանիր՝ ինչու:

4. Պարզիր հեքիաթի վերնագրի ու բովանդակության կապը: Առաջարկիր նոր վերնագիր:

5. Ինչո՞ւ է մարդը դժգոհում իր բախտից: Արդյոք մարդու անհաջողությունների պատճառը բախտն է:

6. Դու քեզ բախտավոր համարո՞ւմ ես: Ինչո՞ւ:

7. Դու քեզ խելացի համարո՞ւմ ես: Ինչո՞ւ:


8. Հեքիաթին նոր ավարտ հորինիր:

9. Նկարիր քո նախընտրած հերոսին:

10. Դիտիր «Անխելք մարդը» մուլտֆիլմը և համեմատիր հեքիաթի հետ: Գտիր նմանություններ և տարբերություններ, լրացրո՞ւ Վենի գծակարգում (խմբային աշխատանք):



Մուլտֆիլմ



Լրացուցիչ նյութ

ԱՄՓՈՓԻՉ ՀԱՐՅԵՐ ԵՎ ԱՌԱՋԱԴՐԱՆՔՆԵՐ

1. Ներկայացրո՛ւ հայկական ժողովրդական և հեղինակային հեքիաթներին բնորոշ առանձնահատկությունները:
2. Բացատրի՛ր հեքիաթի խորհրդանիշների իմաստը. ցո՛ւյց տուր իրականի և երևակայականի սահմանները, բարու և չարի պայքարը:
3. Ցո՛ւյց տուր հեքիաթում հանդիպող ազգային կենցաղի, իրերի, մարդկային հարաբերությունների, վարքուբարքի նկարագրությունները:
4. Համեմատի՛ր տարբեր ժողովուրդների հեքիաթներ, գտի՛ր և բացատրի՛ր տարբերություններն ու նմանությունները:
5. Համեմատի՛ր դրա հիման վրա նկարահանված կինոնկարի կամ թատերական ներկայացման հետ:
6. Հարստացրո՛ւ բառապաշարդ հեքիաթից սովորած նոր բառերով:
7. Կազմի՛ր գովազդի կամ հաղորդագրության տեքստ՝ ըստ որևէ հեքիաթի:
8. Արժևորի՛ր հեքիաթը՝ որպես անձի դաստիարակության միջոց:

ԲԱԺՆԻ ՈՒՍՈՒՑՄԱՆ ՎԵՐՋՆԱՐԳՅՈՒՆՔՆԵՐԸ

Բաժնի ուսումնասիրությունն ավարտելուց հետո դու կկարողանաս հասկանալով կարդալ և կազմել հեքիաթում պատմվող դեպքերի պլան, տեքստից կառանձնացնես հեքիաթի գլխավոր միտքն արտահայտող նախադասությունը, ցույց կդաս իրականի և երևակայականի սահմանները:

Ուսումնասիրության արդյունքում կկարողանաս վերաշարադրել հեքիաթի բովանդակությունն ըստ պլանի և սրեղծագործաբար կրնութագրես հեքիաթի հերոսներին՝ ըստ նրանց արարքների, կհամեմատես փարբեր հեքիաթների տեքստերը, հերոսներին, կնշես նրանց փարբերությունները, նմանությունները, կձևակերպես եզրակացությունը, կմատնանշես նախադասության տեսակներն ըստ հնչերանգի, ձիշտ կկերտադրես նախադասությունները:




ԱՌՄԿՍ ԻՆՉ ԿՑՈՒՑԱՆԵ



ԲԱԺՆԻ ՈՒՍՈՒՑՄԱՆ ՆՊԱՏԱԿՆԵՐԸ

Միրելի բարեկամ, «Առակս ինչ կցուցանե» բաժնում ուսումնասիրվող թեմաները կնպաստեն հասկանալով ընթերցելու, առակի ժանրին բնորոշ առանձնահատկությունները ընկալելու, այլաբանությունը, առակի խրատական-դաստիարակիչ դերն ըմբռնելու, առակը վերլուծելու, սեփական դիրքորոշում ձևավորելու, բարոյական դասեր քաղելու կարողություններ ձևավորելուն, միաժամանակ կհարստացնես քո բառապաշարը՝ ձևավորելով որոշակի վերաբերմունք առակի այլաբանական հիմքի շուրջ:

Բաժնի լեզվաբերականական նյութերը կնպաստեն կապակցված խոսքի մեջ դրանք կիրառելու քո կարողությունները զարգացնելուն:



ԻՆՉ Է ԱՌԱԿԸ

Առակը փոքրածավալ չափածո կամ արձակ բարոյախոսական բնույթի գրական ստեղծագործություն է, որում ներկայացվում և բննադատության են ենթարկվում մարդկանց արատները, և խրատխուսվում են բնավորության լավ գծերը: Այն բաղկացած է 2 մասից՝ սյուժեից և բարոյախոսությունից՝ մեծ մասամբ վերջում արտահայտված եզրակացությունից:

Առակները նախ առաջացել են ժողովրդական բանահյուսության մեջ, հետո գրվել կամ մշակվել են առակագիրների կողմից:

Առակներում որպես հերոսներ հանդես են գալիս կենդանիները և բույսերը, ինչպես նաև մարդիկ:

Մեզ հայտնի առակների առաջին հայտնի հեղինակը հույն Եգոպոսն է: Աշխարհում հայտնի են նաև ռուս Ի. Կռիլովի, ֆրանսիացի Ժ. Լաֆոնտենի, գերմանացի Գ. Լեսինգի առակները:

Հայ գրականության մեջ առակագրությունն սկզբնավորվել է թարգմանությունների միջոցով (5-7-րդ դդ.): 12-13-րդ դարերում ձևավորվել է հայ ինքնուրույն առակագրությունը: Հայ միջնադարյան լավագույն առակագիրներն են Մխիթար Գոշը և Վարդան Այգեկցին:

Նոր ժամանակներում առակներ են գրել Խ. Աբովյանը, Ա. Իսահակյանը, Ա. Խնկոյանը, Մ. Կորյունը, Հ. Շիրազը և ուրիշներ:



Կենսագրություն

ԵԶՈՊՈՍ

(մոտ Ք.ծ.ա. 620-546)




ԵՂՉԵՐՈՒՆ ԵՎ ԽԱՂՈՂԸ

Եղջերուն, որսորդներից փախչելով, թաքնվեց խաղողի այգում: Որսորդներն անցան նրա կողքով, բայց չնկատեցին: Եղջերուն մտածեց, որ այլևս չեն տեսնի իրեն, ու սկսեց ուտել խաղողի տերևները: Բայց որսորդներից մեկը շուտ եկավ ու նկատեց նրան: Իր մոտ եղած **տեգով** նշան բռնեց և վիրավորեց եղջերուին: Զգալով մոտալուտ մահը՝ եղջերուն **հատաչելով** ինքն իրեն ասաց.

– Տեղն է ինձ, խաղողի վազն ինձ փրկեց, իսկ ես ոչնչացրի այն:

Առակը վերագրվում է այն մարդկանց, որոնք նեղացնում են իրենց **բարերարներին** և պատժվում են:



Բառային աշխատանք

1. Ձայնավոր, թե՛ բաղաձայն հնչյունով է սկսվում **եղջերու** բառը:
2. Ձայնավոր, թե՛ բաղաձայն հնչյունով է սկսվում **որսորդ** բառը:
3. Առակում գտիր **խորհել**, **ազատել**, **վերացնել** բառերի հոմանիշները:
4. ա) Ընդգծիր այն բառերը, որոնք սկսվում են բաղաձայն հնչյունով: **Եղջերու, այգի, եղնիկ, էժանագին, ոզնի, երամ, ուղի, որսորդ, փերև:**
բ) Թվարկիր հայերենի բաղաձայն հնչյունները:
5. Գրիր տրված բառերի հնչյունների և տառերի քանակը: Նշիր այն բառերը, որոնցում հնչյունների և տառերի քանակը հավասար չէ:

ա) առակ _____	դ) եղնիկ _____
բ) եղջերու _____	ե) իրենց _____
գ) ոչնչացնել _____	զ) որսորդ _____

6. Բառարանում գտիր տեքստի կարմիր գրված բառերի բացատրությունը և կազմիր դրանց հոմանշային շարքերը՝ օգտվելով բառարանից:




Տեքստային աշխատանք

1. Բացատրիր՝ ինչ է առակը և ինչով է տարբերվում հեքիաթից:
2. Թվարկիր առակի բնորոշ հատկանիշները:
3. Մեկնաբանիր եղջերուի խոսքը:
4. Արտահայտիր սեփական տեսակետ առակի բովանդակության շուրջ:
5. Փոփոխիր տրված տեքստը՝ նոր հերոսներ ավելացնելով:
6. Փորձիր առակը նոր ձևով սկսել. շարունակիր և ավարտիր այն:
7. Առակի դիպաշարը (սյուժեն) ներկայացրո՞ւ ծաղրանկարով:
8. Նյութի բովանդակությանը համապատասխան նկարազարդումներ արա (ծեփիր կամ ձեռքի այլ աշխատանքներ կատարիր):
9. Մնջախաղով, ժեստերի լեզվով հաղորդիր նյութի բովանդակությունը:
10. Հայազգի ո՞ր բարերարի անունն է քեզ հայտնի: Պատմիր նրա մասին:
11. Առակը վերաշարադրե՞ք նոր և հետաքրքիր պատումով, ելնյթ ունեցեք դասարանի առջև՝ ներկայացնելով ձեր մշակումը (խմբային աշխատանք):
12. Կարդա՛ եզոպոսյան լեզվի մասին տեղեկույթը և քննարկիր: Համակարգչից և հանրագիտարանից օգտվելով՝ տեքստը հարստացրո՞ւ լրացուցիչ փաստերով:

ԵԶՈՊՈՍՅԱՆ ԼԵԶՈՒ (Եզոպոսի անունից)

Գրավոր կամ բանավոր խոսք, որտեղ հեղինակի մտքերն արտահայտվում են քողարկված ձևով, այսպես կոչված «կեղծ միջոցներով». այդ դեպքում մարդիկ մտքերն արտահայտում է այլաբանորեն, թափանցիկ ակնարկներով, փոխաբերական արտահայտություններով, շրջասությանբ:



13. Կարդա՛ և քննարկի՛ր ընկերներիդ հետ:

ԶՐՈՒՅՑ ԵԶՈՊՈՍԻ ՄԱՍԻՆ

Մի օր Քսանթոսը, ցանկանալով ճաշկերույթ տալ՝ ի պատիվ աշակերտների, Եզոպոսին կարգադրեց, որ գնա, աշխարհի ամենից լավ բանը գնի շուկայից և համեղ ճաշ պատրաստի:

- Շատ լավ, տէր,- ասաց Եզոպոսը և գնաց:

Ճաշի ժամին յուրաքանչյուր աշակերտի առջև մի աման լեզու էր դրած:

- Ինչ է սա,- հարցրեց Քսանթոսը զարմացած:

- Լեզու, տէր իմ:

- Միթե սա է աշխարհի ամենալավ բանը, հիմա՛ր,- գոռաց Քսանթոսը:

- Ասացե՛ք, տէր իմ,- պատասխանեց Եզոպոսը,- ինչ կա աշխարհում

ավելի լավ, քան լեզուն. լեզուն է հասարակական կյանքի շաղկապը, ճշմարտության և իմաստության գործիքը, գիտությունների բանալին: Առանց լեզվի ինչպե՞ս կգարգանար ուսումն ու գիտությունը, առանց լեզվի ինչպե՞ս մարդիկ միմյանց պիտի հայտնեին իրենց ուրախությունը կամ վիշտը, իրենց հուզող մտքերը:

Բոլոր աշակերտները, նրանց հետ նաև Քսանթոսը հավանություն տվեցին Եզոպոսի բացատրությանը:

Մի ուրիշ անգամ Քսանթոսն ասաց Եզոպոսին.

- Եզոպո՛ս, գնա՛ շուկա և այս անգամ աշխարհի ամենավատ բանը բեր մեզ համար:

Եզոպոսը գնաց շուկա և դարձյալ լեզու բերեց: Քսանթոսը բարկությունից իրեն կորցրել էր:

- Հանդարտվե՛ք, տէր իմ,- ասաց Եզոպոսը,- ինչ կա աշխարհում ավելի վատ, քան լեզուն. դրանով են կործանվում բոլոր պետությունները, դրանով են կատարվում բոլոր ստերը, կեղծիքներն ու բամբասանքները, դրանով են մարդիկ վիրավորական խոսքեր ասում միմյանց և դրանով են վերջապես թագավորներն արձակում իրենց անարդար հրամանները: Լեզուն, տէր իմ, աշխարհի ամենալավ և ամենավատ բանն է, նայած թե ում բերանի մեջ է գտնվում այն, նայած թե ով է լեզվի տերը:

- Դու հաղթեցի՛ր, Եզոպո՛ս,- ասաց Քսանթոսը՝ զայրույթը զսպելով:



ՎԱՐԴԱՆ ԱՅԳԵԿՑԻ

(12-րդ դարի վերջ-13-րդ դարի սկիզբ)



Կենսագրություն

ԲԱՐԻՆ ՈՒ ՉԱՐԸ

Մի մարդ կար՝ անունը Բարի: Նա ուներ մի կացին, մի թի և մի փարչ: Եվ սրա գործն այն էր, որ ճանապարհներ էր պատրաստում, որի դիմաց հաց էին տալիս, որ ուտեր, ապրեր:

Մի ուրիշ մարդ՝ անունը Չար, եկավ Բարու մոտ և ասաց.

- Ապրենք միասին:

- Դու գիտես, եղբայր,-պատասխանեց Բարին:

Սա մի քանի օր մնաց Բարու մոտ: Մի օր Չարը գողացավ թին ու կացինը, իսկ ջրամանը կոտրեց: Երբ ծարավեցին, գնացին ջրհոր՝ ջուր խմելու, Չարը Բարուն նետեց ջրհորը, ու ինքը հեռացավ:

Եկան երկու քաջք, նստեցին հորի բերանն ու սկսեցին խոսել.

- Երեք տարի է, ինչ թագավորի աղջիկը դի-

վահար է եղել: Մի հեշտ դեղ կա, որ ոչ

ոք չգիտես: Եթե մեկը երեք մազ պոկի

իր գլխից և թագավորի աղջկա առջև

ծխացնի, նա կլավանա:

- Յոթ կարասս ոսկի կա այսինչ

տեղը պահած,- ասում է մյուսը,-

մարդ որ հանի, լավ կհարստանա:

Բարին լսեց այս խոսակցությո-

ւունը և մտքում պահեց:

Եկան ճանապարհորդներ ու

նրան հանեցին հորից:

Բարին նախ գնաց և լավաց-

րեց թագավորի աղջկան: Թա-

գավորը դատերը տվեց նրան


կնության, և նա դարձավ թագավորի փեսա:

Ապա գնաց հանեց յոթ կարասս ոսկին:

Մի օր էլ՝ զբոսանքի ժամանակ, հանդիպեց Չարին:

- Ինչպե՞ս հասար այդ հաջողությանը,- հարցրեց Չարը:

- Հորն ընկնելով,- պատասխանեց Բարին:



Եվ գնաց Չարը, ընկավ ջրհորը:

Կրկին եկան այն երկու քաջքերը և նստեցին հորի վրա:

– Այն օրը, որ գրուցեցինք այստեղ, հորի մեջ մարդ է եղել, որը գնացել ու բուժել է թագավորի աղջկան և յոթ կարաս ոսկին էլ տարել:

Նրանք զայրացան ու ջրհորը քարով լցրին:

Այսպիսով, Չարը չարով կորավ, իսկ Բարին բարությամբ լցվեց: Ով ուրիշին հոր փորի, ինքը կընկնի մեջը:



Բառային աշխատանք

1. Տեքստում գտիր *վարս, աղջիկ, արքա, ամուսնացնել* բառերի հոմանիշները:
2. Համեմատիր *ջրհոր* և *ջրամաս* բառերը: Բառերի արմատներով նոր բառեր կազմիր:
3. Բացատրիր *կացին* բառի իմաստը: Ինչ ստեղծագործություններ գիտես, որոնցում հանդիպել ես այդ բառին:
4. Բնագրում գտիր բառեր, որոնց տառերի և հնչյունների քանակը հավասար չէ:
5. Բնագրում գտիր բառեր, որոնց բոլոր ձայնավորները **ա** են:
Նմուշ՝ պատասխան:
6. Ինչ թվեր են գործածված առակում: Հիշիր առած–ասացվածքներ, թևավոր խոսքեր, որոնցում գործածված են այդ թվերը:
Նմուշ՝ Յոթ որդով սեղան նստել:
7. Տրված բառերից յուրաքանչյուրում փոխիր մեկ ձայնավոր և նոր բան ստացիր:
Հոգնել, համբերել, վարք, բերք, արագ:
Նմուշ՝ հորթ–հարթ:
8. Յուրաքանչյուր բառի երկու բաղաձանների արանքում տեղադրիր որևէ ձայնավոր և ստացիր նոր բառ:
Կարձ, մարգ, արտ, կանչել, կարգ, քարտ:
Նմուշ՝ կարձ–կարիձ:
9. Բառարանում գտիր տեքստի կարմիր գրված բառերի բացատրությունը և գործածիր նախադասությունների մեջ:



Տեքստային աշխատանք

1. Նոր վերնագիր առաջարկիր առակին՝ բովանդակությունից ելնելով:
2. Մեկնաբանիր առակի վերնագրի ու բովանդակության կապը:
3. Նշիր առակի հիմնական միտքն արտահայտող նախադասությունը:
4. Բնութագրիր առակի հերոսներին՝ նշելով նրանց արարքների դրդապատճառները:

Հերոս	Արտաքին նկարագիրը	Արարքի երկու վարքագիծ	Ինչո՞ւ այդպես վարվեց:
Բարի			
Չար			
Քաջքեր			

5. Ուրիշ ավարտ հորինիր առակին:
6. Ըստ ձեզ՝ բարին միշտ հաղթում է չարին. հիմնավորե՞ք պատասխանը (խմբային աշխատանք): Իրական կյանքում էլ է բարին հաղթում չարին:
7. Վ. Այգեկցուց ընտրիր առակ, որի գլխավոր հերոսը աղվեսն է: Առակից մի դրվագ արտահայտիր նկարով: Նշիր՝ ինչ է խորհրդանշում աղվեսը:
8. Տեքստից դ՞ուրս գրիր եզրակացությունն արտահայտող նախադասությունը:
9. Հիշիր հեքիաթ, որի բովանդակությունը շատ նման է սրան: Գտիր նմանություններ և տարբերություններ:



ԲԱՌ ԵՎ ՎԱՆԿ

Եկե՛ք «Բարին և չարը» առակից դուրս գրենք բառեր, որոնք օդի մեկ մղումով են արտասանվում՝ **գործ**, **յոթ**, **հոր** և այլն: Այժմ դուրս գրենք բառեր, որոնք օդի երկու և ավելի մղումով են արտասանվում՝ **բարի**, **կացին**, **թագավոր**, **ժամանակ** և այլն:

Օդի մեկ մղումով արտասանվող հնչյունը կամ հնչյունախումբը կոչվում է վանկ:

Մեկ վանկից կազմված բառերը միավանկ են: Երկու և ավելի վանկերից կազմված բառերը բազմավանկ են: Առանց ձայնավորի վանկ չի կարող կազմվել: Վանկի ձայնավորը կոչվում է վանկարար հնչյուն, բաղաձայնը՝ ոչ վանկարար հնչյուն, օրինակ, **բարի** բառի վանկարար հնչյուններն են՝ **ա**, **ի**, ոչ վանկարար հնչյունները՝ **բ**, **ր**: Բառի մեջ որքան ձայնավոր կա, այդքան էլ վանկ կա: **Բարի** բառը երկվանկ է, քանի որ երկու ձայնավոր ունի՝ **ա**, **ի**:



Վանկը կարող է կազմվել նաև միայն մեկ ձայնավորով, օրինակ՝ **ա-ռակ**, **ու-տել**, **օ-րի-նակ**:

Ձայնավորով վերջացող կամ միայն ձայնավորով կազմված վանկը կոչվում է բաց վանկ, օրինակ, **տա-րի**, **բա-րի**, **մա-տա-նի**, **ա-նա-լի** բառերի վանկերը բաց են:

Բաղաձայնով ավարտվող վանկը կոչվում է փակ վանկ, օրինակ՝ **Վար-դան**, **որ-սորդ**, **եղ-նիկ** բառերի վանկերը փակ են:

Լսվող, բայց չգրվող **ը** հնչյուն ունեցող վանկը կոչվում է գաղտնավանկ: **Ը**-ն գրվում է վանկատման և տողադարձի ժամանակ, օրինակ՝ **կըր-թություն**, **ջը-բաման**, **դուս-տըր**:

Լինում են նաև մեկուկեսավանկանի բառեր: Դրանք այն բառերն են, որոնք կազմված են մեկ լիարժեք վանկից և գաղտնավանկից, օրինակ՝ **արկ^(ը)ղ**, **տես^(ը)ր**, **ս^(ը)կրատ**, **ն^(ը)կար** և այլն:





ՀՈՎՀԱՆՆԵՍ ՇԻՐԱԶ
(1914-1984)



Կենսագրություն

ՀԱՎԵՐԺԱԿԱՆ ՎԵՃԸ

Աստղերը մի օր լուսնյակին ասին.
 – Ինչո՞ւ են անվերջ խոսում քո մասին.
 Բանաստեղծները՝ **լուսնոտի** նման,
 Մեզ էլ են գովում, բայց քեզ՝ անսահման...
 Մինչդեռ մի հատ ես, մենք՝ հազար մի հատ...
 Եվ լուսինն ասաց.
 – Միջյունն էլ է շատ,
 Այնինչ առյուծը մի ձագ է ծնում,
 Միջակն հազար է, հանձարը՝ մի հատ,
 Աշխարհում լավը միշտ քիչ է լինում,
 Ծաղկունքը քիչ են, խոտերը՝ անհամար,
 Վարդը մի հատ է, տերևը՝ հազար:
 Վար՛ նայեք դուք ձեր գոռոզ բարձունքից,
 Տեսե՛ք՝ աղբյուրն էլ աղի ծովի հետ
 Ծնվում է մի մոր անմահ **ակունքից**,
 Բայց նա է ցրում ծարավները հավետ,
 Ոսկին էլ փոքր է, արևն էլ մի հատ,
 Բայց նա է ցրում խավարն անընդհատ,
 Այն, որ աստղերդ ցրել չեք կարող,
 Անթիվ աստղերդ, այն էլ դարերով...
 Ինչ որ մի հատիկ արևը կանի,
 Չեն կարող անել աստղերն **անհունի**:




Բառային աշխատանք

1. Առակից դ՛ուրս գրիր միավանկ, երկվանկ, եռավանկ բառեր:

Միավանկ բառեր	Երկվանկ բառեր	Եռավանկ բառեր

2. Առակից դ՛րս գրիր 4-ական բաց, փակ, գաղտնավանկ ունեցող բազմավանկ բառեր և համապատասխանաբար տեղադրիր եռայուն աղյուսակում:

Բաց վանկ	Փակ վանկ	Գաղտնավանկ



3. Գտիր հանելուկի պատասխանը և նշիր այդ բառի վանկերի քանակն ու տեսակը:

Թափանցիկ է, ապակի չէ,

Տաքին մահանում, ցրտին ապրում է:

4. Արտագրիր հանելուկը և յուրաքանչյուր բառ վանկատիր: Նշիր վանկերի տեսակը:

Նմուշ՝ թա-փան-ցիկ, թա (բաց), փան (փակ), ցիկ (փակ):

5. Արտագրիր բառերն ու յուրաքանչյուրի դիմաց գրիր հնչյունների ու տառերի քանակը:

Սպիրակ, նկար, մկրար, գրպան, գրիչ, գոհար, ընկեր, Երևան, երեկո, էակ, որմնադիր, ամենատրակյալ, ողորկ, աներևակայելի, անորոշ, Եվրոպա, ոսկի:

6. Բառարանում գտիր տեքստի կարմիր գրված բառերի բացատրությունը:



Տեքստային աշխատանք

1. Կարդա՛ առակը, ինքնուրույն ձևակերպիր մտքերդ և պատմիր առակից ստացած քո տպավորությունների մասին:

2. Տարբերիր և առանձնացրո՛ւ գլխավոր միտքը (մտքերը) երկրորդականից, վերաշարադրիր համապատասխան տրամաբանական հերթականությամբ՝ ըստ մտադրության և նախօրոք կազմած պլանի:

3. Բնութագրիր աստղերին և լուսնյակին: Նշիր՝ նրանցից որն է մարդու կյանքում ավելի կարևոր: Ինչո՞ւ:

4. Առակում ինչո՞ւ են հակադրվում առյուծն ու մրջյունը, ծաղիկներն ու խոտերը, վարդն ու տերևը, աղբյուրն ու աղի ծովը, արևն ու խավարը: Բնութագրիր յուրաքանչյուրին՝ ասածդ հիմնավորելով:

5. Վերլուծիր առակում հիշատակված իրանիշ հերոսների դերը բնութ-
յան մեջ և մեր կյանքում (առյուծն ու մրջյունը, ծաղիկներն ու խոտե-
րը, վարդն ու տերևը, աղբյուրն ու աղի ծովը, արևն ու խավարը)՝
փաստերով հիմնավորելով:
6. Մեկնաբանիր հետևյալ տողը՝ «Աշխարհում լավը միշտ քիչ է լի-
նում»: Դու երբևէ հանդիպել ես լավ մարդու: Պատմիր նրա մասին:
Ո՞վ է լավ մարդը քո պատկերացմամբ:
7. Հավերժական վեճը ինչո՞վ կարելի է ավարտել: Ո՞վ է հաղթում. չե՞
որ աստղերն ու լուսինը անբաժան են: Բացատրիր ընտրությանդ
շարժամոխը:



ՇԵՇՏ

ԲԱՌԱՅԻՆ ՇԵՇՏ

**Բառի որևէ ձայնավորի ուժգին արտասանությունը կոչ-
վում է շեշտ:** Դա բառային շեշտն է:

Հայերենում շեշտակիր վանկը կայուն դիրք ունի: Բազմա-
վանկ բառերում այն վերջին վանկն է: Միավանկ բառերում
շեշտվում է միակ ձայնավորը, բազմավանկ բառերում՝ վեր-
ջին վանկի ձայնավորը, օրինակ՝ **վա՛րդ**, **ակո՛նք**, **բանաստե՛ղծ**:
Բառերի վերջում նոր արմատներ, վերջածանցներ կամ վեր-
ջավորություններ ավելանալիս շեշտը տեղափոխվում է նոր
ավելացած մասի վերջին վանկի ձայնավորի վրա, օրինակ՝
վարդակակա՛նց, **ակու՛նքից**, **բանաստեղծակա՛ն**: Այդ պատճառով
հայերենում շեշտը կայուն-շարժական է:

Եթե բառի վերջին ձայնավորը **ը**-ն է, շեշտը նախավերջին
վանկի ձայնավորի վրա է ընկնում, օրինակ՝ **ծո՛վը**, **առյո՛ծը**,
ա՛ստ(ը)դ: Եթե բառի միակ ձայնավորը **ը**-ն է, շեշտը դրվում է
այդ ձայնավորի վրա, օրինակ՝ **թը՛խկ**, **շը՛խկ**:

Եթե բառը **և**-ով է ավարտվում, շեշտը դրվում է նրա վրա,
օրինակ՝ **արև՛**, **Պարզև՛**:

Վերջին վանկի շեշտադրման կանոնից կան շեղման դեպքեր.

1. Մի քանի բառերում շեշտվում է առաջին վանկը՝ մի՛թե,
գո՛նե, գո՛ցե, մանավա՛նդ, նո՛յնիսկ, նո՛յնքան, նո՛յնպես, ո՛րևէ,
ի՛նչևէ և այլն:

2. – **երորդ** վերջնաբաղադրիչով բառերում այդ բաղադրիչը չի շեշտվում. շեշտվում է առաջին բաղադրիչը՝ **նրերորդ, քանիերորդ, քաններորդ**:

3. Շեշտվում է հարադրավոր բառերի առաջին բաղադրիչը՝ **պար գալ, միտք անել, գլուխ բերել**:

4. Օտար բառերը հայերենում ուղիղ ձևով գործածվելիս պահպանում են իրենց բնորոշ շեշտադրությունը՝ **քիմիա, ուղիղ, Իտալիա**:

Գրավոր խոսքում այդ շեշտերը սովորաբար չեն դրվում:

Սակայն կան դեպքեր, երբ շեշտը գրավոր խոսքում միշտ դրվում է: Դրանք են


ա) հրաման արտահայտող բայական ձևերը՝ **ասա, գրի՛ր, նկարի՛ր, մի՛ գրի՛ր**,

բ) հաստատում կամ ժխտում արտահայտող պատասխանական բառերը՝ **այո՛, ո՛չ, չէ՛**,

գ) կրկնվող շաղկապները՝ **և՛..., և՛..., թե՛..., թե՛..., կան՛..., կան՛..., էլ՛..., էլ՛...**:

Չեն շեշտվում հետևյալ բառերը՝ **մերթ..., մերթ..., մեկ..., մեկ..., ոչ մի..., ոչ մի...**:

դ) Այն բառերը, որոնք ցույց են տալիս, թե խոսքն ունի ուղղված, օրինակ՝ – **Դու գիտես, եղբայր,– պատասխանեց Բարին:**





Առաջադրանքներ

- Գրիր հետևյալ բառերը՝ բառային շեշտերը դնելով:
Առակագիր, հայր, տղա, ոչ, ընտանիք, ծանր, երբեք, իհարկե, շուտ արի, ներիր, վերցրու, սիրտ անել, պատկել, որերորդ, բռնվել, փախչել, ուրք, բարև, մի փակիր:
- Բացատրիր՝ ընդգծված բառերում շեշտադրման որ դեպքերն են կիրառված (շեշտերն ինքդ դիր):
 - Լսիր, որդիս, պատգամ որպես
Միրող քո մոր խոսքը սրտանց...
 - Չէ, - ասում է հարևանը, - արտը քեզ փոխ եմ տվել:
 - Ո՛վ ես, ներս արի, - կանչում է մի ձայն:
 - Հեյ, Գուրմիկ, այդ ինչպե՞ս ես մարզվում, որ քեզնից ոչ մի կաթիլ չի պակասում:
- Մեկական նախադասություն կազմիր *Ա... , Ա... , թե՛... , թե՛... , մեկ... , մեկ...* կրկնվող բառերով:
- Տրված առակում այլ հերոս (հերոսներ) ավելացրո՛ւ՝ գործողություններին նոր ընթացք հաղորդելով:

Արտույտը, վախենալով, որ երկինքը փուլ կգա, պատկեց մեջքի վրա, ոտքերը վեր տնկեց և աշխատեց դեմ տալ երկնքին: Տեսնողները ծիծաղեցին նրա վրա և ասացին.

- Ա՛յ խելքի ծով ճնձղուկ, դու ո՞նց կարող ես քո ծղոտե ծնկներով պահել երկինքը:

Թռչունը պատասխանեց.

- Ես իմ բաժին երկինքն եմ պահում:



ԲԱՌԻ ԿԱԶՄՈՒԹՅՈՒՆԸ ՊԱՐԶ ԵՎ ԲԱՐԴ ԲԱՌԵՐ: ՀՈԴԱԿԱՊ



Բառը խոսք կազմող լեզվական միավոր է, որն ունի իմաստ և ինքնուրույն գործածություն: Այն կազմված է հնչյուններից (հազվադեպ մեկ հնչյունից) և ունի բառային շեշտ, օրինակ՝ **կրակ**, **աղավնի**, **հրացան**:

Բառի հիմնական մասը արմատն է: Արմատից բացի բառի մեջ կարող են լինել նաև ածանցներ և վերջավորություններ: Բառերն ըստ կազմության կարող են լինել պարզ, բարդ և ածանցավոր: **Միայն մեկ արմատից կազմված բառերը կոչվում են պարզ բառեր**, օրինակ՝ **ջուր**, **մարդ**, **ատու**, **ու**:

Պարզ բառերն ինքնուրույն գործածություն ունեցող արմատներն են:

Երկու և ավելի արմատներից կազմված բառերը կոչվում են բարդ բառեր, օրինակ՝ **ջրհոր**, **տղամարդ**, **առվեզր**:


Բարդ բառերի կազմությանը մասնակցում է նաև **հոդակապը**: Հոդակապը արմատների կամ ածանցի ու արմատի միջև գործածվող **ա** ձայնավորն է, օրինակ՝ արձակ**ա**գիր, նկար**ա**զարդ, վերջ**ա**բան, պար**ա**գիծ:

Հոդակապը երբեմն կարող է «թաքնված» լինել՝ հնչյունափոխությամբ միացած լինելով նախորդ արմատի **ի** ձայնավորին (**ի + ա = ե**), օրինակ՝ բարի**ա**+**ա**+տես-բարե**ե**տես, կղզի**ա**+**ա**+խումբ-կղզե**ե**խումբ:

Հոդակապն իմաստից զուրկ է: Սակայն երբեմն հանդիպում են միայն հոդակապի առկայությամբ և առանց հոդակապի տարբերվող բառազույգեր, օրինակ՝ արջ**ո**րս-«արջ որսացող», արջ**ա**որս-«արջ որսալը», հրձիգ-«բորբոքող, հրահրիչ», հրաձիգ-«հրացանով կրակող մարդ»:

Բարդ և ածանցավոր բառերի կազմում **ա** և **ո** ձայնավորներից հետո կարող է հանդես գալ նաև **յ** ձայնակապը, օրինակ՝ արքայ**ա**մայր, գոյ**ա**պայքար, երեկոյան:

Իրենց կազմում ածանց կամ ածանցներ ունեցող բարդ բառերը կոչվում են բարդաածանցավոր բառեր, օրինակ՝ գրչ**ա**տուփ, գրք**ա**սեր, միջն**ա**ղար:





ԻՎԱՆ ԿՌԻԼՈՎ

(1769-1844)




Կենսագրություն

ՈՐՄՈՐԴ ԱՌՅՈՒԾԸ

Առյուծը՝ անտառի արքան,
Շանը, գայլին ու աղվեսին
Հարևան էր մոտիկ այնքան,
Որ մի անգամ,
Երբ որ նորից հանդիպեցին,
Նրանց ասաց.

- ...Եկեք չորսով դուրս գանք որսի
Ու մեր բռնածը բաժանենք չորսի:
- Եվ չգիտեմ՝ ինչպես, աչքովս չեմ տեսել,
Առաջինը աղվեսը մի եղնիկ ձանկեց,
Ընկերներին շտապ լուր ուղարկեց,
Որ գան ու որսը հավասար կիսեն.
Ինչ որս էր՝ ուղղակի անմահական:
Ու ընկերներն իսկույն եկան:



Առյուծն էլ ժամանեց.
Սուր **ձիրանները** դուրս հանեց,
Տաք մսի մեջ խրեց,
Ընկերներին մի կողմ հրեց,
Նայեց չորս կողմը գազազած,
Պատառոտեց եղնիկին ու ասաց.

- Ուրեմն այսպես. մենք չորսս ենք:
Հիմա եկեք կիսենք...
Այս մասն իմն է, տեսե՛ք՝
Ըստ որոշած մեր պայմանի:

Այս մեկն էլ ինձ՝ որպես առյուծ արքա:
Սա էլ իմն է, թող փորձի մեկը ձայն հանի,
Իսկ այս մեկին ով թաթը տա,
Տեսնեմ կմնամ նա կենդանի:





Բառային աշխատանք

- Տրված պարզ բառերը միացնելով՝ կազմիր բարդ բառեր:
 - շուն + գայլ, բ) առյուծ + սիրտ, գ) չորս + կողմ, դ) ծուռ + թաթ,
 - արքա + նարինջ, զ) աղվես + սունկ, է) միս + ջուր, ը) ձուկ + որս,
 - հարևան + սեր, ժ) քսան + չորս:
- Խմբավորիր բառերը:

Հողակապով բարդ բառեր	Անհողակապ բարդ բառեր

Արևահամ, գարեհաց, բնաշխարհ, ցուցամատ, հացթուխ, աղաման, կարվառյուծ, թարերախումբ, աստվածաշնորհ, փղոսկր, տեսանյութ, բարձրակարար, մեծերան, գարեջուր, եղյամապար, գլխացավ, եղ-բորորդի, ձկնկիթ:

- Հետևյալ բառերին արմատներ ավելացնելով՝ կազմիր հողակապով և անհողակապ բարդ բառեր:
 - առյուծ, բ) գայլ, գ) չորս, դ) համ, ե) արքա, զ) թաթ, է) լուր, ը) ձայն,
 - կողմ, ժ) մաս:

Նմուշ՝ որս-որսաշուն, ձկնորս:

- Գրիր հետևյալ բառերի հոմանիշները:

Արքա, հարևան, ճիրան, եղնիկ, նորից:
- Ինչպե՞ս են կոչվում առյուծի, գայլի, արջի, շան ձագերը:
- Առյուծն անտառի արքան է: Ի՞նչ են կոչում

ա) թռչունների արքային, բ) ծառերի արքային, գ) ծաղիկների արքային, դ) ֆուտբոլի արքային, ե) ծիծաղի արքային, զ) օղակների արքային:



Տեքստային աշխատանք

- Թվարկիր առակի հերոսներին:
- Ինչո՞ւ է առակը վերնագրված «Որսորդ առյուծը»: Ներկայացրո՞ւ վերնագրի այլընտրանքային տարբերակ՝ ընտրությունդ հիմնավորելով:

3. Մեկ նախադասությամբ ներկայացրո՛ւ առակի հիմնական գաղափարը:
4. Առակը հաղորդի՞ր արձակ շարադրանքով՝ պահպանելով հեղինակային բառապաշարը:
5. Հաղորդի՞ր առակի բովանդակությունը սեփական բառերով և արտահայտի՞ր վերաբերմունքդ:
6. Ինչո՞ւ առյուծն այդպես վարվեց: Մեղադրի՞ր կամ արդարացրո՞ւ առյուծին:
7. Առակն ընդարձակի՞ր երկխոսություններով՝ գործողությունները ներկայացնելով աղվեսի դիրքերից:
8. Ներկայացրո՛ւ առակի գործող հերոսների փոխհարաբերությունները (ով ում է օգնում, խաբում, սիրում, ատում, պատժում ...). բեր ասածդ հիմնավորող փաստեր:
9. Ներկայացրո՛ւ՝ ինչ արժեք և վերաբերմունք ձևավորվեց քո մեջ առակն ուսումնասիրելիս:
10. Համեմատի՞ր առակի հերոսների արարքները, առանձնացո՛ւ լավն ու վատը, մերժելի՞ն և ընդունելի՞ն:
11. Բացատրի՞ր՝ ինչու է ազահությունը հաճախ ծնում չարիք, ավերածություն:



ԱԾԱՆՑ: ԱԾԱՆՑԱՎՈՐ ԲԱՌԵՐ: ՆԱԽԱԾԱՆՑՆԵՐ ԵՎ ՎԵՐՁԱԾԱՆՑՆԵՐ

Արմատներին լրացուցիչ իմաստներ տվող և նոր բառեր կազմող բաղադրիչները կոչվում են **ածանցներ**:

Հայերենում ածանցները կարող են ավելանալ արմատի կամ բառի սկզբից և վերջից:

Արմատին կամ բառին սկզբից ավելացող ածանցը կոչվում է **նախաածանց**, օրինակ՝ **ան** + տուն, **առ** + ողջ, **գեր** + մարդ, **ց** + այգ:

Արմատին կամ բառին վերջից ավելացող ածանցը կոչվում է **վերջածանց**, օրինակ՝ տն+**ակ**, ամառ + **ային**, պոչ + **ատ**, հայ + **երեն**:


Մեկ արմատից և մեկ կամ ավելի ածանցից կազմված բառերը կոչվում են ածանցավոր:

Ըստ ածանցի դիրքի՝ լինում են **նախածանցավոր** և **վերջածանցավոր** բառեր: Դրանց կազմում կարող է լինել նաև հոդակապ կամ բառակազմական այլ մասնիկ, օրինակ՝ **անադնուկ, տկար, դատավոր, կաթնային:**

Նախածանցավոր բառերը կազմվում են նախածանցից կամ նախածանցներից և արմատից, օրինակ՝ **նախագահ, համարձակ, մակերես, անստորագիր:**

Վերջածանցավոր բառերը կազմվում են մեկ արմատից և մեկ կամ ավելի վերջածանցից, օրինակ՝ **թևավոր, խայթոց, հաղթանակ, դասարանային:**

Առանձնանում են նաև **համածանցավոր** բառերը, որոնց կազմում կան նախածանց, արմատ և վերջածանց, օրինակ՝ **ստորջրյա, առողջական, անմահական:**



**ԺԱՄԱՆԱԿԱԿԻՑ ՀԱՅԵՐԵՆԻ
ԱՌԱՎԵԼ ԳՈՐԾՈՒՆ ԱԾԱՆՅՆԵՐԸ**

Նախածանցներ

ամենա- (ամենաբարի, ամենամեծ)	համ(ա)- (համազգեստ, համերգ)
ան- (անգետ, անհաղթ)	մակ(ա)- (մակագրել, մակերես)
ապ- (ապօրինի, ապուշ)	նախ(ա)- (նախագահ, նախաձաշ)
առ- (առանձին, առողջ)	չ- (չկամ, չխոսկան)
արտ(ա)- (արտանկար, արտերկիր)	ստոր(ա)- (ստորակետ, ստորերկրյա)
բաց(ա)- (բացարձակ, բացակա)	վեր(ա)- (վերադարձ, վերսկսել)
գեր(ա)- (գերաշնորհ, գերկարճ)	տ- (տգեղ, տհաճ)
դժ- (դժգոհ, դժգույն)	տրամ(ա)- (տրամագիծ, տրամադիր)
ենթ(ա)- (ենթասպա, ենթակա)	ց- (ցտեսություն, ցմահ)
ընդ- (ընդհանուր, ընդմիջում)	փոխ(ա)- (փոխադրել, փոխարքա)

Վերջածանցներ

- (ա)բար (հերոսաբար, հայրաբար)	- (ե)րորդ (հինգերորդ, երրորդ)
- (ա)գին (ահագին, ուժգին)	- եք (արժեք, երբեք)
- (ա)գույն (նվազագույն, մեծագույն)	- ի (վայրի, աղի)
- ածո, -ածու, -ծու (չափածո, ժողովածու, շինծու)	- իկ (շնիկ, փոքրիկ)
- ակ (գետակ, դռնակ)	- իչ (երգիչ, գրիչ)
- ական (գրական, մեկական)	- լիկ (սուտլիկ, բլիկ)
- ակի (շեշտակի, եզակի)	- կան (լացկան, խռովկան)
- ային (խմբային, ձմեռային)	- մունք (հուզմունք, սխալմունք)
- անակ (հաղթանակ, մրցանակ)	- յա (արծաթյա, տասնամյա)
- (ա)նոց (մրջնանոց, ամառանոց)	- յալ (որակյալ, դարձյալ)
- (ա)պես (վերջապես, խորապես)	- յակ (հարսնյակ, հնգյակ)
- (ա)ստան (Հայաստան, մրգաստան)	- յան (հայկյան, արևելյան)
- ավետ (ծաղկավետ, բուրավետ)	- յուն (մոնչյուն, հնչյուն)
- (ա)վոր (գլխավոր, լուսավոր)	- ոն (ծամոն, կտրոն)
- ատ (կիսատ, թևատ)	- ովի (ընտրովի, ընկերովի)
- արան (դասարան, նվագարան)	- ոտ (փշոտ, աղմկոտ)
- արդ (գմբեթարդ, խորանարդ)	- որդ (որսորդ, ձախորդ)
- ացի, -եցի, -ցի (գյուղացի, լոռեցի, դասարանցի)	- որեն (ջերմորեն, ազնվորեն)
- ացու (հարսնացու, մսացու)	- ոց (դպրոց, ամրոց)
- ացք (լվացք, գնացք)	- սուն (երեսուն, ութսուն)
- ե (թղթե, ծղոտե)	- վածք (պատմվածք, ասացվածք)
- եղ (թիկնեղ, ուժեղ)	- ու (վերարկու, կծու)
- եղեն (խմորեղեն, ամանեղեն)	- ություն (հարստություն, ուրախություն)
- ենի (նոնենի, հնամենի)	- ուկ (հանելուկ, գայլուկ)
- երեն, -արեն (անգլերեն, չինարեն)	- ուհի (տիրուհի, պարուհի)
	- ույթ (մրցույթ, նորույթ)
	- ունք (ծաղկունք, իրավունք)
	- ուց (դեղնուց, նեղուց)
	- ք (վազք, տարիք)



Առաջադրանքներ

1. Յուրաքանչյուր շարքից ընտրիր մեկ ածանց, մեկ արմատ և նախածանցավոր բառ կազմիր:

առ-	վերջ
ան-	այգ
տ-	ողջ
ց-	ձև
ամենա-	միշտ
ընդ-	արագ

2. Յուրաքանչյուր շարքից ընտրիր մեկ արմատ, մեկ ածանց և վերջածանցավոր բառ կազմիր:

ուրախ	-ուկ
պատիվ	-ություն
գետ	-ավոր
լաց	-ակ
ծով	-կան
սև	-ային

3. Կազմիր ածանցավոր բառեր միևնույն արմատով (բառով) և տարբեր ածանցներով (երկուական):

Երգ, զգայուն, կամք, վարժ, հուն, հայրակ, արդյունք, բախար, գիծ, շնորհ, արձակ, երևույթ, կշռել, կարգ, ձայն, օգուտ, աշխարհ, աճ:

Նմուշ՝ երգ-համերգ, նախերգանք:

4. Առակ հորինիր՝ բարոյախրատական մաս դարձնելով հետևյալ առածը:

Աղվեսի դուռնը խաղողին չհասավ, ասաց՝ խակ է:

5. Գրիր նման իմաստ արտահայտող առած և մեկնաբանիր:



(հայկական ժողովրդական առակ)



Մի մայր ու տղա էին ապրում իրենց անշուք տնակում:


Կանաչազարդ այգով մի փոքրիկ առու էր անցնում: Սառնաշունչ առվի ափերին գորտերն ամեն օր կոկոռում էին, սուսները՝ մեղմօրոր խշշում, իսկ տղան անընդհատ դժգոհում էր, մորն ասում.

– Արդեն ձանձրացել, հոգնել եմ. ամեն օր գորտերը կոկոռում են,

ծառերը՝ անուրախ խշխշում: Գնալու եմ աշխարհը ման գամ, մի լավ տեղ ձարեմ, հետ գամ ու քեզ էլ հետս տանեմ:

Մտամոլոր տղան վեր է կենում ու **գլխիկոր** գնում իր երազանքի հետևից: Շատ է շրջում, թափառականի կյանքով ապրում, շատ բաներ է տեսնում, բայց ոչ մի տեղի սիրտը չի կաշում: Հոգին անսահման խռով, կարոտը սրտում՝ նորից վերադառնում է իր հայրենի տնակը՝ իր պեհեր ու **գթասիրտ** մոր մոտ, ու ասում.

– Իմ **սիրասուն մարե**, շատ տեղեր ման եկա, շնտ ու շատ բաներ տեսա, հսկա ու **հրաշակերտ** պալատներ տեսա, հանդիպեցի շատ մեծահարուստների, բայց ոչ մեկը չասաց՝ ներս արի, մի քիչ տաքացի՛ր, մի պատառ հաց կեր: Իմ փոքր ու **անշուք** տնակը, իմ **պզտիկ** ու **նախշուն** այգին, իմ քչքչան առվակը, իմ կռկռան գորտերը, իմ խշխշան ծառերն աշխարհի ոչ մի բանի հետ չեմ փոխի...



Բառային աշխատանք

1. *Ման գալ, տեղ ձարել, աշխարհը շրջել, սիրտը կաշել* բայերի իմաստն արտահայտի՛ր մեկ բառով:
2. *Ստոնաշունչ, մեղմօրոր, մրամոլոր, պեհեր, գթասիրտ* բառերը գործածի՛ր նախադասությունների մեջ:
3. Առակից դ՛ուրս գրի՛ր ածանցավոր բառերը: Առանձնացրո՛ւ արմատն ածանցից:

Նմուշ՝ Փոքրիկ-փոքր-իկ:

4. Գրի՛ր *պզտիկ* բառի գրական համարժեքը:
5. *Ստոնաշունչ, մրամոլոր, պեհեր, անշուք, նախշուն* բառերի հոմանիշների և հականիշների շարքեր կազմի՛ր:

Նմուշ՝ պեհեր, զառամյալ-երիտասարդ:

6. Տեքստից դճրա գրիր ածանցավոր, հոդակապով և անհոդակապ կազմություն ունեցող բառերը և համապատասխանաբար խմբավորիր եռապյուն աղյուսակում:

Ածանցավոր բառեր	Հոդակապով բարդ բառեր	Անհոդակապ բարդ բառեր

7. Առու, գորտ, կոկոս, սուսի, խշխշայ, փղա, դժգոհ, երագանք, շրջել, գլխիկոր, վերադառնալ, հայրենի, փուն բառերով նոր տեքստ հորինիր:

8. Համեմատիր և ըստ հատկանիշների խմբավորիր վերևի բառերը (առարկա և գործողություն ցույց տվող բառեր):

Առարկա ցույց տվող բառեր	Գործողություն ցույց տվող բառեր



Տեքստային աշխատանք

1. Վերարտադրիր առակի բովանդակությունը պարզ նախադասություններով:
2. Վերնագիրը կապիր տեքստի իմաստի հետ:
3. Վերնագրի առակը տեքստից ընտրված բանալի բառերով: Հիմնավորիր ընտրությունդ:
4. Տեքստը բաժանիր երկու մասի, վերնագրի յուրաքանչյուր մասը և որոշիր հիմնական միտքն արտահայտող նախադասությունները:
5. Որոշիր տեքստում նկարագրած իրադարձությունների միջև եղած կապերը, մոտավոր ժամանակաշրջանը: Ներկայացրո՛ւ քո մտորումները:
6. Ի՞նչ խորհուրդ ունի հայրենի տունն այս առակում:
7. Կա՞նք աշխարհում որևէ վայր, որ հայրենի տնից թանկ լինի քեզ համար: Հիմնավորիր պատասխանդ:
8. Շարունակիր տեքստը՝ նոր ավարտ հորինելով առակին:
9. Արտահայտիր քո վերաբերմունքը տղայի և նրա գործողությունների նկատմամբ:

10. Համեմատիր առակը քեզ ծանոթ այլ ստեղծագործության (մուլտֆիլմ, մանկական կինոնկար և այլն) հետ, պատմիր նրանց նմանությունների և տարբերությունների մասին:
11. Առակում պատկերած պատմությունը ի՞նչ խոհեր ծնեց քո մեջ: Թվարկիր դրանք:
12. Կարմիրով նշված բառերի բացատրությունը գտիր բառարանում և պատմելիս կիրառիր դրանք:



ՀՆՉՅՈՒՆԱՓՈՒՈՒԹՅՈՒՆ

Բառի ձևափոխության կամ նոր բառեր կազմելու ընթացքում բառային շեշտը տեղափոխվում է նոր ավելացած մասի վերջին ձայնավորի վրա: Նախկին ձայնավորի արտասանությունը թուլանում է: Հայտնվելով թույլ դիրքում՝ նա կարող է ենթարկվել փոփոխության: Կարող է վերածվել ուրիշ ձայնավորի կամ դուրս մղվել, օրինակ, **մարդասեր** բառի մեջ շեշտն ընկնում է վերջին **սեր** վանկի **ե** ձայնավորի վրա՝ **մարդասեր**, իսկ **մարդասիրական** բառի մեջ շեշտը տեղափոխվում է վերջին վանկի **ա** ձայնավորի վրա՝ **մարդասիրական**: Կամ երբ **դպիր** բառին ավելացնում ենք **-ոց** վերջածանցը, **ի** ձայնավորը, կորցնելով շեշտը, դուրս է մղվում՝ **դպրոց**:

Որն է ձայնավորի կամ երկհնչյունի փոփոխությունը կամ սղումը կոչվում է հնչյունափոխություն:

Հայերենում հնչյունափոխության են ենթարկվում **է(ե), ի, ու** ձայնավորները և **յա, ույ, յու** երկհնչյունները, նաև գաղտնավանկի **ը**-ն:

Է(Ե) ՁԱՅՆԱՎՈՐԻ

ՀՆՉՅՈՒՆԱՓՈՒՈՒԹՅՈՒՆԸ

Բառասկզբի **է**-ն, շեշտը կորցնելով, երեք բառում փոխվում է **ի**-ի: Այդ բառերն են **էգ-իգական, էշ-իշատեր, էջ-իջնել**:

Բառամիջի փակ վանկի **է**-ն (գրվում է **ե**-ով) փոխվում է **ի**-ի, օրինակ՝ **մեջ-միջուկ, վեպ-վիպագիր, կես-կիսամյակ**:

Բառասկզբում և բառավերջում **ե**-ն չի հնչյունափոխվում, օրինակ՝ **երեկո-երեկոյան, միջօրե-միջօրեական**:



Առաջադրանքներ



1. Տրված բաղադրիչները միացնելով՝ բառեր կազմիր:

ա) էջ + ս + րեր, շեկ + ս + հեր, դեմ(ք) + ս + նկար, մեզ + ս + պար, վեպ + ս + գիր, զեն(ք) + ս + կոչ, վեմ + ս + փոր, րեր + ս + կալ, հրավեր + ս + րոմս:

բ) հանդես + ավոր, գեր + ուկ, կես + սար, դեմ(ք) + սկ, պարտեզ + պան:

2. Վեճ, սեզ, գես, րեր, սեզ, նվեր արմատներից բառեր կազմիր այնպես, որ հնչյունափոխություն տեղի ունենա:

Նմուշ՝ կես + ատ = կիսատ (ե > ի):



Կենսագրություն

ԱՎԵՏԻՔ ԻՍԱՀԱԿՅԱՆ

(1875-1957)



ԿԱՔԱՎՆ ՈՒ ԱՂՎԵՍԸ

Կարավը, մի օր քարից քար անահ
Ցատկելով, խաղով ոտ դրեց հանկարծ
Քարերի միջին միամիտ քնած
Աղվեսի վրա:

Սոսկալի արկած:

Հազիվ մի վայրկյան,

Կարավն աղվեսի գրկումն էր դաժան:

Բախտը որ ուզենա,

Քնած տեղդ էլ

Քո դուռը կգա:

– Անոթությունից քուն էի մտել,

Բայց աստված հոգաց,–

Զվարթ քրքիջով աղվեսն ասաց:

– Աստծու ճամփածն եմ, այդ լավ գիտեմ ես,

Դու, աստվածընտիր, դու, օրհնյալ աղվես,–



Երկյուղած ասաց կաքավը նրան.-
Նաև գիտցիր դու,
Որ ուտել առանց աստծուն փառք տալու,
Մեծ մեղք է հոգուդ:

- Իրավ ես, անշուշտ,-
Աղվեսը հավանեց և ձեռքերն իսկույն
Բարձրացրեց վեր և բազկատարած.

- Փառքդ շատ, աստված...-
Աղոթքն սկսեց, հազիվ սկսած՝
Ջարմանքով տեսավ՝

Ժայռի կատարին
Կաքավը թառած

Երգում է ուրախ.

«Շաղկում, կաղկում...»:

Ինչ ծաղր ու ծիծաղ...

Ջայրույթով լցված՝

Աղվեսը զարկեց գլուխը քարին,

Դառնասիրտ ասաց.

- Տեղն է հիմարին,

Թող քաղցած մնա:

Եվ աշխարհիս մեջ թող անիծվի նա,

Ով, դեռ չկերած,

Աստծուն փառք կտա:



Բառային աշխատանք

1. ա) Արտագրի՛ր հետևյալ բառերը և ընդգծի՛ր այն տառերը, որոնք երկու հնչյունից են կազմված:

Վերջ, երգ, կենդանի, երազ, համբերել, քառորդ, երկուշաբթի, սրբիչ, էգ, խնդիր:

բ) Շարքից ընտրի՛ր երեք բառ, կազմի՛ր նոր բառեր և նշի՛ր կատարված հնչյունափոխությունը:

2. Բնագրում գտիր եռավանկ բառեր, նշիր վանկարար հնչյունները:
3. Գտիր *կատար, սուկայի, ծիծաղ, գիրկ, ուրախ* բառերի հոմանիշները:
4. Գտիր *օրհնյալ, դառնասիրտ, զայրույթ, բազկատարած, երկյուղած* բառերի արմատները: Այդ արմատներով նոր բառեր կազմիր:
5. Առակից դուրս գրիր բարդ բառերը և դրանց արմատներով ածանցավոր բառեր կազմիր:
6. *Երկյուղած* բառի տառերով նոր բառեր կազմիր և որոշիր դրանց հնչյունների և տառերի քանակը:
7. Առակից դուրս գրիր ժողովրդախոսակցական բառերը և գրիր դրանց գրական համարժեքը:
8. Կազմիր առակից սովորած բառերի բացատրական բառարան՝ բառերը դասավորելով այբբենական կարգով:
9. Կարդա՛ առակը և քննարկիր ընկերներիդ հետ՝ բացահայտելով առակի բարոյախրատական իմաստը:

Մի իմաստուն զինվոր պատերազմ էր գնում. նա երկու ոտքով կաղ էր: Զինվորներից մեկը նրան ասաց.

– Ո՛վ ողորմելի, ո՞ր ես գնում: Քեզ իսկույն կսպանեն, որովհետև փախչել չես կարող:

Իսկ նա պատասխանեց.

– Ո՛վ անմիտ, ես չեմ գնում պատերազմ՝ փախչելու, այլ կանգնելու, կռվելու և հաղթելու:


«Իմաստուն զինվորը», Վարդան Այգեկցի

ա) Առակից դուրս գրիր *է(ե)* ձայնավորի հնչյունափոխությանը վերաբերող բառ: Բացատրիր հնչյունափոխությունը:

բ) Գտիր *խելացի, կռիվ* բառերի հոմանիշները:

գ) Գտիր *զինվոր, հաղթել, ոտք* բառերի արմատները և դրանցով նոր բառեր կազմիր:

10. Բառաշղթայի բաց թողնված վանդակները համապատասխան տառերով լրացրո՛ւ այնպես, որ ստանաս *ե*-ով սկսվող յոթ բառ:





Տեքստային աշխատանք

1. Մատնանշիր առակի կառուցվածքը՝ սկիզբը, ընթացքը, ավարտը, խրատաբանությունը:
2. Առանձնացրո՛ւ առակի գլխավոր միտքը և ընթերցողին տրվող խրատը:
3. Քո բառերով ներկայացրո՛ւ առակը որպես ականատես:
4. Բնութագրիր կաքավին: Ըստ կաքավի վարքագծի՝ ներկայացրո՛ւ հնարամիտ մարդուն:
5. Բնութագրիր աղվեսին: Ըստ աղվեսի վարքագծի՝ ներկայացրո՛ւ կարճամիտ և անխելք մարդուն:
6. Բացատրիր՝ ում ես խղճում: Ինչո՞ւ:
7. Առակի բովանդակությունից ելնելով՝ մեկնաբանիր կենդանիների արարքների դրդապատճառները:
8. Առակը քննարկիր ընկերներիդ հետ: Մեղադրիր կամ արդարացրո՛ւ հերոսներից յուրաքանչյուրին: Հորինիր առակ՝ դրսևորելով սեփական դիրքորոշում:
9. Համեմատիր քո ուսումնասիրած տարբեր ժողովուրդների արձակ և չափածո առակների տեքստերը, նշիր նմանություններ և տարբերություններ:



Ի ՁԱՅՆԱՎՈՐԻ ՀՆՉՅՈՒՆԱՓՈԽՈՒԹՅՈՒՆԸ

1. Մի շարք միավանկ բառերի բառասկզբի **ի**-ն փոխվում է **ը**-ի, օրինակ՝ **իղձ-ըղձալ**, **ինձ** «կենդանի»-**ընձուղտ**, **ինչ(ք)**-**ընչաքաղց**:
2. Մի շարք միավանկ բառերի փակ վանկի **ի**-ն փոխվում է **ը**-ի, օրինակ՝ **գիծ-գ^(ը)ծել**, **գիր-գ^(ը)րող**, **թիվ-թ^(ը)վանշան**, **սիրտ-ս^(ը)րտոտ**:
3. Բազմավանկ բառի փակ վանկի **ի**-ն կարող է
 - ա) փոխվել **ը**-ի, օրինակ՝ **արձիճ-արձ^(ը)ճագույն**, **նարինջ-նար^(ը)նջագույն**,
 - բ) սղվել, ինչպես՝ **դեղին-դեղնուց**, **ծաղիկ-ծաղկել**, **գեղեցիկ-գեղեցկություն**:



4. Բազմավանկ բառի վերջին բաց վանկի **ի**-ն

ա) **-ակ** վերջածանցից առաջ փոխվում է **յ**-ի, օրինակ՝ **աղավ-նի-աղավնյակ, կղզի-կղզյակ, որդի-որդյակ, պատանի-պատանյակ,**

բ) հոդակապին կամ **-ական** վերջածանցին միանալով՝ դառնում է **ե՝ ի+ա=ե**, օրինակ՝ **գարի+ա+հաց-գարեհաց, որդի+ա+սեր-որդեսեր, տարի+ա+վերջ-տարեվերջ, պատանի+ական-պատանեկան,**

գ) ձայնավորից առաջ սղվում է, օրինակ՝ **բարի-բարություն, փոշի-փոշոտել**: Որոշ բառերում կարող է չընկնել, օրինակ՝ **որդի-որդիական, քաղաքացի-քաղաքացիություն**:



Առաջադրանքներ

1. Համեմատիր դեմ դիմաց գրված բառերը և բացատրիր՝ ինչ հնչյունափոխություն է կատարվել (հնչյունի փոփոխություն, բառի ո՞ր դիրքում, շեշտի տեղափոխություն, սղում):

Իղձ-ըղձական, միշտ-մշտապես, ճշմարիտ-ճշմարտախոս, որդի-որդեսեր:

2. Հետևյալ բառերը լրացրո՛ւ համապատասխան սյունակներում:

Գրադարան, դեղնակտուց, կենդանական, մրգատու, հոգյակ, այլակ, Սարգսյան, գերություն, ծաղկաման, կղզյակ:

<i>ի</i> -ն դարձել է <i>ը</i> :	<i>ի</i> -ն դարձել է <i>յ</i> :	<i>ի</i> -ն սղվել է:
---------------------------------	---------------------------------	----------------------

3. Գտիր հանելուկի պատասխանը:

Անհուն կապույտ է կտրում ու անցնում,
Մեզ գիրկը առած՝ հեռուներ տանում,
Ճախրում է ծով ու ցամաքի վրա,
Գուշակե՞ք՝ ինչ է անունը նրա:

ա) Այդ բառի երկրորդ արմատով բառեր կազմիր:

բ) Բացատրիր հնչյունի փոփոխությունը:

4. Փակագծերում տրված բառերի օգնությամբ կազմիր նոր բառեր՝ նշելով կատարված հնչյունափոխությունը:

Ուղի (*գորգ*), թիվ (*նշան*), գին (*նիշ*), գարի (*ջուր*), ծաղիկ (*բույլ*), դեղին (*երիզ*), խնդիր (*գիրք*), սիրտ (*կից*), բարի (*տես*), երկիր (*գունդ*):



ՃՆՃՂՈՒԿՆԵՐՆ ՈՒ ԱՐԱԳԻԼԸ

Ճնճղուկները երամով գնացին արագիլի մոտ և աղաչեցին նրան.

– Թո՛ւյլ տուր մեզ ձագեր հանել քո բնի մեջ և պաշտպանի՛ր մեր ձագերին օձերից:

– Ինձ համար ի՛նչ կանե՞ք,– ասաց արագիլը,– որ կատարեմ ձեր կամքը:

– Կաղոթենք մշտապես,– պատասխանեցին ճնճղուկները,– որ ձեր ձագերը առողջ լինեն և գերծ մնան վնասակար օդից ու եղանակից:

Արագիլը տեղ տվեց նրանց:

Երբ ճնճղուկները ձագ հանեցին, օձը սողաց դեպի բույնը՝ նրանց ձագերին ուտելու: Արագիլը սպանեց այդ օձին և սկսեց փնտրել ամենուրեք, որ ոչնչացնի բոլոր օձերին՝ ճնճղուկների ձագերին փրկելու համար:

Առակս ուսուցանում է կարեկցել տկարներին ու թույլերին և ցանկանալ, որ ազատություն վայելեն նրանք:



Բառային աշխատանք

1. Առակից դո՛ւրս գրիր **ի** ձայնավորի հնչյունափոխությանը վերաբերող երկու բառ: Բացատրի՛ր հնչյունի փոփոխությունը:

2. Լրացրո՛ւ բաց թողած տառերը:

Ձա_ , աղոթ_ , առո_ջ , օ_ , կարե_ցել:

3. Հետևյալ արմատներով բառեր կազմի՛ր՝ *օդ*, *օձ*, *եղամ*, *բույն*, *թույլ*:

4. Բառաշարքից դո՛ւրս գրիր **ի** ձայնավորի հնչյունափոխությանը վերաբերող բառերը:

Հոգյակ, *աղավնյակ*, *օթյակ*, *դասնյակ*, *այլակ*, *խոյակ*, *լուսնյակ*, *քառյակ*, *նաիրյան*, *կոնյակ*, *սարյակ*, *հարյուրյակ*, *ոսկյա*, *պատրանյակ*, *որդյակ*:

5. Բառաշարքից դ՛ուրս գրիր այն բառերը, որոնցում **ի**-ն սղվել է:
*Կրթություն, կավձուր, դարբնոց, վարչություն, խձուղի, թխկենի, մրա-
 վորական, դեղնակարմիր, թշնամարար, փոթորկահույզ, վարչապետ:*



Տեքստային աշխատանք

1. Բնութագրիր արագիլի վարմունքը:
2. Գտիր առակի բանալի բառերը:
3. Պատմելիս ճիշտ երանգավորիր նախադասությունները (պատմել, հարցնել, խնդրել, հրամայել, բացականչել):
4. «Ինչ է, ով է» հանրագիտարանից արագիլի մասին հաղորդում պատրաստիր:
5. Գնահատիր գործող հերոսներին և նրանց վարքը (բարի է, չար է, լավ վարվեց, վատ վարվեց):
6. Մտաբերիր կամ հյուսիր նման պատմություն և համեմատիր հերոսներին:



ՈՒ ՁԱՅՆԱՎՈՐԻ ՀՆՉՅՈՒՆԱՓՈԽՈՒԹՅՈՒՆԸ

1. Մի շարք բառերի բառասկզբի **ու**-ն փոխվում է **ը**-ի, օրինակ՝ **ունպ-ընպանակ, ունդ-ընդեղեն, ունչ-ընչացք, ունկ-ընկալուչ:**
2. Մի շարք միավանկ բառերի փակ վանկի **ու**-ն փոխվում է **ը**-ի, օրինակ՝ **թուր-թ^(ը)թենի, ձուկ-ձ^(ը)կնորս, ռումբ-ռ^(ը)մբակոծություն:**
3. Բազմավանկ բառի վերջին փակ վանկի **ու**-ն
 - ա) փոխվում է **ը**-ի, օրինակ՝ **ժողովուրդ-ժողով^(ը)րդական, հարուստ-հար^(ը)ստանալ:**
 - բ) սղվում է, ինչպես՝ **գարուն-գարնանային, մածուն-մածնաթան:**
4. Բառավերջի բաց վանկի **ու**-ն ձայնավորից առաջ հիմնականում փոխվում է **վ**-ի, օրինակ՝ **առու-առվակ, կատու-կատվաձագ:**
 Որոշ բառերում չի հնչյունափոխվում, օրինակ՝ **վերարկուի, հարսնացուի:**



Առաջադրանքներ



1. Համեմատիր դեմ դիմաց գրված բառերը և բացատրիր՝ ինչ հնչյունափոխություն է կատարվել:
Ունպ-ընպանակ, նուռ-նոնածաղիկ, նուշ-նշածև, գունդ-գնդասեղ, գալուստ-Գալստյան, թթու-թթվահամ, կարու-կարվածագ:
2. Տրված արմատներից ածանցավոր և բարդ բառեր կազմիր: Բացատրիր հնչյունափոխությունը:
Մեղու, ամուր, ջուր, շուն, սուր, գուրթ, առու, շուրջ:
3. Ո՞ր բառերում **ու** ձայնավորի հնչյունափոխություն կա՞
Դաշտամուկ, սնափառ, թթվահամ, դափնեվարդ, կաղնեփայր, կարվածագ, ձկնկիթ, հոգեպես:
4. Հովհաննես Թումանյանի ստեղծագործությունների վերնագրերից որո՞ւմ **ու** ձայնավորի հնչյունափոխություն կա:
«Ուլիկը» (հեքիաթ), «Փարվանա» (բալլադ), «Գելը» (պատմվածք), «Թմկաբերդի առունը» (պոեմ): Գրիր այդ արմատի անհնչյունափոխ ձևը:
5. Մուկ և ձուկ բանալի բառերով առակ հորինիր:



ԵՐԿՆՆՅՈՒՆՆԵՐԻ ՀՆՅՈՒՆԱՓՈԽՈՒԹՅՈՒՆԸ

1. **Յա** երկհնչյունը փոխվում է **է**-ի (գրվում է **ե**-ով), օրինակ՝ գործույա-գործունեություն, քրիստոնյա-քրիստոնեություն, վայրկյան-վայրկենական:
2. **Ոյ** երկհնչյունը փակ վանկում
ա) փոխվում է **ու**-ի, ինչպես՝ գույն-գունավոր, գրույց-գրուց-ընկեր,
բ) սղվում է, ինչպես՝ սառույց-սառցարան, կապույտ-կապտել,
գ) փոխվում է **ը**-ի, ինչպես՝ բույն-բ^(ը)նավեր:
3. **Յու** երկհնչյունը քիչ դեպքերում կարող է
ա) դառնալ **ը**, ինչպես՝ ձյուն-ձ^(ը)նածաղիկ:
բ) դառնալ **ե**, ինչպես՝ միություն-միութենական,
գ) սղվել, ինչպես՝ արյուն-արնանման:



Առաջադրանքներ

1. Համեմատիր դեմ դիմաց գրված բառերը և բացատրիր հնչյունափոխությունը:

Մապյան-մապենադարան, կապույտ-կապրաթույր, ձյուն-ձնեմարդ, հույս-հուսադրել, լույս-լուսացույց, զրույց-զրուցագիրք:

2. *Թույր-թյուր, բույր-բյուր* բառազույգերով նախադասություններ կազմիր: Բացատրիր իմաստները:


3. Հետևյալ բառերից կազմիր բառեր, որում *ույ* երկհնչյունը փոխվի *ու*-ի:

Մշակույթ, արտույտ, զրույց, լույս, հույս:



ՀԻՍՈՒՍԻ ԱՌԱՎՆԵՐԸ

Հիսուսն իր միտքն ավելի պարզ և հասկանալի դարձնելու համար ժողովրդի հետ խոսում էր առակներով:



ԵՐԵՔ ԾԱՌԱՎՆԵՐԻ ԱՌԱՎԿԸ

(ըստ Մապթեոսի Ավետարանի)



Մի մարդ օտար երկիր գնալիս կանչեց իր ծառաներին և իր ունեցվածքը նրանց հանձնեց: Մեկին հինգ արծաթ տվեց, մեկին՝ երկու, մեկին՝ մեկ արծաթ և ճանապարհ ընկավ:

Նա, ով հինգ արծաթ էր ստացել, անմիջապես գնաց, դրանցով գործարքներ կատարեց և հինգ արծաթ ևս շահեց: Նա, ով երկու արծաթ էր ստացել, երկուսը շահեց: Իսկ նա, ով մեկ արծաթ էր ստացել, գնաց, հողը փորեց և իր տիրոջ արծաթադրամը թաքցրեց:

Որոշ ժամանակ անց վերադարձավ ծառաների տերը և նրանցից իր տվածը պահանջեց: Առաջինը մոտեցավ նա, ով հինգ արծաթ էր ստացել, և ևս իր ավելացրած հինգը ներկայացրեց:

- Տէր, ինձ հինգ արծաթ տվեցիր, ահա հինգ արծաթ ևս շահեցի:

Տերը նրան ասաց.

- Կեցցեն, բարի և հավատարիմ ծառայող: Քանի որ այդ քչի մեջ հավատարիմ եղար, քեզ ավելին կբաշխեմ: Արի, հավիտյան ուրախացիր քո տիրոջ հետ:

Մտտեցավ նա, ով երկու արծաթ էր ստացել, և ևս իր ավելացրած երկուսը ներկայացրեց.

- Տէր, ինձ երկու արծաթ տվեցիր, ահա երկու արծաթ ևս շահեցի:

Տերը նրան ասաց.

- Կեցցեն, բարի և հավատարիմ ծառայող: Քանի որ այդ քչի մեջ հավատարիմ եղար, քեզ ավելին կբաշխեմ: Արի, հավիտյան ուրախացիր քո տիրոջ հետ:

Մտտեցավ նա, ով մեկ արծաթ էր ստացել և ասաց.

- Տէր, գիտեի, որ խիստ մարդ ես. վախեցա, գնացի և քո այս արծաթը հողի մեջ թաքցրի: Ահա այն:

Տերը դիմեց նրան և ասաց.

- Դու պետք է իմ արծաթ դրամը գոնե դրամափոխների մոտ դնեիր, որ վերադառնալիս տոկոսով պահանջեի այն, ինչ իմն էր: Սրանից վերցրեք այդ արծաթը և տվեք նրան, ով տասը արծաթ ունի:

Որովհետև յուրաքանչյուր ոք, ով շնորհ ունի, նրան կտրվի և կշատացվի, իսկ ով չունի, նրանից կվերցվի նաև ունեցածը:



Բառային աշխատանք


1. Առակում գտիր երկինչյուն ունեցող բառեր: Այդ բառերից մեկին ավելացրո՛ւ վերջածանց: Բացատրի՛ր հնչյունի փոփոխությունը:

2. *Մարգ, գրաս* բառերը կարդահակառակ ուղղությամբ, նշիր օրինաչափությունը: Նման բառազույգ գտիր «Երեք ծառաների առակում»:
3. Բնագրում գտիր երկու բարդ բառ, որոնք նույն արմատն ունեն:
4. ա) Նշիր տրված բառերի երկհնչյունները:
Հավիտյան, ներկայացնել, յուրաքանչյուր:
բ) Այդ բառերը գործածիր նախադասությունների մեջ:
5. Լրացրո՛ւ բաց թողնված *ույ* կամ *յու* երկհնչյունները և բառերն աղյուսակում խմբավորիր:
Ընկ_զ, ողջ_ն, ձ_թ, զգ_շ, ս_նակ, աղ_սակ, ալ_ր, պա_սակ, ք_ր, ք_ր, հ_ս, հ_ս, ս_ն, ս_ն, առ_ծ, ողջ_ն, աշխ_ժ, շատաչ_ն, հնչ_ն, կապ_տ, հ_ր, մ_ս:

ույ	յու



Տեքստային աշխատանք



1. Ներկայացրո՛ւ առակի բովանդակությունը:
2. Բնութագրիր ծառաներից յուրաքանչյուրին:
3. Ճիշտ վարվեց տերը երրորդ ծառայի հանդեպ:
4. Արդարացրո՛ւ երրորդ ծառային: Հիմնավորիր կարծիքդ:
5. Արդյոք մեղավոր էր տերը: Դրիժորոշո՛ւմ արտահայտիր:
6. Գրիր նամակ երրորդ ծառային:
7. Եթե դու լինեիր ծառաներից որևէ մեկի փոխարեն, ինչպե՞ս կվարվեիր:
8. Բնչ սովորեցիր այս առակից:
9. Դո՛ւրս գրիր առակի խրատական մասը և քննարկիր ընկերներիդ հետ:
10. Տեքստը բաժանիր իմաստային մասերի և վերնագրի դրանք:



Լրացուցիչ նյութ

ԱՄՓՈՓԻՉ ՀԱՐՅԵՐ ԵՎ ԱՌԱՋԱԴՐԱՆՔՆԵՐ

1. Որևէ առակ ընտրիր, կարդա՛ և կարծիք գրիր:
2. Դու՛րս գրիր դասագրքի առակների հերոսների անունները, դասավորի՛ր այբբենական կարգով՝ նշելով նրանց բնութագրող բառերը:
3. Պատմի՛ր զգացողություններիդ մասին, որոնք առաջացել են առակների ընթերցանության ժամանակ:
4. Անվանի՛ր առակների հերոսների գործողությունների դրդապատճառները (ինչո՞ւ վարվեց այսպես) և գնահատի՛ր նրանց վարքագիծը:
5. Նշի՛ր դասագրքի առակների քո սիրելի հերոսին և բացատրի՛ր ընտրությունդ:
6. Կարդացած առակներից ստացած տպավորություններով պատկեր նկարի՛ր և գնահատի՛ր դասընկերներիդ նկարած նկարները (որքանով է նկարը համահունչ տեքստի բովանդակությանը):
7. Առակները բեմադրելիս կատարի՛ր հերոսների դերեր՝ օգտագործելով խոսքի տարբեր ձևեր և ժեստեր:
8. Փորձի՛ր առակ հորինել հետևյալ կառուցվածքով՝ ա) վերնագիր, բ) հերոսներ, գ) դեպքի նկարագրություն, դ) երկխոսություն, ե) ավարտ, զ) բարոյախրատական մաս:


ԲԱԺՆԻ ՈՒՍՈՒՑՄԱՆ ՎԵՐՋՆԱՐԴՅՈՒՆՔՆԵՐԸ

«Առակս ի՛նչ կցուցանե» բաժնի ուսումնասիրությունն ավարտելուց հետո դու կկարողանաս արտահայտիչ և հասկանալով կարդալ առակի տեքստը, կազմել առակից սովորած բառերի բացատրական բառարան, մատնանշել առակի կառուցվածքը՝ սկիզբ, ընթացք, ավարտ, խրատաբանություն:

Կկարողանաս առանձնացնել առակի գլխավոր միտքը և ընթերցողին փոփոխ խրատը, կհորինես առակ՝ դրսևորելով սեփական դիրքորոշում: Ուսումնասիրած առակներից կքաղես բարոյական դասեր, կփարբերես հնչյունը փառից, վանկը փառից, կզանազանես կազմությանը պարզ, ածանցավոր և բարդ բառերը, հողակապով և անհողակապ կազմությունները:

Կձանաչես բառերում շեշտի տեղափոխության հերևանքով կատարվող հնչյունափոխությունը, կկազմես կապակցված խոսք՝ կիրառելով յուրացրած լեզվական նյութերը:


ԱԿԱՆՔ ԴՆԵՆՔ ՀԵՏԱԲՐՔԻՐ ՊԱՏՄՈՒԹՅՈՒՆՆԵՐԻ



ԲԱԺՆԻ ՈՒՍՈՒՅՄԱՆ ՆՊԱՏԱԿՆԵՐԸ

«Ականջ դնենք հեղափոխիչ պայմանությունների» բաժնում ուսումնասիրվող թեմաները կնպասպենք՝ պայմանավորված իրենքսիրը հասկանալով ընթերցելու, տեքստում գլխավոր միտքն արտահայտող, հերոսներին բնութագրող բառերը, բառակապակցությունները, նախադասությունները առանձնացնելու և բացատրելու, բովանդակությունն ըստ պլանի, մշակած հարցերի, նաև ստեղծագործաբար վերարտադրելու, կարծիք հայտնելու, դիրքորոշում դրսևորելու կարողությունները զարգացնելուն:

Դրանք կօգնեն հարստացնելու քո բառապաշարը, կապակցված խոսքի մեջ ձիշտ կիրառելու բառերի տարբեր տեսակները, հնչապես նաև կիթանեն լեզվաքերականական նյութի տեղին կիրառումը խոսքի մեջ:



ԻՆՁ Է ՊԱՏՄՎԱԾՔԸ

Պատմվածքը պատմողական ժանրի առավել փոքր տեսակի ստեղծագործություն է, փոքրիկ պատմություն, որի մեջ մեկ կամ մի քանի դրվագով ներկայացվում է հերոսների կյանքը:

Պատմվածքի ծագումը կապվում է բանահյուսության հետ, որտեղից էլ բխում է նրա պատմելու հատկանիշը: Հետագայում, սակայն, պատմվածքը ենթարկվել է փոփոխությունների թե՛ ձևի, թե՛ բովանդակության առումով: Պատմվածքներում պատկերվում են կյանքի էական կողմերը, ներկայացվում են վառ կերպարներ:



Կենսագրություն

ՀՈՎՀԱՆՆԵՄ ԹՈՒՄԱՆՅԱՆ
(1869-1923)

ԳԵԼԸ (հարված)



– Գելը ոչ մի բանից էնպես չի վախենում, ինչպես կրակից,– առաջինը խոսեց իմ տանտերը՝ քեռի Անդրեասը:– Մեր կողմերը, դե գիտեք, որ գել շատ կա: Էնպես տեղ ունենք, որ հենց գիլի բուն է, որ կա: Մի մեծ **ծմակ** ունենք, Մոսկորա ծմակ ենք ասում: Էդ ծմակումը մի թալա (անտառում բաց տեղ, բացատ) կա: Էդ թալումը էնքան գել կա, որ անունը դրել են Գիլի թալա:

Մի ձմեռնամուտ իրիկուն սարի գոմերիցը տուն եմ գալի: Հակառակին էլ էս Ստեփան տղես էլ հետո է, ինը-տասը տարեկան երեխա է: Որ եկանք էդ թալի դիմացը, մի շան ձեն ընկավ ականջովս: Ասի՝ ով գիտի ոչխար են բերել էս կողմերը, չոբանի շունն է հաչում: Ձեն տվի.

– Ա՛յ չոբան, հեյ...

Էս ձեն տալն էր, էլի:

Շան հաչոցը կտրեց, ու, ձեզ մատաղ, մին էլ էն տեսնեմ՝ էդ ծմակիցը գիլի **տուտը** բաց էլավ, **ռեխները** բաց արած գալիս են, ո՛նց են գալիս, աչքերս սևացան...

Դու մի ասիլ, հաչողը գել է եղել: Ախր, չէ՞ որ գելը ոռնում է, բայց շանից հաչել է սովորում ու շատ անգամ էլ հաչում է:

Ձեռիս **թվանք** կա, միայն լավ գիտեմ, որ գիլի բոլուկի (ոհմակի) վրա թվանք չեն գցիլ. թվանք գցես թե չէ, ավելի կատաղի վրա կտան:

Երեխեն թե՛ **սպի**, էն ի՛նչ են:

Ասի՝ վախիլ մի, քեզ մատաղ, **դոչան կաց**: Արի՛, օգնի՛ էս խաշամն (չոր տերև) ու չոր ձյուղերը հավաքենք: Չորս կողմից խաշամն ու չոր ձյուղերը ձեռաց **կիտեցի** ու կրակ տվի, բոցը ծուլ էլավ: Մոսկորա ծմակը լիքը փետ կար: Մինչև սրանց հասնելը վրա տվի, թե՛ արի. բոցն էլավ ծառերի ծերը:

Սրանք եկել են, ինչքան են եկել, չորս կողմներս կտրել են, հեռու կանգնտել, ժնգժնգում են ու ատամները չխկչխկացնում: Աչքները ծմակի մթան մեջ քուքուրթի (ծծումբի) բոցի նման ջուլստ-ջուլստ վառվում են: Մարդ մոտիկ անելիս **զարգանդում է**:

Երեխեն կպել է փեշիցս ու լաց է լինում:

- Վախիլ մի, Ստեփան ջան, վախիլ մի, ես էստեղ եմ... լաց մի ըլի, որ լաց ըլես, կգան մեզ կուտեն...

Երեխեն ձենը փորն է գցել ու փեշիցս կպած դողում է, ճնց է դողում...

- Տեր Աստված,- ասում եմ,- դու ազատես էս նեղ տեղիցը: Ինչ անեմ: Հույսս դրել եմ կրակի վրա: Էն էլ փետը հատնում է, երեխեն էլ փեշիցս պինդ բռնել է, թողնում չի մի քիչ հեռանամ, փետ բերեմ, կրակին վրա տամ:

Մտիկ մի **ցցչորի** ծառ կար: Կրակը **բորեցի** սրա տակը, սրա կողքին էլ մի կտրած ծառի չոր բլուլ (կատար) կար, էն էլ քաշեցի վրեն, թեժացավ, ոնց թեժացավ, կարմիր լույսն ընկել է ամբողջ ձորը:

Դիմացի սարիցը չոբանները նկատում են, որ, ախպեր, էս ձորումը, էս ժամանակին, էս ինչ կրակ պետք է լինի, որ քիչ է մնում ծակը կրակի:

Մտածում են, մտածում ու ձեն են տալի:

Ականջ դնեն, որ էս մեր Շամիրի ձենն է:

Ուրախանաք, ինչ որ մենք ուրախացանք:

Ձեն տվի.

- Շամիր, հեյ... գիլի բլուլ է. չորս կողմս կտրել են... երեխեն հետս է... օգնեցեք, հեյ...

Հենց էս կանչելն էր: Մի քանի չոբան իրար հետ ձեն տվին.

- Վախիլ միք, վախիլ միք, գալիս ենք, հեյ...

Ու պարզ լսում ենք, ոնց են իրար ձեն տալիս, շտապեցնում, ոնց են շներին կանչում:

- Թորլան, հեյ, Ղայթար, հեյ, Չամբար, հեյ, Չալակ, հեյ...

Շների կլանչոցը վեր էլավ ու մտավ ձորը:

Էստեղ երեխեն նորից սկսեց հեկեկալ ու լաց ըլիլ:

- Վախիլ մի, Ստեփան ջան, վախիլ մի, հրես կգան:

- Տղեք, էս մեր Շամրին Թորլան անունով մի **գել-**



խեղդ շուն ուներ: Մին էլ տեսա՝ էս շան ձենը մոտիկ ծմակում գրնգաց, սրա ետևից՝ մնացած շները, շների ետևից՝ կրնկակոխ չոբանները: Չոբանների **ղջրդուն** ու շների հաչոցը ծմակը դրմբացնում է: Մին էլ Ստեփանս թե՛ «Ապի՛, գելերը փախչում են»:

Ասավ, ու ուրախությունը խառնվեց սարսափին, սկսեց աղաղակել ու առաջն ընկած փետի կտոր, քար, հող շարտել գելերի ետևից:

Էլ գելն ո՞վ կտա: Ծմակի մթնումը կորան, գնացին:

Տղեքն եկան:

– Ա՛յ տղա, էս ինչ բան էր:

– Բանն էլ որն է, ձեր տունը չքանդվի, հապա էսպես, էսպես...

Էստեղից վեր կացանք, գնացինք չոբանների մոտ, մինչև լուսացավ, առավոտը խմբով եկանք տուն:

Էս բանը, ախպեր, իմ գլուխը եկավ: Կրակը մեզ ազատեց,– վերջացրեց խոսքը քեռի Անդրեասը:



Բառային աշխատանք

1. Լրացրո՛ւ բաց թողնված տառերը:

Առա_ին, Անդր_աս, օ_նել, խեղ_ել, փա_չել, վեր_ացնել:

2. Բնագրում գտի՛ր *հովիվ, բերան, հրացան, լսել, վախենալ, հրել* բառերի հոմանիշները:

3. Պատմվածքից դ՛ուրս գրի՛ր հարցական և բացականչական 3-ական նախադասություն և համեմատի՛ր: Կազմության ինչ տարբերություններ ես տեսնում:

4. Պատմվածքից դ՛ուրս գրի՛ր *գայլ* բառի բարբառային բոլոր ձևերը: Նշի՛ր հնչյունափոխությունը:

5. Գտի՛ր բարբառային բառեր, որոնց գրական համարժեքում առկա են *այ* և *ույ* երկհնչյունները:

Նմուշ՝ գել–գայլ, բուն–բույն:

6. Դ՛ուրս գրի՛ր *ույ* և *յու* երկհնչյուն ունեցող բառեր: Այդ բառերով բարդ բառեր կազմի՛ր:

7. Բառարանում գտի՛ր տեքստի կարմիր գրված բառերի բացատրությունը և դրանցով նախադասություններ կազմի՛ր:



Տեքստային աշխատանք

1. Կարդա՛ պատմվածքը, վերարտադրի՛ր ինքնուրույն եզրահանգումներով և պատմի՛ր քո տպավորությունների մասին:
2. Տարվա ո՞ր եղանակին է կատարվել դեպքը: Ասածդ հաստատի՛ր բնագրից բերված համապատասխան նախադասությամբ:
3. Գտի՛ր պատմվածքի հիմնական միտքն արտահայտող նախադասությունը և մեկնաբանի՛ր:
4. Բնութագրի՛ր չորքաններին և հիմնավորի՛ր նրանց արարքների դրդապատճառները:
5. Ինչպե՞ս կպահեիր քեզ, եթե Ստեփանի տեղը լինեիր:
6. Տեքստում տարբերակի՛ր *գայլ* բառի տարբեր կիրառությունները և համապատասխանաբար կիրառի՛ր դրանք տարբեր խոսքերում՝ նշելով իմաստային տարբերությունները:
7. Քննարկի՛ր «*Գայլն ինչ կուզի՝ մութ գիշեր*» առածը:
8. *Գայլ* բառով մեկ առած էլ ի՛նքդ ասա, քննարկի՛ր:
9. Պատմվածքից մի հատված փոխադրի՛ր գրական հայերենի: Ցոյց տուր փոփոխությունները:
10. Գնահատի՛ր մայրենի լեզվի և բարբառների դերը հայ ժողովրդի կյանքում՝ այն ընկալելով որպես ազգային պատկանելիության ցուցիչ: Բեր համապատասխան օրինակներ պատմվածքից:




ԲԱՌԵՐԻ ՏԵՍԱԿՆԵՐՆ ԸՍՏ ԶԵՎԻ ԵՎ ԻՄԱՍՏԻ ՀԱՐԱԲԵՐՈՒԹՅԱՆ

Հայերենում կան բառեր, որոնք իրար առնչվում են իմաստով՝ նման են կամ հակադիր: Այդպիսի բառերը, միմյանց լրացնելով, կազմում են զույգեր կամ շարքեր:

Ըստ ձևի և իմաստի հարաբերության՝ լինում են **հոմանիշ**, **հականիշ**, **համանուն** բառեր:

Բառերի ձևաինաստային խմբերը



ՀՈՄԱՆԻՇ ԲԱՌԵՐ

Հաճախ են հանդիպում այնպիսի բառազույգեր կամ շարքեր, որոնք իրենց իմաստով հիմնականում համընկնում են:

Իմաստով մոտ կամ նույն, բայց ձևով տարբեր բառերը կոչվում են հոմանիշներ:

Երբեմն երկու կամ ավելի բառեր կարող են իրենց իմաստներով լիովին համընկնել: **Իմաստով նույն, բայց ձևով տարբեր բառերը կոչվում են նույնանիշ բառեր:** Օրինակ, **լուսաբաց** և **այգաբաց** բառերը նշանակում են «լույսը բացվելու ժամանակը»:

Իմաստով մոտ և ձևով տարբեր բառերը կոչվում են համանիշ բառեր: Օրինակ, **մազ**, **վարս**, **հեր** բառերը իրար մոտ իմաստն ունեն: Բայց **մազ**-ը մարդու և կենդանիների մաշկի վրայի մազեղեն ծածկույթն է, **հեր**-ը՝ գլխի մազը, **վարս**-ը՝ կանացի երկար, չհյուսած մազը: Այս բառերը լիովին չեն նույնանում:

Հոմանիշները խոսքում երբեմն կարող են իրար փոխարինել, երբեմն՝ ոչ: Դրանցից յուրաքանչյուրը հուզական-արտահայտչական տարբեր արժեք է տալիս խոսքին: Հոմանիշներն իրարից տարբերվում են որևէ հատկանիշի արտահայտման չափով (օրինակ՝ **զեփյուռ**, **քամի**, **հողմ**, **փոթորիկ**) կամ երևույթի նկատմամբ վերաբերմունքով (օրինակ՝ **քնել**, **ննջել**, **նրափել**):

Հոմանիշները կարող են ունենալ գրքային կամ խոսակցական երանգ, օրինակ՝ **արաղաղ-արլոր**, **արևագալ-արևածագ**:

Հոմանիշ կարող են լինել ոչ միայն բառերը, այլև ածանցները, որի արդյունքում կարող են առաջանալ հոմանիշ բառեր՝ համեստ**արար**-համեստ**որեն**, ոսկե-ոսկյ**ա**, անգետ-տգետ: Հոմանիշ բառազույգերի ընդգծված ածանցները հոմանիշ են:



Առաջադրանքներ

1. Բառաշարքից ընտրիր և գրիր հոմանիշների 5 զույգ:

Քամի, վազք, վայրի, փոթորիկ, գոհ, կապույտ, փղա, մով, բախար, համազգեստ, կայտար, հանդերձ, աշխույժ, ծաղիկ, ժիր, ծարավ, պարկ, սոխակ, անուրախ, պապակ:

2. Դ՛նրս գրիր փակագծում գրված բառի 4 հոմանիշ:

ա) գլուխ, աչք, մարզ, վարս, կես, հեր, գես, սանրվածք, ծամ, մաշկ (*մազ*),

բ) դեղնավուն, բիլ, մանուշակ, կտոր, երկնագույն, լաջվարդ, լուսնյակ, մով, արմատ, ամպագույն (*կապույտ*),

գ) սարսափ, ցնցում, տենդ, ահ, փախուստ, ախուվախ, գարհուրանք, սարսուռ, երկյուղ, վախկոտ (*վախ*):

3. Բնագրում գտիր տրված բառերի հոմանիշը:

ա) հուր, բոց, հրդեհ- ,

բ) երեկո, արևամուտ, մթնշաղ- ,

գ) մտորել, խորհել, կշռադատել- :



ՍՏԵՓԱՆ ԶՈՐՅԱՆ

(1890–1967)



Կենսագրություն

ՇԵԿՈՆ

Մանկությանս օրերին հայրս մի ջահել ձի ուներ՝ անունը Շեկո: Դա մի զարմանալի կենդանի էր. երբ հայրս, նրան հեծած, որևէ տեղից դառնում էր տուն, Շեկոն դեռ մի կիլոմետր հեռվից վրնջում էր՝ ասես իմացնելու, թե ահա գալիս ենք: Եվ երբ մենք վազում էինք՝ նրանց դիմավորելու, Շեկոն, մեզ տեսնելով, նորից էր վրնջում և ուրախությունից ամբողջ մարմնով **խաղա եղած՝** թեթևաքայլ մտնում էր բակը:

Հապա նրա պարելը...

Երբ նվագի ձայն էր լսում կամ տնեցիներից մեկը պարեղանակ էր սուլում, Շեկոն անմիջապես պարում էր՝ ոտները հատակին խփելով, և գլուխն ու պարանոցը տարուբերում տակտով:

Բայց մի անգամ, չգիտեմ ինչպես, Շեկոյի ոտը քարի էր դիպել, թե՛

փայտի, ցավ էր տվել, ուռել. այնպես որ հայրս մի ամբողջ շաբաթ նրան չէր հեծնում: Տանում էինք, մոտիկ գետափի կանաչներում թողնում, որ գուցե հանգիստ մնա, ցավն անցնի:

Բայց անցավ մի շաբաթ էլ. ո՛չ ուռուցքն անցավ, ո՛չ ցավը: Ընդհակառակը, քանի գնում ձին ավելի էր կաղում, և ոտի ուռուցքն ավելի մեծանում էր: Տեսքից երևում էր, որ Շեկոն իրեն լավ չի զգում. աչքերն այնքան տխուր էին:

Հարևանները խորհուրդ տվին տանել անասնաբույժի մոտ:

Հայրս այդպես էլ արեց: Կեսօրին ձին գետափից տարավ անասնաբույժի մոտ: Հետաքրքրությունից ես էլ գնացի հետը:

Անասնաբույժը, որ տարիքով, միրուքով մարդ էր, ուշադիր նայեց ձիու ոտին:

Շեկոն սկզբում խրտնում էր, բայց երբ անասնաբույժը մոտենալով շոյեց նրա գլուխն ու աչքերը, հետո մեջքը, ձին հանգստացավ:


Այդ ժամանակ բժիշկը մի ձեռքով բարձրացրեց Շեկոյի հիվանդ ոտը, մատով շոշափեց ուռուցքը և ապա ձեռքը թափ տվեց այնպես, թե իբր ոչինչ բան է: Հետո ինչ-որ դեղ քսեց ուռած տեղը և **քաթանով** փաթաթեց:

– Նորից կարող եք տանել դաշտ,– ասաց բժիշկը,– բայց չհեծնեք: Մի շաբաթ, տասն օր պետք է հանգիստ մնա: Վաղը կրերեք նորից դեղ քսելու:

Երկրորդ օրը նույնպես տարանք:

Անասնաբույժը դարձյալ շոյեց ձիու գլուխն ու աչքերը, ապա դեղ քսեց, փաթաթեց, կապեց: Եվ Շեկոն այս անգամ ոչ միայն չխրտնեց, այլև ավելի հանգիստ զգաց իրեն: Իսկ երրորդ օրը, երբ սովորական ժամին հայրս գնաց գետափ՝ ձիուն անասնաբույժի մոտ տանելու, Շեկոյին չէր գտել: Նայել էր ամեն կողմ. ձին չէր երևացել:

Բարկացած եկավ տուն:



- Ձին չկա: Տուն չի եկել:

Մենք չէինք տեսել: Մտածեցինք՝ կարող է եկած լիներ և գոմը մտած:

Գնացինք գոմը. այդտեղ էլ չկար:

Փնտրելու անհանգստության մեջ էինք, երբ մեր հարևանի տղաներից մեկը հայտնեց, թե Շեկոյին տեսել է վերի թաղի փողոցներից մեկում:

Հայրս անմիջապես վազեց դեպի վերի թաղը, ես՝ նրա հետևից:

Գնացինք, բայց Շեկոյին չգտանք այդ փողոցում: Հայրս մոտեցավ այդտեղ կանգնած մի ծերունու և հարցրեց, թե չի տեսել արդյոք մի շեկ, հետևի ոտից կաղ ձի:

- Կա՞ն, - ասաց ծերունին: - Քիչ առաջ մի կաղ ձի մտավ էս հայաթը:

Ու նա ցույց տվեց անասնաբույժի բակը:

Եվ, իսկապես, ծերունին ճիշտ էր ասում:

Գնացինք տեսանք մեր Շեկոն հրես անասնաբույժի տան առաջ ուրախ կանգնած: Բժիշկը քննում էր մի հիվանդ կովի, իսկ Շեկոն հանգիստ հերթի էր սպասում:

Մեզ տեսնելով՝ նա վրնջաց մի թեթև ու մոուրը մի քանի անգամ դիպրեց հորս թևին, մի բան, որ նա անում էր երկար ժամանակ հորս չտեսնելուց հետո:

Երբ բժիշկը կովին քննեց վերջացրեց, կարճ ժամանակում կապեց և մեր ձիու ոտը:

Ու այդ օրվանից Շեկոն ինքն էր գնում անասնաբույժի մոտ մինչև ոտը լավանալը:


Իսկ գյուղում այնուհետև ասում էին.

- Էս էն ձին է, որ ինքն է գնում բժշկի մոտ...



Քառային աշխատանք

1. Պատմվածքում գտիր հոմանիշների մեկ զույգ: Դրանցով կազմիր նախադասություններ:
2. Տեքստում գտիր *որոնել*, *խաղաղ*, *դրկից*, *սպաքինվել* բառերի հոմանիշները:
3. *Թեթևաքայլ*, *պարեղանակ*, *գեղափ*, *կեսօր* բառերի արմատներով նոր բառեր կազմիր:



4. Բառակապակցություններն արտահատիր մեկ բառով.

կճղակ ունեցող _____ թև ունեցող _____

սմբակ ունեցող _____ պոչ ունեցող _____

ձայն ունեցող _____ եղջյուր ունեցող _____

5. Ձիերի խումբը կոչվում է *երասուկ*: Ինչպես են կոչում գայլերի և շների, աղվեսների, կովերի, օձերի, թռչունների խմբերը:

6. Բառարանից դուրս գրիր *ձի* բառի հոմանիշները:



Տեքստային աշխատանք

1. Քո բառերով պատմիր պատմվածքի բովանդակությունը:
2. Անվանիր կամ դուրս գրիր պատմվածքի՝ իմաստային և գեղարվեստական տեսակետից քեզ դուր եկած դրվագներ, արտահայտություններ և մեկնաբանիր:
3. Բնութագրիր Շեկոյին, գնահատիր նրա արարքները:
4. Թվարկիր ու պարզաբանիր ձիու այն հատկանիշները, որոնք հատուկ են մարդկանց: Արդյոք համոզվիչ են դրանք: Ինչո՞ւ:
5. Երևակայական հարցազրույց վարիր հերոսներից մեկի հետ:
6. Պատմվածքին ավարտ հորինիր:
7. «Ինչ է, ով է» հանրագիտարանից հաղորդում պատրաստիր ձիու մասին:
8. Ինչ ձիարձաններ ես տեսել: Պատմիր կամ սահիկաշար պատրաստիր դրանց ստեղծման պատմության մասին:
9. Քո մանկության օրերի համանման վերհուշերից պատմիր ընկերներիդ: Քննարկիր նրանց հետ:
10. Մեկնաբանիր «*Ձու գողացողը ձի էլ կգողանա*» առածի իմաստը: Բեր նույն միտքն արտահատող երկու առած կամ ասացվածք: Մեկնաբանիր:
11. Կազմիր պլան և նյութ պատրաստիր որևէ կենդանու մասին (նախագիծ), տարբեր միջոցներով (գրադարան, համացանց) նյութեր հավաքիր, ծանոթացրո՞ւ դրան խմբի անդամներին և հաշվի առ նրանց կարծիքը (խմբային կամ զույգային աշխատանք):



ՀԱԿԱՆԻՇ ԲԱՌԵՐ

Կան բառերի գույգեր, որոնք միմյանց հակադիր իմաստներ են արտահայտում, օրինակ՝ **մեծ-փոքր**, **ուրախ-տխուր**, **գնալ-գալ** և այլն:

Միմյանց հակառակ իմաստ ունեցող բառերը կոչվում են հականիշներ:

Հականիշները կարող են լինել տարարմատ, օրինակ՝ երկար-բարակ, ուժեղ-թույլ, և նույնարմատ, օրինակ՝ շնորհալի-ապաշնորհ, շատախոս-քչախոս:



Առաջադրանքներ

1. «Շեկոն» պատմվածքից դ՛ուրս գրիր երեք բառ և գրի՛ր հականիշը: Դրանցով կազմի՛ր նախադասություններ:
2. Տրված բառաշարքից ընտրի՛ր և գրի՛ր հականիշների հինգ գույգ: *Հեռու, մարդամուր, ծաղկաստրան, մուրիկ, վերև, երկինք, ներքև, երկչուր, մարմին, ջրային, համարձակ, հյուսիս, թաքուն, խղճալ, ճահիճ, բացահայտ, առողջ, մաքուր, ուղենիշ, հիվանդ:*
3. Գրի՛ր հետևյալ բառերի նույնարմատ հականիշները: *Գոհ, գեղեցիկ, անհնարին, գիտուն, անշուք, աղմկույ:*
4. Յուրաքանչյուր շարքում նշի՛ր այն բառերը, որոնք իրար հականիշ են: ա) 1. համարձակ, 2. նավապետ, 3. փոթորկուն, 4. խաղաղ, 5. կղզի, բ) 1. բարկ, 2. արդար, 3. թեժ, 4. անիրավ, 5. խորշակ:
5. Գրի՛ր տրված բառերի հականիշները: Կազմի՛ր՝ վերջիններիս հոմանշային շարքերը: *Աղուր, անգույթ, համեստ, հրկիզել, կառուցել:*
6. Այլ աղբյուրներից գտի՛ր առածներ-ասացվածքներ, որոնց մեջ հականիշներ են գործածված:

Նմուշ՝ Խոսքը՝ մեծին, ջուրը՝ փոքրին:



Կենսագրություն

ԷԴՄՈՆԴՈՒՆ ԴԵ ԱՄԻՉԻՍ
(1846–1908)



ՋՈՒԼԻՈ

(կրճատումներով)

Ջուլիոն սովորում էր 5-րդ դասարանում: Նա սև մազերով ու ձերմակ դեմքով 12-ամյա մի գեղեցիկ տղա էր: Նրա հայրը երկաթուղային աշխատող էր՝ ծանր աշխատանքից վաղաժամ ծերացած: Ընտանիքը պահելու համար, բացի պաշտոնական աշխատանքից, նա կողմնակի գործեր էր վերցնում արտագրելու: Հայրը շատ էր սիրում իր որդուն և միշտ քնքուշ ու համբերատար էր նրա նկատմամբ: Նա վերջին ժամանակները հրատարակչություններից մեկի բաժանորդների հասցեներն արտագրելով էր զբաղված: Այդ աշխատանքը նրան շատ էր հոգնեցնում, և ձաշի ժամանակ նա հաճախ գանգատվում էր աչքերից:

Մի անգամ Ջուլիոն սպասեց, մինչև հայրը քնի: Անձայն հագնվեց, վառեց լամպը և սկսեց գրել՝ ջանալով նմանեցնել հոր ձեռագրին: Գրում էր տղան, և նրա սիրտը լցվում էր ուրախությամբ, հրճվանքով ու մի քիչ էլ սարսափով:

Ահա արդեն գրված է 160 հասցե: Նա, գրիչը տեղը դնելով, մատների ծայրերի վրա վերադարձավ անկողին:

Հաջորդ օրը՝ ձաշի ժամանակ, հայրը շատ լավ տրամադրության մեջ էր: Նա ոչինչ չէր նկատել:

– Ա՛յ, տեսնո՞ւմ ես, Ջուլիո, քո հայրը դեռ կարգին աշխատող է: Երեկ երեկոյան՝ երկու ժամվա ընթացքում, մեկ երրորդով ավելի եմ գրել, քան սովորաբար գրում էի: Իսկ երջանիկ Ջուլիոն լսում էր...

Հաջորդ օրը, հենց որ տասներկուսը խփեց, հաջողությունից սրտապնդված Ջուլիոն վեր թռավ տեղից և նստեց աշխատելու: Հայրը գլխի չէր ընկնում: Սակայն գիշերները չքնելով՝ Ջուլիոն չէր կարողանում հանգստանալ: Առավոտյան վեր էր կենում հոգնած, իսկ երեկոյան, երբ դասերն էր պատրաստում, ամեն կերպ ջանում էր չփակել աչքերը:

Մի անգամ երեկոյան նա քնեց դասարանական տետրի վրա:

– Դէ, դէ,– գոռաց հայրը,– գործի՛ անցիր:

Տղան ցնցվեց և նորից անցավ աշխատանքի: Բայց հաջորդ երեկոյան և հետո ննջում էր գրքերի վրա. վեր էր կենում սովորականից ուշ, դասերը սովորում էր հապճեպ...

- Ջուլիո,- ասաց մի անգամ հայրը,- ես չեմ հասկանում, թե քեզ ինչ է պատահել: Ես դժգոհ եմ քեզանից:

Այդպես անցավ երկու ամիս: Հայրը շարունակում էր կշտամբել: Մի անգամ էլ գնաց դպրոց: Պարզվեց, որ ուսուցիչները սկսել են դժգոհել Ջուլիոյից:

Այդ երեկո նա տղային մի կողմ տարավ և խոսեց խստությամբ:

Ջուլիոն վճռեց, որ ինքը ոչինչ չի խոստովանի հորը: Նա գիտեր, որ վշտացնում է հորը, բայց որոշեց այնպես սովորել, որ այդ տարի անպայման փոխադրվի, իսկ գիշերները կաշխատի, կթեթևացնի հոր ծանր գործը:

Ամենից վատն այն էր, որ հայրն ավելի ու ավելի սառն էր դառնում որդու նկատմամբ:

Ջուլիոն այդ բոլորը շատ լավ տեսնում էր, տանջվում դրանից, սակայն տրտմությամբ, քնքշանքով ու սիրով էր նայում հայացքն իրենից շուռ տվող հոր հետևից:

Նա նիհարեց ու գունատվեց:

Մի օր մայրը, դառնալով ամուսնուն, անհանգստացած ասաց՝
Ջուլիոն հիվանդ է:

- Նրա խիղճը մաքուր չէ, դրանից էլ առողջությունը վատ է: Նա այդպիսի տեսք չուներ, երբ լավ աշակերտ էր և սիրող որդի,- ասաց հայրը:

Այդ խոսքը դանակի պես խրվեց խեղճ տղայի սրտի մեջ...
Ուրեմն հայրն այլևս չի սիրում իրեն...

Սակայն, երբ գիշերը եկավ, նա սովորականի պես կրկին արթնացավ, թեթևակի շունչ քաշեց և սկսեց գրել: Հենց այդ ժամանակ նրա արթոյի հետևում կանգնեց հայրը: Նայելով հասցեներ գրող տղային՝ նա հասկացավ ու մտաբերեց ամեն ինչ: Անհուն քնքշանքի ու զղջման զգացում

պատեց նրա հոգուն... Եվ նա, տղային գրկած, տարավ դրեց անկողնու վրա, բռնեց նրա ձեռքն ու ասաց՝ քնի՛ր, տղաս:

Ջուլիոն՝ հոգնատանջ ու երջանիկ, քուն մտավ և երկար ամիսների ընթացքում առաջին անգամ խաղաղ քնեց: Իսկ երբ բաց արեց աչքերը, բարձի վրա տեսավ հոր ծերունագարդ գլուխը: Հայրը ողջ գիշեր նստել էր նրա մահճակալի մոտ և այժմ քնել էր՝ գլուխը որդու բարձին դրած:



Բառային աշխատանք

1. Պատմվածքում գտի՛ր հականիշների երկու զույգ: Դրանցով կազմի՛ր նախադասություններ:

2. ա) Գտի՛ր հետևյալ բառերի արմատները:

Երկաթուղային, քնքշանք, գունապ, արտագրել, լսել, ննջել, քնել, արթնանալ, թռչել:

բ) Վերականգնի՛ր անհնչյունափոխ արմատները: Բացատրի՛ր հնչյունափոխությունը:

3. Լրացրո՛ւ բաց թողնված տառերը:

Ջղ_ում, հա_ձեպ, վեր_ին, համ_երարար, հո_նապանջ, հաջոր_:

4. Քննարկի՛ր տրված բառաձևերի ուղղագրությունը: Ո՞ր դեպքում է գրվում *j* ձայնակապ: Հիմնավորի՛ր:

Ջուլիոյի, փղայի, հասցեի, նսրեի, կարդայի:

5. ա) Տրված բառերը բաղադրիչների՛ բաժանիր, դո՛ւրս գրի՛ր ածանցները և դրանցով 2-ական բան կազմի՛ր:

Երկաթուղային, թեթևակի, հաջողություն, քնքշանք, անձայն, դժգոհ:

բ) Մատնանշի՛ր բառի շեշտագուրկ բաղադրիչի հնչյունափոխությունը:



Տեքստային աշխատանք

1. Արտահայտի՛չ և վնրժ կարդա տեքստը, պահպանի՛ր հայերենին հատուկ արտասանությունը, շեշտադրումը:

2. Կազմի՛ր հարցեր կամ պլան կարդացածի շուրջ և գրավոր վերաշարադրի՛ր դեպքերի հաջորդական ընթացքը:

3. Պատմելիս կամ շարադրելիս կարդացած նյութից համապատասխան մեջբերումներ արա՝ պահպանելով հղում տալու կանոնները:
4. Տրված պատմվածքը բաժանիր պարբերությունների, որոշիր յուրաքանչյուր պարբերության հիմնական միտքը և պարբերությունների իմաստային կապը: Հնարավորության դեպքում հորինիր ևս մեկ պարբերություն:
5. Որոշիր տեքստի հիմնական միտքը, հենակետային բառերը և այդ բառերով պատմություն հորինիր:
6. Գնահատիր Ջուլիոյի արարքը: Մեկնաբանիր որդիական սիրո դրսևորումը:
7. Գնահատիր հոր արարքը:
8. Հիմնավորիր Ջուլիոյի լռության պատճառը:
9. Քո կարծիքով հայրը որդուն պիտի սիրի միայն սովորելով համար:
10. Նման իրավիճակներում հայտնվել էս: Ինչպե՞ս կվարվեիր Ջուլիոյի փոխարեն:
11. Ջուլիոյին համեմատիր քո ընկերների հետ:
12. Ինչպե՞ս ես աջակցում ծնողներիդ: Պատմիր այդ մասին:
13. Պատմվածքին այլ ավարտ հորինիր վերնագրելով:



ՀԱՄԱՆՈՒՆ ԲԱՌԵՐ

Կան տարբեր իմաստներով բառեր, որոնք, սակայն, ունենում են միևնույն գրությունը, օրինակ՝ **Ջատիկ**՝ «եկեղեցական տոն», **գատիկ**՝ «սև պուտերով կարմիր միջատ», **ափ**՝ «ձեռքի թաթի ներսի կողմը», **ափ**՝ «ցամաքի՝ ջրին հարող եզրը»:


Միևնույն գրությունն ունեցող, սակայն իմաստով տարբեր բառերը կոչվում են համանուն բառեր:

Համանունները կարող են համընկնել
 ա) գրությամբ և արտասանությամբ (**բացարձակ** համանուններ), օրինակ՝ **այր**՝ «անձավ», **այր**՝ «տղամարդ»:

բ) միայն գրությանը (**նույնագիր** համանուններ), օրինակ՝ **սարդ**՝ «միջատներ որսալու համար ոստայն հյուսող սարդակերպերի դասին պատկանող կենդանի», **սարդ**՝ «քո սարը», որոնք արտասանությամբ տարբեր են (**սարդ** և **սար^(ը)դ**), բայց նույն են գրությամբ:

գ) միայն արտասանությամբ (**նույնահունչ** համանուններ), օրինակ՝ **ուխտ**՝ «դաշինք, երդում», **ուղտ**՝ «սապատավոր կենդանի», որոնք թեև տարբեր կերպ են գրվում, սակայն արտասանվում են միանման (**ուխտ**):

Առկա են նաև քերականական համանուններ, որոնց մի եզրը չթեքվող բառ է, մյուսը՝ թեքվող բառի քերականական ձև, օրինակ՝ **անցավ**՝ «առանց ցավի», **անցնել**՝ «անցնել բայի ձևերից»:



Առաջադրանքներ

1. Գրիր հետևյալ բառերի նույնահունչ համանունները: Բացատրիր իմաստները:

Այսա, Վիկտորյա, Սոֆյա:

2. Ընդգծիր այն բառերը (բառաձևերը), որոնք ունեն իրենց համանունները:

Եղանակ, աղային, գլուխ, ինսամի, վանեցի, սունկ, ոսկի, անուշ:

3. «Ջուլիո» պատմվածքը հաղորդի՞ր որպես նամակ:

4. Լրացրո՞ւ աղյուսակը՝ դեմ դիմաց գրելով տրված բառերի բոլոր հնարավոր հոմանիշները:

Հողմ, ազահ, արեգակ, սպիկար, դրդել, արգավանդ, խրթին, հիասալի, երիվար:

Նմուշ՝

Հողմ	քամի	փոթորիկ	մրրիկ	սամում ...

5. Առանձնացրո՛ւ նույնարմատ և տարարմատ հականիշների զույգերը՝ լրացնելով աղյուսակում:

*Դանդաղաշարժ, ապարդյուն, ապօրինի, արագաշարժ, ներքին, գեղեցիկ, արտաքին, բախտավոր, անկարող, իգական, անհաս, արական, լավագույն, օրինական, հաճելի, դժբախտ, վարագույն, գնորդ, հասուն, շարանալ, գունավոր, քչանալ, արդյունավետ, տիպի, բարություն, չքնաղ, արելի, չիտական, պարտություն, սիրելի, չարություն, հաղթություն, խոսկան, անգույն, վաճառող, կարող: **Նմուշ՝***

Նույնարմատ հականիշներ	Տարարմատ հականիշներ
դանդաղաշարժ – արագաշարժ	ներքին – արտաքին



ԱՐԹՈՒՐ ՄԱՆՈՒԿՅԱՆ

ՄԵՐ ԲԱԿԻ ԴԱՏՄՈՒԹՅՈՒՆԸ

Ա

Ամառային արձակուրդն սկսվել էր: Երեխաները բակ էին իջել ու ծառի տակ հավաքված՝ չգիտեին՝ ինչ մտածեն, որ ժամանակը հետաքրքիր անցնի: Լուսինեն խորատուգված գիրք էր կարդում:

– Ինչ ես կարդում, – նրա ուսի վրայով նայելով՝ հետաքրքրվեց Կոկոն:

– Հին աշխարհի **առասպելները**, – պատասխանեց Լուսինեն:

– Հա՛, – ասաց Կոկոն, – հին ժամանակներ... Ո՞նց չէ, հիշում եմ: Հիշում եմ, որովհետև ես էլ եմ կարդացել: Գիտե՞ս՝ ինչ հետաքրքիր գիրք էր՝ գունավոր նկարներով...

– Իմացա, – տեղից վեր ցատկելով՝ ոգևորված բացականչեց Անին, – եկե՛ք մեր բակի մասին գիրք գրենք:

– Օ՛, ապրես, – հնարավորություն տվեց Կոկոն. – մեր բակի պատմությունը կգրենք, թե ինչ հետաքրքիր բաներ են կատարվել: Թե չէ, մեկ էլ տեսար, տարիներ կանցնեն, ու ոչ ոք չի հիշի, թե ի՞նչ լավ մարդիկ էին ապրում, ի՞նչ հնարամիտ թռչուններ, Քուչոն... Հենց ես էլ կգրեմ. ի՞նչ ենք երկար-բարակ մտածում: Որոշումը կայացրած հա-

մարելով՝ Կոկոն սկսեց պոչից մի հարմար փետուր ընտրել, որ պոկի, որպես գրիչ օգտագործի:

- Իգուր մի՛ չարչարվիր,- մեջ ընկավ Տիգրանը,- ավելի լավ է թողնես՝ գիրքը ես գրեմ: Մեր բակում պատմություն կամ, որ ես մեջը խառնված չլինեմ, ուրեմն իմ հիշողություններն ամենաշատն են:

- Էդ էր պակաս,- վրդովվեց Անին,- առաջինը ո՞վ մտածեց գիրք գրելու մասին: Ով որ մտածել է, նա էլ կգրի:

- Կարելի՞ է, մի քիչ էլ ես գրեմ,- կամացուկ խնդրեց Լուսինեն,- գոնե կես էջ: Համ:

- Չէ՛, կտրուկ պատասխանեց Կոկոն,- դեռ փոքր ես, ինչ ես հիշում, որ ինչ էլ գրես: Կմեծանաս, կտեսնենք:

- Կարո՞ղ եմ մի բան էլ ես առաջարկել,- անսպասելիորեն միջամտեց Ծառը:- Ես մեր բակի ամենահին բնակիչն եմ: Գիտե՞ք ինչեր եմ հիշում... Ձեր ծնողներին էլ եմ հիշում, երբ դեռ ձեզ պես վազվզում էին իմ ստվերի տակ: Դրա համար էլ թողեք՝ ես գրեմ:

- Իսկ որ դուք գիշերները **մուշ-մուշ** քնած եք ու ոչինչ չեք տեսնում,- առարկեց Քուչոն:- Ավելի ճիշտ կլինի, եթե համաձայնվեք ու գործն ինձ թողեք:

Պարզվեց՝ բոլորն էլ ուզում են, որ գիրքը հենց իրենք գրեն, և ամեն մեկն էլ մի բան գիտի, որ մյուսները չգիտեն: Սկսեցին վիճել ու ոչ մի կերպ համաձայնության չէին գալիս:

- **Չէ՛, վեճով գործն առաջ չի գնա**,- վերջապես սասց Ծառը: Նա իսկապես շատ իմաստուն էր:- Պիտի փորձենք մի ելք գտնել: Բայց ո՞նց:

- Ես գիտեմ,- առաջարկեց Գրիգորը,- եկեք վիճակ զգենք: Մենք քանի՞ հոգի ենք: Այդքան էլ թղթի թերթիկներ վերցնենք, մեկի վրա գրենք «գիրք», իսկ մյուսները մաքուր թողնենք:

- Հետո՞,- հետաքրքրվեցին ընկերները:

- Հետո թղթերը կծալենք ու կլցնենք գլխարկի մեջ: Ամեն մեկը մի հատ կքաշի: Ով գրած թերթիկը քաշի, նա էլ գիրքը կգրի:





ԲԱՌԵՐԻ ՏԵՍԱԿՆԵՐՆ ԸՍՏ ԻՄԱՍՏԻ ՄԵՆԻՄԱՍՏՈՒԹՅՈՒՆ ԵՎ ԲԱԶՄԻՄԱՍՏՈՒԹՅՈՒՆ

Մեկ իմաստ ունեցող բառերը կոչվում են մենիմաստ բառեր:

Կան բառեր, որոնք միայն մեկ իմաստ են արտահայտում: Դրանք մենիմաստ բառերն են, օրինակ՝ **գոյական, ֆիզիկա, եռանիշ, քառահարկ, չորս, դաշտամուկ, արևաշատ, թիկնաթոռ, սրտաբան, դասընկեր** և այլն: Բայց կան շատ բառեր, որոնք մեկից ավելի իմաստներ են արտահայտում:

Մեկից ավելի իմաստ ունեցող բառերը կոչվում են բազմիմաստ բառեր:

Բազմիմաստ բառերի իմաստներից մեկը համարվում է հիմնական իմաստ, և բառարաններում նշվում է առաջինը: Մյուսները կոչվում են երկրորդական իմաստներ: Օրինակ, **հաց** բառն իր հիմնական իմաստով նշանակում է «ալյուրից թխած ամենօրյա ուտելիք», երկրորդ իմաստով՝ «հացահատիկ (ցորեն, գարի)»: Այն նշանակում է նաև «ուտելիք»: Ունի նաև «ճաշ, հացկերույթ» իմաստները: Հաց նշանակում է նաև «մեղրի բլիթ, մեղրահաց»:

Երկրորդական իմաստների շարքում կարող են լինել նաև բառի փոխաբերական կիրառության դեպքեր: Օրինակ, հաց փոխաբերաբար կարող է նշանակել «սպրուստ», «եկամուտ», «բարեբարություն»:

Բառիմաստի տեսակները

Մենիմաստ

1. Գիտաբառեր՝ **ջրածին, ծծումբ, քանոթ**
2. Կենդանական, բուսական աշխարհների, առարկաների անվանումներ՝ **հացենի, թխկի, սոսի, լոբ, բախտակ**
3. Հապավումներ՝ **ՀՀ, ՌԳ, ԱՄՆ, ԱԺ**
4. Բաղադրյալ բառեր՝ **էլեկտրասնուցում, կինոպատճենահանում**
5. Չթեքվող խոսքի մասեր, օժանդակ բայ՝ **որ, թե, որովհետև, որպեսզի, եմ**

Բազմիմաստ

- ածել** – ունի 6 իմաստ
- աշխարհ** – ունի 10 իմաստ
- դնել** – ունի 33 իմաստ
- կարգ** – ունի 18 իմաստ
- հոգի** – ունի 23 իմաստ



Առաջադրանքներ

1. Քո ուսումնասիրած նախորդ պատմվածքներից դ՛ուրս գրիր մենիմաստ բառեր:
2. Բառարանից դ՛ուրս գրիր *թուղթ*, *գիրք*, *գլուխ* բառերի տարբեր իմաստներ: Այդ իմաստներով նախադասություններ կազմիր:
3. *Ծանր*, *քար*, *երկաթ*, *ծով*, *սիրտ* բազմիմաստ բառերից յուրաքանչյուրով կազմիր երկուական նախադասություն քեզ հայտնի իմաստներով:
4. ա) Տրված հոմանիշ բառերի շարքը դասավորիր ըստ առարկաների հատկանիշների սաստկության:
Չքնաղ-գեղանի, գեղեցիկ, սիրուն, բարեղեմ, գեղահրաշ, գողորիկ, չնաշխարհիկ, սքանչելի, հիասքանչ, լուսերես:
բ) Գրիր այդ հատկանիշներն ունեցող բառեր:
5. Կարդա՛ հատվածը և ասա՛, թե *անուշ* բառն ի՛նչ իմաստներով է գործածված:

Աղջիկը մոտենում էր, սառը ջրով լի կուլան տալիս արտվորներից ամենահասակավորին, նա էլ բարձրացնում էր կուլան, շուրթերին սեղմում և ըմպում անհագորեն:

– Օ՛, *անուշ* էր ջուրդ, Անահիտ, ջրիդ պես *անուշ* լինես,– ասում էր նա՝ ջրից հագենալով, և կուլան տալիս էր մյուսներին:

Բ

Գրիգորի առաջարկը բոլորին դուր եկավ, ու երեխաները գործի անցան:

Երբ ծավված թերթիկները գլխարկի մեջ էին, Ծառը հանդիսավոր ձայնով հայտարարեց.

– Բարեկամներ, սկսում ենք վիճակահանությունը:

Շուտով ամեն մեկը, մի թերթիկ ձեռքին, հերթով սկսեց բացել:

Առաջինը Ծառը բացեց:

- Ափսո՛ս,- սոսափեց Ծառը,- իմը փուչ դուրս եկավ: Ուրեմն գրքում հիշողություններս չեն լինի:

- Իմ թուղթն էլ է դատարկ,- հիասթափված դատարկ թուղթը դնելով գրպանը՝ ասաց Լուսինեն:

Հաջորդը Տիգրանի հերթն էր, բայց նրա թուղթն էլ դատարկ դուրս եկավ:

- Ի՛նչ վատ ստացվեց,- դժգոհ բացականչեց նա.- հիմա ոչ ոք չի իմանա, թե ինչքան հետաքրքիր խաղեր եմ հորինել:

- Ա՛յ քեզ բան,- զարմացավ Անին, որն արդեն համարյա համոզված էր, թե իր բախտն է բերելու,- իմն էլ է փուչ:

- Տեսա՞ք: Որ ասում էի՛: Գիրքը ես եմ գրելու,- ինքնագոհ տեսքով հայտարարեց Կոկոն ու բացեց թուղթը: Նրա թուղթն էլ դատարկ դուրս եկավ:

- Ոչինչ չեմ հասկանում: Լուսինե՛, ձիշտ ասա, երևի տառերը մոռացել ես ու ոչ մի թերթիկի վրա ոչինչ չես գրել,- թուղթը շուռումուռ տալով՝ խիստ ձայնով բացականչեա Կոկոն:

Բայց Քուչոն Լուսինեին օգնության հասավ:

- Ոչ մի բան էլ չի մոռացել, սխալվում ես,- առարկեց Քուչոն ու ձեռքի թուղթը Կոկոյին պարզեց: Թղթի վրա չաղլիկ տպատառերով հստակ գրված էր՝ ԳԻՐՔ:

- Գիրքը ես եմ գրելու,- հպարտ հպարտ ասաց Քուչոն, ու աչքերը փայլեցին:

- Էհ, **բախտդ բերեց**,- ափսոսանքով հոգոց հանեց Կոկոն ու Քուչոյին խնդրեց, որ գոնե գրելիս իր պատմություններից էլ մի երկուսը հիշի:

- Չմոռանաս փաստերը ձիշտ հերթականությամբ թվարկել. ինչքան չլինի, պատմություն է,- հուշեց Ծառը:

- Ու անպայման նկարներ էլ թող լինեն: Նկարներով ավելի հետաքրքիր է,- խուրիուրդ տվեց Անին:



Քուչոն շվարեց:

- Այդքանը մենակ ո՞նց անեն,- անհանգստացավ նա:

- Ինքդ չուզեցիր, որ գիրքը դու գրես: Էլ ի՞նչ ես բողոքում,- զարմացավ Տիգրանը:

- Հա՛,- գլուխը կախեց Քուչոն,- ես կարծում էի, թե ոտանավորներ կգրեն մեր բակի մասին, բայց չգիտեի, որ հիշողություններ էլ եմ գրելու: Իսկ նկարել բոլորովին չեմ կարողանում:

- Ի՛նձ լսեք,- խոսեց Ծառը,- լավ կլիներ՝ միասին գրեիք համագործակցելով:

- Հա-մա-գոր-ծակ-ցել նշանակում է ընկերովի աշխատել,- բացատրեց Անին՝ երկար բառը վանկ-վանկ ասելով, որ Լուսինեն հիշի:- Ծառը ասում է, որ առանձին-առանձին գործ անելն ավելի դժվար է, քան միասին:

- Ես Ծառի պատմածները գրի կառնեմ,- առաջարկեց Գրիգորը.- իմ ձեռագիրը լավն է:


- Կարելի է՝ ես էլ քեզ օգնեմ,- խնդրեց Լուսինեն,- ես արդեն շատ վարժ եմ գրում, ազնիվ խոսք:

- Ուրեմն Ծառն ու Կոկոն կպատմեն, Քուչոն ոտանավորներ կհորինի, Լուսոն ու Գրիգորը կգրեն, Տիգրանը կնկարի, ես էլ վերջում կստուգեմ, որ հանկարծ սխալներ չլինեն,- ի մի բերեց Անին:- Ա՛յ թե հրաշալի գիրք կստացվի: Վերնագիրն էլ կլինի «Մեր բակի պատմությունը», հեղինակներ՝ բոլոր բնակիչներ: Երեխաները, իրենց որոշումներից գոհ, ուրախ ծափ տվեցին, իսկ Քուչոն հայտարարեց.

- Ես արդեն նախաբան եմ հորինել: Կարդամ, լսե՛ք.

Մի գիրք գրենք միասին
Մեր ընկերության մասին,
Թող բոլորը իմանան
Ու մեզանով հիանան:

- Ապրեն,- Քուչոյին գովեց Ծառը:- Ու բոլորը, ովքեր մեր գիրքը կարդան, կհասկանան, թե ինչ ճշմարիտ բան է համագործակցելը, գործը միասին անելը, միմյանց սեր վայելելը:





Քառային աշխատանք

1. Պատմվածքում գտիր բառ, որն ունի իր համանունը: Մեկնաբանիր իմաստները:
2. Գտիր *պարմություն, ամառային, ընկերաբար, թերթիկ, գիրք, վերջապես* բառերի ածանցները: Այդ ածանցներին արմատ ավելացնելով՝ բառեր կազմիր:
3. Վերականգնիր *գունավոր, թռչուն, վիճել* բառերի անհնչյունափոխ արմատները: Բացատրիր հնչյունափոխությունը:
4. Մեկնաբանիր՝ բնագրում ինչու են ծառ և քուչո անունները մեծատառով գրվում:
5. Ինչ է նշանակում *«Ազնիվ խոսք»* արտահայտությունը: Մեկնաբանիր: Երբ են գործածում այն:
6. Ինչ կախարդական խոսքեր գիտես: Թվարկիր դրանք և մեկնաբանիր քո հասկացողությամբ:
7. Կազմիր պատմվածքի հերոսների անունների բառարան:
8. Դասագրքի բառարանում գտիր տեքստի կարմիր գրված բառերի բացատրությունը և դրանք գործածիր բանավոր կամ գրավոր խոսքում:



Տեքստային աշխատանք

1. Որոշիր տեքստի հիմնական միտքը, բանալի բառերը: Պատճառաբանիր՝ ինչու են քո ընտրած բառերը համարվում բանալի բառեր:
2. Ինչո՞ւ է հերոսներից յուրաքանչյուրն ուզում, որ հենց ինքը գրի բալի պատմությունը: Հիմնավորիր:
3. Ներկայացրո՞ւ պատմվածքի գործող անձանց, իրերին, երևույթներին բնորոշ հատկանիշները և համեմատիր:
4. Մասնակցի՞ր պատմվածքում ծավալված բանավեճին, այս կամ այն գործող անձի մասին արտահայտիր քո վերաբերմունքը:
5. Տեքստում գտիր տարբեր տեսակետներից քեզ հետաքրքիր տողերը: Մեկնաբանիր ընտրությունդ:
6. Բնութագրիր պատմվածքի հերոսներին՝ պարզաբանելով նրանց արարքների դրդապատճառները:

7. Տեքստում գտիր եզրակացությունն իր մեջ ամփոփող տողը: Ինչպե՞ս կմեկնաբանես այն, և ո՞րն է նրա խորհուրդը:
8. Քննարկե՛ք բնագրի կապույտ գրված նախադասությունը (խմբային աշխատանք):
9. Պարզաբանիր բակի բնակիչների անհանգստությունը: Ի՞նչ էլք գտան նրանք:
10. Պատմիր ձեր բակի մասին: Ներկայացրո՛ւ մտերիմ ընկերոջդ:
11. Ի՞նչ հիշողություններ ունես քո մանկությունից. պատմիր այդ մասին և այն համեմատիր պատմվածքի հերոսների առօրյայի հետ:
12. Ծոռղներիդ միջոցով տեղեկացիր քո մանկության տարիների հետաքրքիր դրվագներին:
13. Կարդացածդ գրքերից մի պատմություն ներկայացրու ընկերասիրության մասին: Ո՞րն է ընկերասիրության քո բանաձևը:



ԲԱՌԻ ՈՒՂԻՂ ԵՎ ՓՈԽԱԲԵՐԱԿԱՆ ԻՄԱՍՏՆԵՐ

Ծանր նշանակում է «մեծ կշիռ ունեցող»: Օրինակ, **ծանր ճամպրուկ** ենք ասում և հասկանում ենք ծանրաքաշ ճամպրուկ: Դա **ծանր** բառի ուղիղ իմաստն է, որովհետև ցույց է տալիս ճամպրուկին բնորոշ հատկանիշ:

Սենյակի կենտրոնում դրված է ծանր սեղան նախադասության մեջ դարձյալ ծանր բառն ուղիղ իմաստով է գործածվել:

Այլ է, երբ ասում ենք **ծանր կյանք**, **ծանր կորուստ**: Այստեղ խոսքը մեծ կշռի մասին չէ: Հասկանում ենք դժվար կյանք և մեծ կորուստ: **Ծանր** հատկանիշը բնորոշ չէ **կյանք** և **կորուստ** բառերին:

Նա ծանր կյանքով է ապրել: Թշնամին ունեցավ ծանր կորուստներ:

Հետևյալ բառերի հետ **ծանր**-ը ոչ թե ուղիղ, այլ փոխաբերական իմաստով է գործածվում՝ «ծավալով համեմատաբար մեծ, ծանրանիստ» (**անձրևի ծանր կաթիլներ**), «խիտ, թանձր» (**ծանր մառախուղ**), «դանդաղ, ոչ արագ» (**ծանր քայլվածք**), «դժվարամարս» (**ծանր կերակուր**) և այլն:



Առաջադրանքներ

1. Արտագրիր տրված տեքստը, առանձնացրո՛ւ ընդգծված բառերը և նշիր հականիշ բառը:

Հին ժամանակ ապրում էր մի ասպետ՝ *խելացի*, գեղեցիկ ու *բարի*: Նրա ձիու սմբակները չէին պղտորում աղբյուրների աղամանդը, չէին տրորում ճանապարհի քնքուշ, *նուրբ* ծաղիկները *երփներանգ*:

Մի օր էլ հսկա լեռների գոգում նկատեց մի *շողշողուն* լճակ: Նրա *վճիտ* ու ողորկ հայելու մեջ տեսավ մի չքնաղ աղջկա լուսեղեն դեմքը: Լուսնկա գիշերների պես *մեղմանուշ* աչքերով աղջիկը նստած էր մարմարյա պատշգամբում:

(Ավ. Իսահակյան)

Նմուշ՝ լուսնկա – մթնկա, խավարչտին:

2. ա) Տրված բառերն իրենց ուղիղ և փոխաբերական իմաստներով գործածիր նախադասությունների մեջ:

Ճանապարհ, սուր, քաղցր, երես, օդ, զանձ:

բ) Ընդգծիր փոխաբերական իմաստով գործածված բառը՝

3. Երկայուն (T-աձև) աղյուսակում դասավորիր ուղիղ և փոխաբերական իմաստներով գործածված բառակապակցությունները:

Կանաչ դաշտ, կանաչ ճանապարհ, սև մաշկ, սև հոգի, դառը կորիզ, դառը ձակապագիք, մեծ աշխարակ, մեծ սպագա, քաղցր միրգ, քաղցր երազ, ծանր զամբյուղ, ծանր կյանք:

Ուղիղ իմաստ	Փոխաբերական իմաստ

4. Ընդգծիր փոխաբերական իմաստով գործածված բայերը, նշիր՝ ինչ իմաստով են նրանք կիրառված:

Երգում է քամին, լալիս է նորից,
 Անհույս ու անվերջ մղկտում է նա.
 Այս մութ գիշերում այնքան կա թախիծ,
 Այնքան տրտունջ ու գանգատ կա հիմա:

(Վ. Տերյան)



ՄԱԿԴԻՐ

Մակդիրը լեզվի պատկերավորման միջոցներից է: Գեղարվեստական խոսքում առարկան, երևույթը կամ գործողությունը պատկերավոր ներկայացնելու նպատակով գրողները հաճախ են փոխաբերական իմաստով գործածում առարկայի հատկանիշ արտահայտող բառեր կամ կապակցություններ: Օրինակ՝ **փափուկ ամպ, զանգակ աղբյուր, շուշան լեռներ, քաղցր հիշողություն:**

Մակդիրի հիմնական հատկանիշը փոխաբերական իմաստ ունենալն է: Այն խոսքը դարձնում է պատկերավոր: Մակդիրները հիմնականում նկարագրության (դիմանկար, բնանկար) կարևոր միջոցներ են:



Առաջադրանքներ

- Հետևյալ բառերին մակդիրներ ավելացրու:
 - Հայաստան, բ) երաժշտություն, գ) վարդ, դ) խոսք, ե) լիճ, զ) լեռներ, է) քարեր:
- Աշունը բնորոշող մակդրային կապակցություններ գրիր:
- Գիրք բառը ինչ մակդիրներով կարելի է բնորոշել:
- Փակագծում տրված համանուն բառերը տեղադրիր համապատասխան տեղում՝ ենթարկելով ձևափոխությունների:
 - Պապ ու _____ հազիվ կարողացան ջրից դուրս քաշել ձկներով լի ծանր _____:
 - Թելադրություն գրելիս Կարինեն, մերթնդմերթ տնկելով _____ մատը, հուշում էր ընկերուհուն, թե որ բառերի վրա պետք է _____ դնել:
 - Երբ բարերարներն օգնեցին անպաշտպան _____ աղջկան, նա հուզմունքից սկսեց դառնագին _____:

(թոռ-թոռ, բուր-բուր, լալ-լալ)

5. Ընդգծիր փոխաբերական իմաստով գործածված բայերը, նշիր՝ ինչ իմաստով են նրանք կիրառված:

Երբ Հայաստան են ասում,
Քարն արթնանում է քնից,
Սիրտս թռչում է քնից,
Եվ կակաչները բլրից
Դեպի սարերն են վազում:

(Հ. Սահյան)



ՀԱՆՐԻ ԶԱՐՅԱՆ
(1928–1974)

ՆԱ
Ա



Կենսագրություն

Սովորում է մեր դասարանում, բայց ընկերություն է անում հինգերորդ «բ» դասարանի Ծիպուկի հետ: Դասերից հետո սպասում են իրար ու միասին գնում...

Մյուս օրը ուշացած է գալիս դասի: Հարցնում են՝ ինչու՞ ես ուշացել, չի պատասխանում, այսինքն՝ պատասխանում է, բայց կարճ.

– Էլ չեմ ուշանա,– ասում է ու նստում:

Բայց էլի ուշանում է: Նույնիսկ մաթեմատիկայի դասերից է ուշանում: Մենք մտածում ենք, որ ինչ–որ արտասովոր բան է կատարվում նրա հետ: Արտաքինը սովորական է. երկար, նիհար մարմին, ձվաձև դեմք, շագանակագույն աչքեր ու բիզ–բիզ մազեր, թավշյա հայացք:

Իսկ մի քանի օր առաջ նա այնպիսի տեսքով մտավ դասարան, որ ես մտածեցի. «Նրա հետ հաստատ ինչ–որ արտասովոր բան է կատարվում»:

Դարձյալ ուշացած մտնում է դասարան՝ ոտքից գլուխ թրջված: Եվ մեր մաթեմատիկայի դասատուն կլորացնում է աչքերը.

Ուրեմն հիմա էլ թրջված ես գալիս իմ դասին: Ուրե՞ն էս թրջվել. ծով երկնքում փափուկ ամպ էլ չկա:

Նա հանգիստ ասում է.

- Ավագանի մեջ: Վազում էի, առաջս չէի նայում ու ընկա:
- Ուրեմն վազում էիր: Իսկ ինչու՞ էիր վազում:
- Որ դասից չուշանամ:
- Ուրեմն չէիր կարող մի քիչ շուտ արթնանալ:

Բայց նա այլևս ոչինչ չի ասում. նստում է ու լռում: Դասատուն ավելի է կտրացնում աչքերը.

- Պարզ է:

Մենք ծիծաղում ենք. ինչն է պարզ...

Երեկ էլ ուշացած մտավ դասարան՝ դեմքը, քիթն ու ձեռքերը ճանկռված:

- Ուրեմն հիմա էլ կատունների հե՛տ ես կռվի բռնվում,- ասում է դասատուն:

- Ո՛չ,- հանգիստ պատասխանում է նա,- բարձրացել էի ծառը:

- Իսկ ինչո՞ւ էիր բարձրացել ծառը:

Նա այլևս ոչինչ չի ասում. միայն ուսերն է **թոթվում**: Դասատուն ավելի է ոգևորվում.

- Ուրեմն չե՛ս ուզում խոսել: Պարզ է... Նստի՛ր:

Նստում է: Մենք զսպում ենք մեզ, որ չծիծաղենք, որովհետև մեր մաթեմատիկայի դասատուի դեմքը շատ է **սպառնական**, և աչքերն էլ կլո՛ր-կլոր են. ամեն բոպե կարող է մեկնումեկիս գրատախտակի մոտ կանչել...

Հետո մտածում եմ. «Գուցե հենց իր ընկերը՝ Ծիպո՛ւկն է նրան ճանկռել», - և չեմ կարողանում ծիծաղս զսպել:

Դասատուն բարկությունը թափում է վրաս.

- Ուրեմն համարձակվում ես ծիծաղե՞լ իմ դասին: Պարզ է ...Դո՛ւրս...

Իսկույն դուրս եմ գնում: Մեր մաթեմատիկայի դասատուի հետ եթե վիճում ես, վերջը շատ վատ է լինում. մանավանդ որ նրա համար ամեն բան պարզ է:

Իսկ այսօր նա՝ ծառը բարձրացող տղան, ուռած ու կարմրած դեմքով է մտնում դասարան, բիզ-բիզ մազերն էլ գզգզված:

- Ուրեմն այսօր էլ քիթ ու մոութդ կապտեցրե՞լ են,- խայթում է դասատուն:

- Այո՛,- հառաչում է նա:

Դասարանը կարեկցանքով նայում է նրան: Ես էլ մի տեսակ տխրում եմ, որ նա հառաչում է, որովհետև առաջին անգամ եմ տեսնում նրան հառաչելիս: Իսկ դասատուն ուրախ է կարծես:



- Ովքե՞ր են,- հարցնում է նա:
- Ոչ ոք,- ասում է,- ընկա:
- Ա՛խ, ընկա՛ր... Իսկ որտե՞ղ ընկար:
- Փողոցում. փոսի վրայի կափարիչը չէին ծածկել, ու ընկա:
- Ուրեմն կափարիչը չէին ծածկել, ու ընկա՛ր: Դե, եթե չես ուզում կիսվել մեզ հետ, պա՛րզ է. երևի դա համարում ես խաբարբզիկություն, ուրեմն նստի՛ր,- ասում է դասատուն, մոտենում գրատախտակին, վերցնում կավիճն ու սկսում գրել նոր գլուխկոտրուկ բանաձև:

Բայց դասարանը ոչ թե գրատախտակին է նայում, այլ փոսի մեջ ընկած տղային: Ես էլ եմ նրան նայում. ձերմակ տեսք ունի: Պարզ երևում է, որ ոչ թե փոսի մեջ է ընկել, այլ որևէ տհաճ արկածի... Բաց է անում պայուսակը, միջից գիրք է հանում, թաքուն կարդում է: Նա խոսել չի սիրում, բայց կարդալ սիրում է, մանավանդ արկածային գրքեր: Որոշում եմ դասամիջոցին ծիպուկին հարցնել, թե նա ումից է ծեծ կերել:



ՈՒՂՂԱԽՈՍՈՒԹՅՈՒՆ ԵՎ ՈՒՂՂԱԳՐՈՒԹՅՈՒՆ

Հայերեն տառերի մեծ մասի արտասանությունն ու գրությունը համընկնում են, այսինքն՝ արտասանվում են այնպես, ինչպես գրվում են, օրինակներ՝ **գալ**, **ծիծաղել**, **սալոր**, **նուռ**, **հրամանատար**, **խրամատ**, **գիշեր**, **խելք**, **պայքար**, **Արամ**, **Գարեգին**, **կարմիր**, **մկնիկ**, **ճակատ**, **անկողին**, **սրճարան** (շարունակի՛ր):

Սակայն շատ տառեր էլ կան, որոնց արտասանությունն ու գրությունը տարբեր են, օրինակներ՝ **առաջին**, **ավագ**, **վերջանալ**, **անցուդարձ**, **հաղթել**, **երգել**, **շոգ**, **բարձր**, **սուրբ**, **ժողովուրդ**, **դեղձենի**, **իջնել**, **կենդանի** (շարունակի՛ր):

Ուղղախոսությունը բառերի ձիշտ արտասանությունն է:

Ուղղագրությունը բառերի ձիշտ գրությունն է:

Հայերենն ունի ձիշտ գրելու որոշակի կանոններ:



Առաջադրանքներ

1. Պատմվածքներից դ՛ուրս գրիր ձայնավորով սկսվող վեց բառ:
2. Պատմվածքի Ա հատվածից դ՛ուրս գրիր վեց բառ, որոնց արտասանությունն ու գրությունը տարբերվում են:
3. Ընդգծիր այն բառերը, որոնք սկսվում են բաղաձայն հնչյունով:
Բնօրրան, էլևէջ, էջանշան, եղնիկ, թախծորոր, էժանագին, ոզնի, երամ, գեպեգր, խավիար, ողկույզ:
4. Ընդգծիր տրված բառերի երկհնչյունները:
Բամբակյա, բայց, գոյ, եզակի, երեկոյան, կահույք, կայմ, այդքան, քնքշաբույր:



ՁԱՅՆԱՎՈՐՆԵՐԻ ԱՐՏԱՍԱՆՈՒԹՅՈՒՆԸ ԵՎ ԳՐՈՒԹՅՈՒՆԸ

Հայերենի **ա**, **ի**, **ու** ձայնավոր հնչյունների արտասանությունն ու գրությունը համապատասխանում են, օրինակ՝ **Արարատ**, **առվակ**, **իրիկուն**, **հին**, **ուղի**, **մուկ**:

Է-Ե

1. Բաղաձայնից հետո **ե** տառը արտասանվում է **է**, օրինակ, **լայնեզր** – (լայնէզր), **տասներկու** – (տասնէրկու):
2. Ձայնավորից հետո **ե**-ն արտասանվում է **յէ**, օրինակ, **ինքնատեղ** – (ինքնայէղ), **ամենաերկար** – (ամենայէրկար):
3. **Կ** և **չ** մասնիկներից հետո **ե**-ն **յէ** է արտասանվում, քանի որ **ե**-ն հաջորդում է **ը** ձայնավորին, օրինակ՝ **կերպեմ** – **կ(ը)երպեմ**, **կեռա** – **կ(ը)եռա**, **չերպել** – **չ(ը)երպել**:

1. Բառասկզբում **է** հնչյունը գրվում է **է** տառով, օրինակ՝ **էջ-** միածին, **էջանշան**, **էակ**, **էություն**, **էքսկուրսիա**, նաև՝ **էի**, **էիր**, **էր**, **էինք**, **էիք**, **էին**:

Այս ընդհանուր կանոնից շեղվում են **եմ** օժանդակ բայի **եմ**, **ես**, **ենք**, **եք**, **են** ձևերը, որոնցում արտասանվող **է**-ն գրվում է **ե** տառով, օրինակ՝ կարդում **եմ**, նկարում **ես**, երգում **ենք**, երգիչ **ես**, ուսուցիչ **եք** և այլն:

2. Բառամիջում և բառավերջում **է** գրվում է այն դեպքում, երբ **է**-ն արմատի սկզբնատառն է, օրինակ՝ **վայրէջք**, **ամենաէական**, **մանրէ**, **անէ** և այլն:

3. Մնացած դեպքերում բառամիջում և բառավերջում լսվող **է**-ն գրվում է **ե**, օրինակ՝ **մեծ**, **օգնել**, **արծաթե**, **ափսե**, **Նարե**:

4. Բառասկզբում **յէ** լսելիս գրվում է **ե** տառը, օրինակ՝ երեսուն, եղբայր, երկինք, երդում, երթ:

Տիշիր՝ երբևէ = երբ + և + է (ինչևէ, որևէ), երբևիցե = երբ + և + իցե (ինչևիցե, որևիցե):



Առաջադրանքներ

1. Լրացրո՛ւ բաց թողնված տառերը՝ **է** կամ **ե**:

*Պար_դանակ, վայր_ջք, չ_մ ուզում, որև_, չ_ի գրել, անմիջապ_ս վա-
զեց, երբևից_, հն_արան, _լեկորակայան, տեսա_կրան, իսկույն և_թ,
ծով_գր, ամենա_ժան:*

2. Գրի՛ր հատուկ անուններ (մարդկանց անուններ, ազգանուններ, մայրցամաքների, քաղաքների, գետերի, ծովերի, լճերի անուններ և այլն), որոնք սկսվում են **ե**-ով և **է**-ով:

3. Գրի՛ր տրված բառերի հոմանիշները:

*Աղոթապրուն, անուրջ, գույն, վախ, բախարավոր, յասաման, ուժ, ասպե-
րախար, դրախար, օրարական:*

4. Փակագծում տրված բառերում լրացրո՛ւ բաց թողնված **է, ե** տառերը և տեղադրի՛ր տեքստի համապատասխան նախադասություններում:

(առօր_ ական, երբև_, ելև_ջները, _ ական, չ_ ին, , երբևից_, ան_ ական)

Ջութակի_____ ունկնդիրներին կտրել էին_____ հոգսերից: _____ այդքան մարդ չէր հավաքվել, _____ այդպիսի համերգ երաժշտասերները _____ լսել: Այսպես փոքրիկ ջութակահարը մարդկանց կտրել էր _____ և _____ գործերից ու նետել կախարդական հնչյունների աշխարհ:

Բ

Հանկարծ դասարանում բյուրեղյա լռություն է տիրում: Սթափվում են, շուռ գալիս ու տեսնում, որ դասատուն վերջացրել է իր նոր բանաձևը և կանգնել նրա գլխավերևում: Դասարանը **պապանձվել** է վախից: Իսկ նա՝ գիրք կարդացող տղան, իր ոսկե տարերքի մեջ է: Եվ դասատուն նույնպես ընկնում է իր տարերքի մեջ, այսինքն՝ սկսվում է մեր մաթեմատիկայի դասատուի ամենաերկար ու ամենաապամոռացիկ ամենախոսությունը:

– Ուրեմն հիմա էլ արկածային գրքեր ես կարդում... Փակի՛ր իսկույն այդ սառած գիրքը... Գուցե կբարեհաճե՞իք գնալ գրատախտակի մոտ, արկանձ տղա: Չե՞ք բարեհաճում: Ո՞վ է ուզում գնալ գրատախտակի մոտ: Ուրեմն ոչ ոք: Պարզ է: Ուրեմն... Ջննում է հերթով բոլորին ու վերջում մատն ուղղում է վրաս,– ուրեմն դու կգնաս:

Իսկույն գնում են: Գրում են բանաձևը. բոլոր մինուսներն ու պլյուսները խառնում են իրար:

Դասատուն դիմում է դասարանին.

– Ուրեմն ո՞վ կարող է գրել ճիշտը:

Ոչ ոք ձեռք չի բարձրացնում. բոլորի ծաղիկ դեմքերին էլ վախ կա, նույնիսկ գերազանցիկների:

Բայց հանկարծ նա՝ Ծիպուկի կապտուկներ ստացած ընկերը, որ միշտ ուշացած է մտնում դասարան, վեր է կենում տեղից, մոտենում է ինձ, կավիճն ու բարձիկը վերցնում է ձեռքիցս և գրում ճիշտ բանաձևը: Հետո կավիճն ու բարձիկը տալիս է ինձ ու նորից գնում նստում իր տեղը: Նա ոչ մեկին ոչինչ չի ասում. միայն ուռած ու կարմրած դեմքի

վրա ժպիտ է երևում մի թեթև: Դասատուի քարե դեմքին էլ ժպիտ է երևում մի թեթև, այն էլ բարի ժպիտ... Աչքերն էլ կլոր չեն, այլ նշաձև ու բարի-բարի...

Հնչում է զանգը:

Ուրեմն ոչ ոք չգիտի, թե ով է կապտեցրել մեր արկածային հերոսի դեմքը,- հարցնում է ուսուցչուհին:

Իսկույն ձեռք եմ բարձրացնում:

- Դու՞:

- Ո՛չ,- ասում եմ,- Ծիպուկը: Հինգերորդ «բ» դասարանից է, կանչեմ:

- Կանչիր,- ասում է դասատուն:

Իսկույն վազում եմ միջանցք ու քիչ հետո մտնում եմ Ծիպուկի հետ, որի դեմքը նույնպես ներկված է կապույտներով:

Ծիպուկին տեսնելով՝ դասատուն ծիծաղում է:

- Ուրեմն այս Ծիպուկն է մեր հերոսի դեմքը նախշել:

- Ո՛չ,- ասում է նա՝ հերոսը,- Ծիպուկն իմ ընկերն է, ինչո՞ւ պետք է մենք իրար հետ կովեիսք:

Մենք հաճույքից աշխուժանում ենք, իսկ դասատուն ասում է.

- Դե, ուրեմն, Ծիպուկ, ասա՛ տեսնենք՝ ով է այսպես այլանդակել ընկերոջդ ու քո դեմքը:

- Բակի տղաները,- ասում է Ծիպուկը:

- Իսկ դուք ինչ գործ ունեիք այդպիսի տղաների հետ:

- Մենք ոչ մի գործ էլ չունեինք,- ասում է Ծիպուկը.- նրանք անմեղ տեղը մեզ վիրավորեցին, մենք էլ չուզեցինք վիրավորանքը կուլ տալ:


- Լավ, իսկ ինչո՞ւ էր այն օրը ընկերդ թրջված եկել դպրոց:

Ծիպուկն ասում է.

- Մի փոքրիկ երեխա հեծանիվով ընկավ ջուրը, նետվեցինք ու հանեցինք երեխային, որ հանկարծ չխեղդվեր:

- Դա էլ ճիշտ եք արել: Իսկ հեծանիվը մնաց ջրի մեջ:

- Ո՛չ, հեծանիվն էլ ես հանեցի:



- Կեցցենս, Ծիպու՛կ, կեցցենս: Իսկ երեկ ո՞վ էր ընկերոջդ ձանկռել. էլի անծանոթ տղաները:

- Ո՛հ, բայց էլի նրանց պատճառով եղավ: Մի փոքրիկ կատվի ճուտ էին դրել ծառի վրա. այնպես մեղք էր. մլավում էր: Բարձրացանք, իջեցրինք ծառից, թե չէ այնտեղ որ մնար, սովից կսատկեր:

- Պարզ է, Ծիպու՛կ, պարզ է, սովից կսատկեր...

Եվ նորից հնչում է զանգը:

Դասատուն ձեռքը դնում է Ծիպուկի ուսին, ու միասին դուրս են գնում դասարանից: Ես էլ մոտենում եմ նրան՝ Ծիպուկի ընկերոջը.

- Լավ մարդ է, չէ՞, մեր մաթեմատիկայի դասատուն:

- Ըհը՛, գլխով է անում նա:

- Բ՛նչ գիրք էիր կարդում դասի ժամանակ, - հարցնում եմ:

Պատասխանում է.

- «Անգլուխ ձիավորը»:

- Իսկ ամենից շատ ո՞ր գիրքն ես սիրում:

- «Երեք հրացանակիրները»:

Ու այնպես են փայլում աչքերը...

Հետո դասարան է մտնում մեր մայրենիի դասատուն. նորից սկսվում է դասը: Բայց ես դեռ մտածում եմ նրա մասին՝ մեր դասարանի չխոսկան, բայց քաջ տղայի մասին...

Իսկ մենք ինչքան ենք սիրում խոսել մեր և՛ կատարած, և՛ չկատարած քաջագործություններից...



Բառային աշխատանք

1. Պատմվածքից դուրս գրիր մակդիրները: Դրանք փոխարինիր այլ բառերով:
2. Կարդա՛ տեքստը և դուրս գրիր **ձև** արմատով բառեր: Նշիր՝ ինչ կազմության բառեր են դրանք:
3. «Արմատ + ձև» կաղապարով բառեր կազմիր՝ օգտագործելով հետևյալ արմատները՝ **աստղ**, **խաչ**, **նոր**, **օղակ**: Դրանցով կազմիր կապակցություններ:

Նմուշ՝ նուշ + ձև = նշաձև, նշաձև աչքեր:

4. Լրացրո՛ւ բաց թողնված տառը:

Թր_վել, իս_ճայի, որև_, բար_իկ, խեղ_վել:

5. Բառարանում գտի՛ր տեքստի կարմիր գրված բառերի բացատրությունը և գործածի՛ր բանավոր կամ գրավոր խոսքում:



Տեքստային աշխատանք

1. Ներկայացրո՛ւ պատմվածքի վերնագրի և տեքստի իմաստային փոխադարձ կապի մասին:
2. Արդարացնո՞ւմ ես ուսուցչի վարքագիծը տղայի նկատմամբ. չէ՞ որ նա չէր փորձում հասկանալ նրան և վերլուծել փաստերը:
3. Քո ընկերների նկատմամբ նման վերաբերմունք դրսևորե՞լ ես, պատմի՛ր:
4. Պատմվածքի հերոսին անո՞ն դիր՝ ելնելով նրա բնավորությունից:
5. Բնութագրի՛ր անանուն հերոսին՝ պահպանելով հեղինակի բառապաշարը:
6. Բնութագրի՛ր Ծիպուկին: Ի՞նչ կարծիք ունես նրա մասին:
7. Պատմվածքի հատվածներից յուրաքանչյուրին վերնագրի՛ր դիր՝ ելնելով բովանդակությունից:
8. Որոշի՛ր հերոսների արարքների դրդապատճառները, դրսևորի՛ր քո վերաբերմունքը նրանց նկատմամբ կամ գնահատի՛ր:
9. Տեքստում գտի՛ր բառեր և արտահայտություններ, որոնք հեղինակը կիրառում է գործող հերոսներին, փաստերն ու իրադարձությունները նկարագրելու համար:
10. Պատմությունը պատմի՛ր ստեղծագործության մեջ պատկերված հերոսներից մեկի անունից:
11. Հարցե՛ր կազմի՛ր գրողի հետ երևակայական հարցազրույցի համար:
12. Նամակներ գրի՛ր իրական և երևակայական հասցեատիրոջը (բարեկամ, ստեղծագործության հեղինակ, գործող դեմք և այլն):



ՀԱՄԵՄԱՏՈՒԹՅՈՒՆ

Համեմատությունը գեղարվեստական խոսքի ամենատարածված արտահայտչամիջոցներից է: Դրանք կազմվում են մի առարկան կամ երևույթը մյուսին նմանեցնելու հնարքով: Օրինակ, Մեր քաջերը իրենց լեռների արծիվների պես խիզախ ու արիասիրտ են:

Համեմատությունը երկու տարբեր առարկաների զուգադրում է՝ նրանց որևէ հատկանիշի նմանության հիման վրա:

Համեմատություններում անձը կամ իրը կարող է համեմատվել անձի հետ, կենդանական աշխարհի էակների, բնության երևույթների հետ:

Համեմատություններն առավել արտահայտչական երանգ ունեն և ձևավորվում են **պես, նման, ինչպես, ասես, կարծես, իբրև, որպես** և նման այլ բառերով: Օրինակ՝ **Ծովը մոնչում էր ամեհի գազանի պես: Մեր հարևան Միքայել պապը մանկան նման միամիտ էր:**



Առաջադրանքներ

1. Կարդա՛, գտի՛ր համեմատությունները: Նշի՛ր կազմության միջոցները:

Հեռվում կարմիր կակաչների և սպիտակ հասմիկների պես երևում են խումբ-խումբ ծաղկեփնջեր. իսկապես դրանք ծաղկեփնջերի են նմանվում արտերի ոսկե անսահմանության մեջ: Սպիտակ աղավնիների նման կարծես թևահարում են արտերին: (**Հ. Շիրազ**)

2. ա) Կարդա՛, գտի՛ր համեմատությունը:

Անտա՛նը... Այ թե որտեղ է ազատ կյանքը: Խոտի մեջ վխտում էին մրջյունները, բզեզները, օդում ձախրում էին թիթեռները, բոլոր կողմերից լսվում էր թռչունների ձայնը: Ես և Միշան որոշեցինք ամառը գալ այստեղ, գետի ափին հովիկ շինել և ապրել **Ռորինգոնի** պես: (**Ն. Նոսով**)

բ) Շարունակի՛ր պատմությունը՝ գործածելով համեմատություններ:

3. ա) Կարդա՛ հատվածը, գտի՛ր համեմատությունները: Ցո՛ւյց տուր համեմատվող առարկաները:

Ծովի հայելանման կրծքին շողշողում էին Առտեր և Աղթամար կղզիները: Առտերը փոքր էր. նա դուրս էր ցցվել, ինչպես ծովային շողշողուն մի խեցի, իսկ Աղթամարը հուրհրատում էր ոսկեծույլ մի ծովաբերդի նման: Սակայն ամենից գեղեցիկը ծովն էր, վարդագույն ու կանաչ բոցերով բռնկված ծովը, որի մանուշակագույն կոհակներից ասես ծաղկում ու հանկարծ սուզվում էր ծովային ծաղիկների նմանվող բյուրեղափայլ թրթուրը: (Հ. Ղուկասյան)

բ) Հատվածից դո՛ւրս գրի՛ր բարդ բառերը, գծիկներով առանձնացրո՛ւ արմատները, անհրաժեշտության դեպքում նաև հոդակապը:

4. Կետերի փոխարեն լրացրո՛ւ համապատասխան բառը:

Մեղրի պես....., պողպատի պես....., աղամնու պես....., ջրի պես, եղնիկի պես....., մոր նման....., հայրենիքի նման, ամառվա մրգերի նման.....:



Օ-Ո

1. Բաղաձայնից հետո **n** տառն արտասանվում է **o**, օրինակ՝ **կողմնորոշվել**, **անորակ**, **Կարո**:

2. Բառամիջում ձայնավորից հետո **n**-ն արտասանվում է **վo**, օրինակ՝ **արջաորս** – (արչավօրս), **ամենաառակյալ** – (ամենավօրակյալ):

3. **Կ** և **չ** մասնիկներից հետո **n**-ն **վo** է արտասանվում, քանի որ **n**-ն հաջորդում է **ը** ձայնավորին, օրինակ՝ **կորսա** – կ^(ը)որսա, **չորոշի** – չ^(ը)որոշի:

1. Բառակզբում **o** հնչյունը գրվում է **o** տառով, օրինակ՝ **օր**, **օղակ**, **օրացույց**, **Օհան**, **Օշական**:

Բացառություն են **ոլ** և դրանից կազմված **ոլքեր**, **ոլկե**, **ոլ-ևիցե** բառերը, որոնց սկզբում արտասանվում է **o**, բայց գրվում է **n** տառը:

2. Բառամիջում **o** է գրվում այն դեպքում, երբ **o**-ն արմատի սկզբնատառն է, օրինակ՝ **այսօր**, **անօգնական**, **ոսկեգօծ**, **տափօղակ**, **կօզնեմ**:

3. Մյուս բոլոր դեպքերում բառամիջում և բառավերջում **o** արտասանվելիս գրվում է **n** տառը, օրինակ՝ **խոսել**, **թատրոն**, **քանդակագործ**, **Մեսրոպ**, **Մարո**:

4. Բառասկզբում **վօ** արտասանվելիս գրվում է **n**, օրինակ՝ **ուկի**, **որակ**, **որտեղ**, **Ոստանիկ**, **Ոսկանյան**:

Բացառություն են մի շարք օտար բառեր, որոնց սկզբում **վօ** արտասանվելիս գրվում է **վօ**, օրինակ՝ **վոլեյբոլ**, **վոլտ**, **վոկալ**, **Վոլգա**, **Վոլոդյա**...

Այս բացառությունը չի տարածվում վաղ անցյալում փոխառված մի քանի բառերի վրա, օրինակ՝ **Ողիսես**, **ողիսական**, **Որմիզդ**, **Որմիզդուխտ**:



Առաջադրանքներ



1. Լրացրո՛ւ բաց թողնված տառերը՝ **o** կամ **n**:


Ականջ_դ, աման_րյա, օր_րոց, երկար_րյա, արևազ_ծ, քն_րրան, արջա_րս, կիրակն_րյա, _վքեր, հայր_րյակ, չ_գնել, միջ_րե, չ_գևորել, _դանավ, ան_թևան:

2. Հետևյալ արմատներով բառեր կազմիր այնպես, որ մի դեպքում նրանք լինեն առաջին բաղադրիչ, մյուս դեպքում՝ երկրորդ: Արտասանիր այդ բառերը և բացատրիր կազմությունը՝ **ուկի**, **որդ**, **որմ**, **օր**, **օղակ**, **օձ**:

Նմուշ՝ **ոճ**-**ոճաբան**-**նրբաոճ**:

3. ա) Լրացրո՛ւ բաց թողնված տառերը՝ **o** կամ **n**:

Քնքշ_րեն, սև_րակ, մի_րինակ, մեղմ_րեն, ընդ_րինակելով, ոսկեզ_ծեց, նրբ_րեն, արբւմ_րոր:



բ) Այդ բառերը տեղադրիր տեքստի համապատասխան նախադասություններում:

Երկնքից _____ ժպտաց արեգակը, _____ սարու ձոր, արթնացրեց ծաղիկներին: Կակաչը բացեց _____ աչքերը, _____ նազեց մանուշակը...: Ձմռան _____ ամիսներից հետո բոլորը, _____ միմյանց, ուրախ համերգով ասես օրհներգեցին արևին:

4. Ընտրիր անուններից մեկը և նրանց մասին հաղորդում պատրաստիր ընկերներիդ համար:

Ողիսևս, Օրբելի եղբայրներ, Օսկար Ռոայդ:



ՎԻԳԵՆ ԽԵՉՈՒՄՅԱՆ
(1916–1975)

ԶՎԱՐԹՆՈՑ



Կենսագրություն

Բարձրանում էր տաճարը: Շոգ էր, օդը՝ ծանրացած փոշով և տապով: Քրտինքն առու էր կազմում կառուցողների պղնձացած մաշկի վրա: Ջուր էին ըմպում նրանք և չէին հագեցնում:

Տարիներ էին անցել: **Լուրթ** էր երկինքը, ու արեգակը նոր էր նայում **հորիզոնից**: Շրջապատում թևածում էր գարնան բույրը: Ծիծեռնակները միմյանց շուրջն էին պտտվում: Ջով առավոտի քամին սվսացնում էր ծաղիկ ու սեգ... Խաղանդ, խաղանդ մի լռություն, հանգստացնող սուրբ լռություն էր թագավորում ամեն տեղ:

Ճանապարհորդը ցած իջավ ձիուց, թոթափեց վրայի փոշին և երեսը խաչակնքելով՝ քայլեց առաջ: Բարձրացավ աստիճաններով և մի պահ կանգ առավ շինվածքի առաջ՝ քարակոփ հարթվածքի վրա: Առջևում մուտքերն էին, որոնք, բարակ երկուական սյուներով իրենց վրա փոքրիկ ծածկ կազմած, խորացնում էին փայտակերտ նուրբ դուռը:

... Շողում էր սրբատաշ քարը, որ ձիթված էր և մաքրված փոշուց: Հարկերը հանդիսավորությամբ կրում էին գմբեթը սիգաճեն բարձրության մեջ: Նրա հետևում ծածկվելով՝ չէին երևում Մասիսները: Տաճարի բոլորակությունը՝ լուսամուտներով առատորեն օղակված, կյանք բուրող բազմաթիվ քանդակները, ողջ հպարտ տեսքը շոյում էին մարդուս

հոգին սրբազան անդորրությամբ: Մտավ ներս: Դրսում՝ արեգակի ներքո, նվազ էր թվում լույսը: Այժմ պատուհաններից ներս թափանցող լույսերի հեղեղը ճառագայթներով հատում էր վեր ու վար, մխրձվում ամեն անկյուն, ավելի հորդացած ծավալվում և փռվում:

Բարձրացավ նա քարե աստիճաններով, հասավ երկրորդ հարկի օթյակը, մոտեցավ սյուներին և մնաց կանգնած: Սյուների արանքներից երևում էին շրջանաձև, պսակածածկ պատուհանները: Հանգստացնում էին սիրտը ճարտար միացումներն ու ըմբոստ սլացումները... Նայեց վար: Լի էր տաճարը հասարակությամբ: Աղոթքի **մրմունջները** ձուլվում էին **կնդրուկի** բուրմունքին, երգը հանկարծ բռնվում էր սյուների և խորանների մեջ, հետո տեղից պոկված թռչունի պես խփվում աջ ու **ահյակ՝** արձագանքելով հուժկու և ելևէջող, սավառնում լուսամուտներից դուրս...

- Աղաղակեցեք... օրհնեսցի՛ր և սրբեսցի՛ր...

Որպիսի՞ փայլ և մաքրություն ունեին արարողության սպասարկուները: Որքան՞ զուսպ և հավատով լի էին հանդիսականները...

Զնայվել էր: Կրկին ներքևից նայեց վեր, սահեց պատերով, գրկեց սյուները, բարձր ձկվելով՝ հասավ նրանց գագաթներին, մտքում դրոշմեց թռիչքային կամարների բարդ հյուսումները, սահեց երկրորդ հարկի լուսամուտառատ պատերով, մտավ գմբեթածածկի տակ, ուր լուսի նիզակները խճողվել էին իրար, կպավ բարձրաբերձ գմբեթի սուր առաստաղին և կորչող վերևում մարեց, մնաց միայն երգը.

- Սքանչելի ես դու, տէր, ի բարձրնս...

... Ավելի բարձր, բարձր,- բացականչեց վարպետ Հովհանն ու սթափվեց:

Ցնցվում էին ձեռքերը, շնչում էր հաճախակի, աչքերում խենթ վայելքի և հաս-



տատ համոզման արծիվներն էին ճախրում: Մուրձերի հանկարծակի աղմուկը վայրիվերո, բայց և հեղեղող հնչյուններով լցվեց լսողության մեջ. նա զգաց քարերի տաշման սվավոցը, թափվող ավազի խշռոցը, որ դատարկում էին սայլերից, կրի շրշյունը, որ պղպջակվելով մարում էր ցնցուղված ջրի ներքո, և տեսավ մոխրագույն փոշին, որ երերուն նստում էր քարերին, մարդկանց երեսներին:

Կառուցվում էր Զվարթնոցը:



Բառային աշխատանք

1. Գտիր համեմատությունը, ցույց տուր համեմատվող առարկաները՝ նշելով համեմատության նպատակը:
2. Նախադասություններում ցույց տուր պատկերավորման միջոցները և նշիր տեսակը:
 - ա) Սուրբ լռություն էր թագավորում ամեն տեղ:
 - բ) Քրտինքն առու էր կազմում կառուցողների պղնձացած մաշկի վրա:
 - գ) Ցնցվում էին ձեռքերը, շնչում էր հաճախակի, աչքերում խենթ վայելքի և հաստատ համոզման արծիվներն էին ճախրում:
 - դ) Լուրթ էր երկինքը, ինչպես ծովի հայելին, և արեգակը նոր էր նայում հորիզոնից:
3. Բնագրում գտիր *խմել, արև, կապույտ, հույր, հովիկ, կապար, հմայվել* բառերի հոմանիշները:
4. Բնագրում գտիր նախադասություններ, որոնցում գործածված են հականիշ բառեր:
5. Գնահատիր Զվարթնոցը՝ որպես ազգային արժեք: Ուրիշ ի՞նչ ազգային արժեք գիտես, թվարկիր: Դրանցից մեկի մասին հաղորդում պատրաստիր:
6. *Սրբարաշ, փայրակերտ, գմբեթածածկ, լուսամուրառայ, մոխրագույն* բառերը բաղադրիչների բաժանիր:
7. Լրացրո՛ւ բաց թողնված տառերը՝ *բար_րանալ, թ_ածել, թա_ավորել, սր_ագան, ը_քոստ, բարձրաբեր_, եր_, ցնցու_*:
8. Բառարանում գտիր տեքստի կարմիր գրված բառերի բացատրությունը:



Տեքստային աշխատանք

1. Հեղինակի բառերով բնութագրիր՝ ինչպե՞ս էր բարձրանում տաճարը:
2. Բնութագրիր ճանապարհորդին՝ ներկայացնելով նրա զգացումներն ու հոգեվիճակը:
3. Նկարագրիր տաճարի ներսը՝ օգտագործելով հեղինակային կապակցություններ:
4. Ի՞նչ է նշանակում խաչակնքել: Երբ և որտե՞ղ ես խաչակնքում:
5. Տեքստում գտիր ազգային խորհրդանիշներ: Դրանցից որևէ մեկը նկարիր քո ընտրությամբ:
6. Ինչի՞ խորհրդանիշն է արծիվը: Մեկնաբանիր:
7. Ի՞նչ մտորումներ ունեցար այս տեքստը կարդալիս: Ինչպե՞ս ես գնահատում հայ ազգային մշակութային կոթողները:
8. Կազմե՞ք ստեղծագործության դիպաշարի (սյուժե) մեկ այլ ավարտով գրավոր տարբերակ (խմբային աշխատանք):
9. Հաղորդում կամ սահիկաշար պատրաստեք Ջվարթնոց տաճարի մասին (խմբային աշխատանք):



ԱՆՁՆԱՎՈՐՈՒՄ

Անձնավորումը ոճական հնարք է:

Այս դեպքում իրերին, տարբեր երևույթների վերագրվում է մարդկային այս կամ այն հատկանիշը:

Օրինակ՝ **Քաղաքի վրա մաղում էր անձրևը, իսկ կիսամերկ ծառերը մրսում էին: Առավոտյան քնքուշ հովը շոյում էր հասկերը:**

Անձնավորումը սկզբնապես կիրառվել է ժողովրդական բանահյուսության մեջ: Ժամանակակից գրականության մեջ անձնավորումը միջոց է, որն ուժեղացնում է բնագրի հուզական հագեցվածությունը: Հեքիաթներում, առակներում, մանկական բանաստեղծություններում երբեմն մեծատառով են գրվում որոշ բառեր, նաև տարվա եղանակների, կենդանիների անունները:

Օրինակ՝ **Եվ մտածեց Գայլը երկար..., Նայեց ծոին Ուղտը հսկա (Պ. Սևակ):**



Առաջադրանքներ

1. ա) Հետևյալ բառերը խմբավորելով՝ կազմիր հոմանիշների շարքեր:
բ) Գտիր այդ շարքերից յուրաքանչյուրի հիմնաբառը:

Գեղեցիկ, սահուն, սահագին, սամում, դյուրիչ, գրավչություն, խինդ, անկշտում, ձգնել, խոշոր, զեփյուռ, անհագ, քամի, խորշակ, չքնաղ, ազահ, հրապուրանք, անհագուրդ, ձգրել, փոթորիկ, հոծ, թովչանք, անկուշտ, ջանալ, չքնաղ, թավ, ընչաքաղց, աշխատել, սյուք, առինքնող, մրրիկ, գողորիկ, հնայք:

Նմուշ՝ սյուք – զեփյուռ, քամի, փոթորիկ:

2. ա) Ուշադիր կարդա, լրացրո՛ւ բաց թողնված տառերը:

Լուս...կա գիշերին հաջոր...ել էր Արարատյան դաշտի՝ գարնան բույրերով օծված առավոտներից մեկը: Մասիսի *երկնակարկա...* գագաթը ոսկ...որվել էր՝ փայլփլելով ոսկ...առ շողերով, որոնք աչք էին *շլացնում*: Արագածի երկնահու... գագաթը, սակայն, չէր երևում. որպես անոթխած հարսիկ՝ նա *սքողել* էր յուր դեմքը *անթափանց շղարշով*: Կանաչագար... մարգագետինները՝ ցողված վաղ...րդյան մարգարիտներով, վառվում էին ծիածանի *երփնեքանց* գույներով: Ծաղիկները ժպտում էին, *դալար* խոտաբույսերը՝ *ծփում* ու *ծածանվում*, և դաշտի *անդր...* մակերևույթը օրորվում էր *հիասքանչ* ալեկոծությամբ: Ողջ դաշտը վա...վ...ում էր *արբշիռ* գույներով:

բ) Դուրս գրիր ընդգծված բառերը՝ կազմելով դրանց հոմանիշների եռաշարքեր:

Նմուշ՝

Բառեր	Հոմանիշներ
երկնակարկառ	երկնամուխ, երկնամերձ, երկնահուպ

3. Կարդա՛ վ. Անանյանի «Սևանի շուրջը» պատկերը և գտիր անձնավորման դեպքերը:

Հազար գեղեցկություն ունի Սևանը. պիտի ապրես նրա ափին և տեսնես, թե ինչպես է շարունակ փոխում նա իր երանգները, իր տրամադրությունը. մերթ հևում է զայրացած, մերթ ժպտում հեզանագ,

մերթ խոժոռում հոնքերը և շանթ ու կրակ արձակում, մերթ այնպես պայծառ ցոլանում, որ կարծես ոչ թե արեգակն է ցոլանում իր ջրերում, այլ ինքն արեգակ է՝ իջած երկնից: Երբ նա անվրդով նիրհում է իր գմրուխտ ափերի մեջ, չես կարող որոշել՝ երկինքն է ցոլում նրա մեջ, թե՛ ինքը՝ երկինքն է իջել՝ հանգստանալու Գեղամա լեռների շուրջպարի մեջ. կապույտ է նա երկնքի նման, արև ունի նա իր խորքում, իսկ գիշերները՝ իր ջրերում լողացող անթիվ աստղեր ու լուսին...

4. Եթե նկարիչ լինեիր, ինչ գույներով կվրձնեիր լճի պատկերը:
5. «Ձվարթնոց» հատվածից դ՛ուրս գրիր անձնավորման օրինակներ:
6. Գտիր տրված բանաստեղծական տողում գործածված պատկերավորման միջոցը և հիմնավորիր:

Օրոր էր ասում աշունն անտառին,

Բայց դեռ անտառի քունը չէր տանում: (Հ. Մսիշյան)

7. Գրավոր նկարագրիր քեզ շրջապատող միջավայրը, բնությունը, մարդկանց արտաքինը, կիրառիր պատկերավորման միջոցներ՝ մակդիր, համեմատություն:



Ը

1. **Սկ, ստ, սպ, շտ, զգ, զբ, սփ** հնչյունակապակցություններից առաջ թույլ լսվող **ը**-ն չի գրվում, օրինակ՝ ^(ը)**սկսել**, ^(ը)**սթափվել**, ^(ը)**ստեղծել**, ^(ը)**սպասել**, ^(ը)**շտապել**, ^(ը)**զգույշ**, ^(ը)**զբաղվել**, ^(ը)**սփռվել**:

Բացառություն են կազմում **սպորդել**, **սփրթնել**, **շտկել**, **ստել** բառերը, որոնցում **ը**-ն բաղաձայնից հետո է արտասանվում, այսպես՝ **ս^(ը)պորդել**, **ս^(ը)փրթնել**, **շ^(ը)տկել**, **ս^(ը)տել**:

2. Բառակազմի **ը**-ն մի քանի բառերում չի արտասանվում, օրինակ՝ **շտեմարան**, **սկուտեղ**, **սպասք**, **Մփյուռք** բառերը պետք է արտասանել առանց բառակազմի **ը**-ի:

1. Բառակազմում արտասանվող **ը** հնչյունը գրվում է միայն **ղ, մ, ն** բաղաձայններից առաջ, օրինակ՝ **ըղձալ**, **ըմբիշ**, **ընկեր**, ինչպես նաև **ըստ** բառում:

2. Բառամիջում **ը**-ն գրվում է, երբ **ը**-ով սկսվող բաղադրիչ կա, օրինակ՝ **խաղընկեր, առընթեր, սրընթաց, օրըստօրե**: Նաև **կ** և **չ** մասնիկներից հետո, այսպես՝ **կընկնի, չընկճվել**:

3. Մյուս բոլոր դեպքերում բառամիջում լսվող **ը**-ն չի գրվում, օրինակ՝ **ջ^(ը)րհոր, կ^(ը)րթություն, անը^(ը)նական**:

Լսվող **ը**-ն գրվում է միայն այն դեպքում, երբ բառի մեջ միակ ձայնավորն է, օրինակ՝ **Մըսր, շըխկ, թըխկ, սըր** «անգլերեն՝ պարոն»:

4. Բառավերջում **ը** հնչյունը գրվում է, երբ արտասանվում է, օրինակ՝ **դառը, խառը, սառը, ինը, տասը, ոչ մեկը, ընդհակառակը, ընդամենը, մեկնումեկը, գիրքը, գրիչը**:

5. Տողադարձի և վանկատման ժամանակ գաղտնավանկի **ը**-ն գրվում է, օրինակ՝ **գըլ-խարկ, մըկ-բատ, դուս-տըր, Մը-կըրտիչ (Մկըր-տիչ)**:



Առաջադրանքներ



1. Անհրաժեշտ տեղերում գրիր **ը** տառը:

Ամենա_նդունակ, գույն_զգույն, ձեպ_նթաց, լուս_նկա, հար_նրիր, չ_րիսկոց, ակ_նթարթ, հյուր_նկալ, առ_նչվել, դաս_նկեր, մակ_նթացություն, չ_նկնել, խոչ_նդուր:

2. ա) Լրացրո՛ւ **ը** տառը այն բառերում, որոնցում անհրաժեշտ է:

*Համ_նթաց, **գահ_նկեց**, գիրկ_նդիսառն, զմ_ոսել, ան_նդունելի, նթերակա, ինքն_սրինքյան, չ_նկճվել, ամենա_նրիր, **մ_թնշաղ, ակ_նդեր**, ան_նդմեջ, **որոտ_նդուտ**, ձ_կնկիթ, ամենա_նդունակ, չ_նդունել, մերթ_նդմերթ, գործ_նկեր, դյուր_մթոնելի, չ_մթոշխնել, **լուս_նկա, ակ_նկոր**:*

բ) Բառաշարքի թավ գրված բառերը գործածիր նախադասությունների մեջ:

3. Վերը բերված բառերից վեցը ենթարկիր բառակազմական վերլուծության՝ նշելով բաղադրիչների արժեքը:

4. Գրիր հետևյալ բառերի հոմանիշները:

Բողբոջ, խմիչք, բաժակ, հասկանալ, անհնազանդ, ցանկալ:



Կենսագրություն

ՀՈՎԻԿ ՎԱՐԳՈՒՄՅԱՆ

(ծնվ. 1940 թ.)

ԵՐԳԸ



Ա

1992 թ. անառվա հունիսը վախի ժամանակ էր: Մեծ ու փոքր փախչում էին:

Շահումյանից մինչև Մարտակերտի շրջան անտառներում մոլորված, ճանապարհը կորցրած մարդիկ էին թափառում: Կամավորական ջոկատը, շրջապատումից խույս տալով, նույնպես թաքնվել էր անտառներում: Հիմնական ուժերի հետ կապը կտրվել էր: Դժվար էր պարզել՝ յուրայինները որտեղ են, որ կողմ են նահանջել: Վախը թափառում էր չորս կողմերում: Արգելված էր կրակ վառել, բարձրաձայն խոսել: Երրորդ օրն էր, ինչ ճարակորեն դուրս էին պրծել թշնամու **ծուղակներից**: Հոգնած էին: Մնունդը վերջացել էր: Նստեցին հանգստանալու: Մննդի վերջին մնացորդներն էին միմյանց հետ կիսում:

Հանկարծ հեռվում ձայներ լսվեցին: Թվաց, թե երեխայի լացի ձայն է: Բոլորը միանգամից անշարժացան: Դարձան լսողություն: Տարօրինակ աղմուկ էր՝ անտառային ձայներին ոչ հատուկ:

– Երևի թշնամին է... ,– շշնջաց զինվորներից մեկը.– գտել են հետքերս...

Վախն ավելի խտացավ: Զինվորները ձեռքերի մեջ սեղմեցին զենքերը, ավելի լարեցին լսողությունը:

Նորից անսպասելի լսվեց երեխայի լացն ու անմիջապես էլ կտրվեց. կարծես մեկը փակեր բերանը: Կասկած չկար՝ անտառում մոլորված հայեր էին թափառում: Երևի իրենց տեսել էին, բայց վախենում էին մոտենալ, թուրքերի տեղ էին դրել: Պարզելու համար հրամանատարը **հետախույզների** մի խումբ ուղարկեց:

– Հայեր են, – վերադառնալով զեկուցեցին հետախույզները,– մեզ նկատել են, կարծում են՝ թշնամի ենք... Չկարողացանք մոտենալ...

– Համոզված եք, որ հայեր են, – ասաց հրամանատարը.– փորձանքի չգանք:

– Հայեր են...– հաստատեցին հետախույզները,– բայց վախեցած են: Եթե մոտենանք, կարող են վախից կրակել: Իզուր տեղը զոհեր կտանք:

Բոլորն ուշադրությամբ լսում էին հետախույզներին: Այդպիսի դեպքեր եղել էին, երբ յուրայինները վախից կրակել էին կամ հակառակորդին յուրայինների տեղ դնելով՝ դարանի մեջ էին ընկել: Զինվորները լռությամբ ծանում էին ուսապարկերի անկյուններում գտնված, ամառային շոգից չորացած հացի կտորտանքը: Բոլորը մտահոգ էին: Թողնել հեռանալ չէր կարելի. գուցե անօգնական փախստականներ են: Մոտենալ նույնպես վտանգավոր էր: Բոլորը խորհրդային զինվորի համազգեստ էին հագնում, նույն զենքերը կրում, թուրքերից շատերը հայերեն էին խոսում: Ամեն ինչ այնպես էր խառնվել, որ հնարավոր չէր յուրայինին թշնամուց տարբերել:

- Շամո են, - հարցրեց հրամանատարը:

- Երևի 30-40 հոգի: Մեծ մասը տարբեր տարիքի երեխաներ են:

- Հարկավոր է ամեն ինչ պարզել: Թեկուզ հենց մեր անվտանգության համար,- վճռականորեն ասաց հրամանատարը:

Նորից լռություն տիրեց: Հեռվից հազիվ լսելի լացի ձայնը կրկնվեց: Երեխաների ձայներ լսվեցին:

- Ճիշտ է, երեխեք են,- հուզված ասաց զինվորներից մեկը,- ծնողներին կորցրած, մոլորված...

Հետո լացի ձայնն սկսեց հեռանալ: Ինչ իմանաս՝ դեպի ուր են գնում...

Զինվորներն սպասում էին հրամանատարի վճռին: Եվ բոլորի համար անսպասելի նա սկսեց երգել.

- Հսկա երկիր էր Հայաստանը մեր,
Բայց ինչքան ասես թշնամիք ուներ...

Զինվորները զարմացած լսում էին: Միթե այդ էր նրա վճիռը: Իսկ նա շարունակում էր երգել.

- Ուս ուսի տված՝ առյուծի նման
Ետ բերենք հողն ու փառքը հավիտյան:

Մի քանիսն սկսեցին ձայնակցել: Հասկացել էին հրամանատարի մտադրությունը: Ապա երգեցին բոլորը.

- Հայեր, միացեք, միացեք, հայեր,
Արցախն է մեզ կանչում, օգնության հասեք:





ԵՐԿԸՆՉՅՈՒՆՆԵՐԻ ԱՐՏԱՍԱՆՈՒԹՅՈՒՆԸ ԵՎ ԳՐՈՒԹՅՈՒՆԸ

Հայերենի երկհնչյունների արտասանությունն ու գրությունը մեծ մասամբ համապատասխանում են, օրինակ՝ կղզյակ, Հրաչյա, հայր, թեյ, բույր, վայրկյան:

Սակայն մի շարք բառերի արտասանության և գրության միջև կան տարբերություններ:

ՅԱ – ԻԱ – ԵԱ

Յա երկհնչյունը **իա** տառերով է գրվում

ա) հայերեն հետևյալ բառերում՝ **հեքիաթ, կրիա, օվկիանոս, խավիար, բամիա, փասիան, օվկիանոս, ալեյուիա,**

բ) մի շարք անձնանուններում և ազգանուններում՝ **Ազարիա, Անանիա, Բենիամին, Բունիաթ, Եղիա, Ալիսիա, Մարիամ, Մարիա, Լիա, Եղիազարյան, Սուրբիասյան** և այլն (բացառություն են՝ **Վանյա, Վոլոդյա, Իլյա** և այլն),

գ) աշխարհագրական անունների վերջում՝ **Ֆրանսիա, Բելգիա, Գերմանիա, Իտալիա, Մեծ Բրիտանիա, Մալաթիա-Մեքասոիա, Նոր Եդեսիա,**

դ) օտար լեզուներից փոխառված բառերում՝ **ակադեմիա, էներգիա, լաբորատորիա, միլիարդ, քիմիա, օլիմպիադա:**

Կանանց օտար անունները գրվում են **յա**-ով, ինչպես՝ **Էլյա, Լիլյա, Օլյա, Սոնյա, Մելանյա, Մարուսյա, Մանյա, Արաքսյա, Եպրաքսյա, Եվգենյա, Երմոնյա:**

Մի քանի անուններ ունեն զուգաձևեր:

Աշխարհագրական անուն

Աղջկա (կնոջ) անուն

Ասիա (աշխարհամաս)

Ասյա

Սոֆիա (Բուլղարիայի մայրաքաղաքը)

Վիկտորյա

Վիկտորիա (ջրվեժ և լիճ)

Սոֆյա

Մի քանի բառերում էլ գրվում է **եա**, ինչպես՝ **Անդրեաս, հրեա, սեանս, իդեալ:**





1. Խմբավորիր արմատի **յ** և ձայնակապ **յ** ունեցող բառերը:

Հայաստան, մայիս, ինսայոդարար, թեյաման, խոյահարել, ծառայողական, կայազոր, կայուն, հայելի, հայհոյել, հնայել, կոյուղի, հոյաշեն, արքայարար, բայական, հնայիչ, բայածն, դերբայական, գարնանային, հայորդի, գոյական, մակբայական, դիմակայել, հայասեր, ենթակայություն, խոյակ, հեռակայել, հոյակապ, մնայուն, նայել, շոյել, սփյուռքահայություն:

Արմատի յ	Ձայնակապ յ

2. Արտագրիր՝ լրացնելով **յա, իա, եա** երկհնչյունները:

Միամն_կ, Ջաքար_, օվկ_նոս, հռոմ_կան, քառ_կ, Վիկտոր_(անձնանուն), այծ_մ, փաս_ն, դասար_րակ, միլ_րդ, բիլ_րդ, Անդր_ս, Սա_թ_Նովա:

3. Լրացրո՛ւ աղյուսակը՝ բառերը տեղադրելով համապատասխան բաժնում:

Հրաչյա, Վիկտորիա, Սոֆյա, Բուլղարիա, Եվրասիա «երկրագնդի ամենամեծ մայրցամաքը», *Գրենլանդիա* «աշխարհի ամենամեծ կղզին», *Նիագարա* «ջրվեժ Հյուսիսային Ամերիկայում», *Բունիաթ, Իյյա, Ասիա, Օֆեյյա:*

Անձնանուններ	Աշխարհագրական անուններ

Բ

Երգի հզոր ալիքները թնդացին անտառապատ լեռներում: Պատերազմի դաժան մեքենան կարծես փոխեց շարժման ուղղությունը: Հայերը ձանաչել էին միմյանց: Կորածները գտնվել էին: Վազելով գալիս էին: Տարբեր տարիքի երեխաներ էին՝ տղաներ ու աղջիկներ՝ բոկոտն, ձղված հագուստներով, կիսամերկ, գզգզված մազերով, նիհարած, բայց վառվող աչքերով: Բոլորից վերջում հայտնվեց մի ծերունի: Վազելուց շունչը կտրվում էր:

Խառնվեցին զինվորներին: Գրկախառնվում էին հարազատի նման: Կարծես փախուստի ձանապարհին կորցրած ծնողներին էին գտել: Զինվորները հացի վերջին փշրանքներն էին բաժանում նրանց: Ծերունուն մի պահ բոլորը մոռացել էին: Իսկ նա նստած ուրախությունից լաց էր լինում:

- Պանյ, ես քու ցավը տանեմ,- ասաց հրամանատարը.- էս քանի երեխա ես փրկել: Էս երեխեքին որտեղից ես գտել ...

- Մեկ-մեկ հավաքել եմ... Պապը ձեր ցավը տանի... Ուղիղ քառասուն ու ինը հոգի: Մոլորված, շշկված, վախից թփերի, քարերի մեջ թաքնված, սովից, ծարավից նվաղած... Մեկ-մեկ գտել եմ, հավաքել... Փրկել եմ... Էս ա, տասն օր առաջ ութսունս լրացավ: Հիմա որ մեռնեմ էլ, ցավ չի... Իմ փոխարեն էս քառասուն ու ինը երեխեքը կապրեն...

Հրամանատարը գրկեց ծերունուն, համբուրեց ձակատը: Ծերունու հանդեպ զինվորները հարգանքով լցվեցին: Անհավատալի էր: Շատերը գլխապատառ փախչում էին, իսկ ծերունին, իր մասին մոռանալով, ուրիշի երեխաներին էր հավաքել, տառապանքի գնով պահել-պահպանել: Երկար օրեր...

- Պանյ, բա որ թուրք լինեինք,- կատակեց զինվորներից մեկը:- Էդ ո՞նց որոշեցիր մոտենալ... Բա որ թուրք լինեինք ու հայերեն երգեինք...

- Ա՛յ բալա,- հանգիստ ասաց ծերունին,- բա թուրքը կարա՞մ հայի երգը հայի նման երգի: Նա իրա բայաթիից դենը բան չունի...

Բոլորը ծիծաղեցին: Երեխաները մոռացել էին և՛ հոգնություն, և՛ քաղց: Հրամանատարը նորից երգեց «Հայեր, միացե՛ք» երգը: Բոլորը միացան երգին, և միասին երգն ավելի հզոր էր հնչում, ավելի մարտական...



Բառային աշխատանք

1. Կարդա՛ և միևնույն նախադասության մեջ գտի՛ր հականիշ բառեր:
2. Կարդա՛ բառերը (բառաձևերը) և բացատրի՛ր, թե ինչու *ե*-ն մի դեպքում *է* ես արտասանում, մեկ այլ դեպքում՝ *ե* (յէ):
Երգ, վառել, ծերունի, սեղմել, երեխա, մեջ, երևի, իննսուներկու, կիսակի, հավաքել եմ:
3. Բաղադրիչների՝ բաժանիր *անտառապար, գլխապտույտ, ուսապարկ, հրամանապար* բառերը: Նրանց արմատներով նոր բառեր կազմիր:

4. ա) Առանձնացրո՛ւ հետևյալ բառերի ածանցները:

Ծերունի, փշրանք, ութուն, մարտական:

բ) Այդ ածանցներին արմատներ ավելացնելով՝ բառեր կազմիր:

5. Բնագրում գտիր համեմատության օրինակ: Նշիր համեմատվող առարկաները:

6. Բառարանում գտիր տեքստի կարմիր գրված բառերի բացատրությունը և այդ բառերը գործածիր պատմելիս:



Տեքստային աշխատանք

1. Ո՞ր կերպարը հավանեցիր, ինչո՞ւ:
2. Բնութագրիր հրամանատարին և ծերունուն: Նշիր նրանց արարքների խորհուրդը:
3. Ձեր բարեկամներից ովքե՞ր են մասնակցել Արցախյան պատերազմին: Պատմիր նրանց մասին:
4. Գրքերից և կինոնկարներից հիշիր նման իրավիճակներ:
5. Գնահատիր հերոսների վարքագիծը և արտահայտիր քո վերաբերմունքը: Ո՞րն է իսկական հայրենասերի քո պատկերացումը:
6. Ի՞նչ է երգը: Ի՞նչ ազդեցություն է թողնում երգը մարդու ներաշխարհի վրա:
7. Հայրենասիրական ի՞նչ երգեր գիտես: Կատարիր դրանցից մեկը:
8. Երգը՝ իբրև արվեստի գործ, համեմատիր կտավի հետ: Ի՞նչ նմանություններ և տարբերություններ ես տեսնում:



ՈՒՅ – ՅՈՒ

Ույ և **յու** երկհնչյունները ինչպես արտասանվում, այնպես էլ գրվում են, օրինակ՝ **բույր**, **ընկույզ**, **հյուր**, **ձյուն**, **արյուն**, **Սյունիք**, **Ծովագյուղ**:

Պետք է զգույշ լինել բառի մեջ ավելորդ **յ** ներմուծելուց: Արտասանել **սյունակ**, **աղյուսակ**, **պայուսակ**:

Երկհնչյունների հնչյունափոխությունը

յա-ե

ատյան-ատենակալ
պատյան-պատենավոր
վայրկյան-վայրկենաչափ

ույ-ու

բույր-բուրավետ
հույս-հուսահատ
լույս-լուսավոր

ույ-ը սղվում է
սառույց-սառցակալել
պտույտ-պտտահողմ
կապույտ-կապտել



Առաջադրանքներ



- Լրացրո՛ւ *յ* ձայնակապն այն բառերում, որոնցում անհրաժեշտ է:
Վա_րկյան, Հոփփսիմե_ի, հո_ակապ, մնա_ուն, ծառա_ի, շո_ել, է_ակ, մի_ասնություն, ազգա_ին, թե_աման, Սերգե_ի, վերարկու_ով, ջղա_ին, կարդա_ի, Սարո_ի, ինա_ել, Նա_իրի, արքա_որդի, այրուծի_ի, բո_պե_ով, սյուն_ակ:
- Արտագրի՛ր՝ լրացնելով *ույ*, *յու* կամ *ու*:
Վիրաբ_ժ, հար_ր, ուիրադր_ժ, ձ_նաձերմակ, արամնար_ժարան, ս_նակ, ք_րավոր, ք_րավեր, համբ_ր, ալ_ր, լուծ_թ, համ_թ, հ_սալի, մ_ս, լ_սավոր, Վր_ր:
- Նախադասություններում գործածի՛ր հետևյալ բառազույգերը՝
ա) *բյուր-բույր*, բ) *թույր-թյուր*, գ) *հույս-հյուս*:
- Լրացրո՛ւ բաց թողնված *ույ* կամ *յու* երկհնչյունները և խմբավորի՛ր աղյուսակում:
Հնչ_ն (գոյական), *մ_ս, առ_ծ, աղ_սակ, ալ_ր, պս_սակ, կապ_տ, հ_ր, ընկ_զ, ողջ_ն, ձ_թ, զգ_շ, ս_նակ, ք_ր, ք_ր, հ_ս, հ_ս, ս_ն, ս_ն, ողջ_ն, աշխ_ժ, շառաչ_ն* (գոյական):

ույ	յու




ՈՅ, ՅՈ – ԻՈ

Հայերենում և օտար մի շարք բառերում լսվում է **ոյ**, գրվում է **ոյ**, ինչպես՝ **խոյ**, **գոյ**, **Նոյ**:

Հայերեն և օտար մի շարք բառերում լսվում է **յո**, գրվում է **յո**, ինչպես՝ **յոթ**, **արդյոք**, **ընտանյոք**, **յող**, **Պյոտր**:

Մի շարք բառերում լսվում է **յո**, գրվում է **յո**, այսպես՝ **նաղյո**, **հետյոտն**, **միլյոն**, **բրաբյոն**:

Մի քանի բառերում լսվում է **յո**, գրվում է **եո**, ինչպես՝ **թեո-րեն**, **քամեյեոն**, **Նապոլեոն**:



Առաջադրանքներ



1. Գրիր՝ լրացնելով **ոյ**, **յո**, **յո** երկհնչյունները:

Չեմայ_ն, ամբ_ն, _դ, քսան_թ, օր_րդ, նաղ_տուն, բրաբ_ն, ն_եմբեր, ամբ_ն, գ_ամարտ:

2. Լրացրո՛ւ բաց թողնված **ոյ**, **յո**, **յո** կամ **եո** երկհնչյունները:

Ռաղ_թարրոն, արդ_ք, գ_ական, ի_ակ, _թական, ի_ընթաց, թ_րեն, քամեյ_ն, լեզ_ն, Նապոլ_ն, նաղ_կայան, միլ_ն, մարմար_ն:

3. Արտագրիր և դնուրս գրիր երկհնչյուն ունեցող բառերը՝ ընդգծելով երկհնչյունը:

Ամառային լուսնկա գիշեր էր: Հարավից փչում էր մեղմօրոր սյուրք: Լուսնի անրջային լույսով էր ողողված Ձիթավի ընդարձակ դաշտավայրը, որ մեղմորեն փռվել էր շղարշային կաթնամշուշի մեջ: Հազիվ էր նշմարվում հայոց սրբազան գետը՝ հեքիաթային Արածանին: Թվում էր՝ անդորրություն է ամենուրեք, բայց դա սուսկ երևութական էր:

Հայոց գորքը բանակել էր այդտեղ՝ Արածանիի ափին: Երկու շքեղ վրան առանձնանում էին մյուսներից. մեկը Պապ թագավորի վրանն էր, մյուսը՝ Մուշեղի՝ հայոց սիգապանծ սպարապետի: Բոլորը քնած էին, և միայն կտրիճ պահապաններն էին հսկում բերդի ապահովությունը: Խավարչտին գիշերվա խորհրդավոր լռությունը խախտում էր միայն եղեգների միօրինակ խշշոցը:

ԱՄՓՈՓԻՉ ԱՌԱՋԱԴՐԱՆՔՆԵՐ


1. Տրված բառերից յուրաքանչյուրի համար կազմիր հոմանշային և հականշային շարքեր:

Ականակիր, ունայն, հոծ, պարարտ, դաժան, քաջ, ջանասեր, վրիպ, պայծառ, մեղմ:

Նմուշ՝ **մեղմ**–թույլ, **խիստ**:

2. Դ՛նուրս գրիր հականիշ զույգերը.

Այնպես ես գալիս, այնպես ես գնում,
Ո՛վ դու, արարո՞ղ և ավերի՛չ,
Որ դժվար է մարդ գլխի ընկնում՝
Բերածդ ի՞նչ էր, տարածդ՝ ի՞նչ:
Գալիս ես որպես իրարանցում,
Անց ես կենում որպես երազ...



3. Արտագրիր, կետերի փոխարեն ավելացրո՛ւ հականիշ բառեր և ստացիր առած–ասացվածքներ:

1. հետ քար քաշի՛ր, հետ փլավ մի՛ ուտի:
2. գիտես,խոսիր:
3. Խոսքը՝, ջուրը՝
4. Մազը՝, խելքը՝

4. Տրված բառաշարքից դ՛նուրս գրիր բառեր, որոնք ունեն համանուններ, բացատրի՛ր նրանց իմաստները. դրանցից վեցը գործածի՛ր նախադասությունների մեջ:

Բարձր, մարտ, հարկ, փոքր, այր, գազաթ, գոլ, քանոն, քաջ, ակ, բույթ, մանր, գեղեցիկ, ցող, շահ, աղոյր, երջանիկ, ծամ, վճիպ, շրջել, սեր, ձերմակ, դաս, հոյր, չար, մոտիկ, ծաղիկ, գունդ, անարգել:

5. Բացատրի՛ր տրված բառերի նշանակությունը և դրանցից յուրաքանչյուրով կազմի՛ր նախադասություններ՝

ավանդություն – ավանդույթ, ցնծալ – ցնցվել,
պճնանք – պշրանք, քառյակ – քառատող:

6. Տրված բառերն իրենց ուղիղ և փոխաբերական իմաստներով գործածիր նախադասությունների մեջ:

Մոլախոտ, սասրղ, ճանապարհ, երես, օղ, խաղաղ, քաղցր:



Լրացուցիչ նյութ

ԲԱԺՆԻ ՈՒՍՈՒՅՄԱՆ ՎԵՐՋՆԱՐԴՅՈՒՆՔՆԵՐԸ

«Ականջ դնենք հեղափոխությանը» բաժնի ուսումնասիրությունն ավարտելուց հետո դու կկարողանաս հասկանալով կարգալի տեքստը, մատնանշել պատմվող դեպքերի հաջորդական ընթացքը:

Կկարողանաս առանձնացնել տեքստում գլխավոր միտքն արտահայտող, հերոսներին բնութագրող բառերը, բառակապակցությունները, նախադասությունները:

Կկազմես տեքստի պլան, կմշակես հարցեր, կվերաշարադրես տեքստը ըստ պլանի, հարցերի կամ սրտեղծագործարար:

Համեմատելով կվերլուծես արձակ և չարտադր, գրական և ոչ գրական տեքստերը, եզրահանգումներ կանես թեմայի վերաբերյալ:

Կտարբերակես բառերն ըստ ձևի և իմաստի հարաբերության, մենիմաստությունը և բազմիմաստությունը, բառի ուղիղ և փոխաբերական իմաստները:

Կկազմես կապակցված խոսք՝ տեղին կիրառելով բառերի տարբեր տեսակները՝ ըստ ձևաիմաստային խմբերի, ըստ կազմության առանձնահատկությունների:


ԵՎ ԱՅՍՊԵՍ
ՀՅՈՒՍՎՈՒՄ Է ԻՄ ԵՐԳԸ



ԲԱԺՆԻ ՈՒՍՈՒՅՄԱՆ ՆՊԱՏԱԿՆԵՐԸ

«Եվ այսպես հյուսվում է իմ երգը» բաժնում ուսումնասիրվող թեմաները կնպաստեն քո՝ բանաստեղծության փնտրելու արտահայտիչ, հասկանալով կարդալու, զգացողություններն արտահայտելու, խորհրդանիշները բացատրելու, բառերը, պարկերավոր արտահայտությունները կիրառելով՝ կապակցված խոսք կազմելու կարողություններ ձևավորելուն և զարգացնելուն:

Կզարգացնես ուղղախոսական և ուղղագրական կանոնների, օրինաչափությունների իմացությունդ և դրանց ձիջար կիրառությունը խոսքի մեջ:



ԻՆՉ Է ԲԱՆԱՍՏԵՂԾՈՒԹՅՈՒՆԸ

Բանաստեղծությունը չափածո ստեղծագործություն է: Աշխարհի, բնության ու մարդկային հարաբերությունների արձագանքը բանաստեղծի հոգում ծնում են մտքեր ու ապրումներ: Շրջապատի, հայրենիքի ու մարդկության հույզերը, ուրախությունները, տագնապները դառնում են բանաստեղծության թեմաներ: Պատահական չէ, որ չափածոյով գրող հեղինակին անվանում են **բանաստեղծ** (բան, խոսք ստեղծող):

Մորս սրտի հետ աշխարհն եմ չափել,
Էլի մեծ էր նա, մեծ էր ու անգին,
Արև աչքերի լույսն է նա թափել՝
Լուսնյակ դառնալով որդոց օրոցքին...
Եվ հիմա քիչ է, թե աչքերս տամ,
Թե սիրտս հանեմ ու տամ մայրիկիս,
Ա՛խ, մայր երգելուց ինչպե՞ս կշտանամ,
Մայրս պատկերն է մայր հայրենիքիս:

Հովհաննես Շիրազ



Կենսագրություն

ՄԱՐՈ ՄԱՐԳԱՐՅԱՆ
(1915-1999)



* * *

Մագաղաթի սրբությունով
 Ու մաքրությամբ ծաղկաներկի
 Արվեստ եղար, երազ ու երգ՝
 Քո սրբացած հիմք ու հունով.
 Մատյաններով քո **լուսաթերթ**,
 Քո **սիրախենթ** պատմությունով,
 Իմ **ժայռակող** փոքրիկ երկիր:
 Քո կրակի սուր ձևերով,
 Քանդակներով ու **քիվերով**
 Եղար փլչող գեղեցկություն
 Ու քարեղեն տողեր երգի:
 Ծաղկիր հիմա, իմ սեր, իմ լավ,
 Ելած մթին անդունդներից,

Ճամփաներից **հազարադավ**:
 Դարեր անցիր օրերի մեջ,
 Ցավերդ խոր սերերի մեջ,
 Առաջնորդիր զավակներիդ
 Կայաններով **լուսակատար**,
 Հրաշքներով հորինումի.
 Անդունդներիդ եզրին **անտակ**
 Շարիր նորից քիվ ու քանդակ,
 Մատյաններդ լցրո՛ւ լույսով
 Ու քո քարոտ հողը հերկիր
 Մագաղաթի սրբությունով
 Ու մաքրությամբ ծաղկաներկի:



Քառային աշխատանք

1. Գրիր **մայրյան** բառի տարբեր իմաստներ: Կազմիր դրանցով նախադասություններ:
2. Դ՛նուս գրիր **լույս** արմատով երկու բառ: Երկրորդ բաղադրիչներով բառեր կազմիր՝ նշելով նրանց կազմությունը և բաղադրիչները:
3. Բացատրիր **ծաղկաներկ** և **ժայռակող** բառերի կազմությունը:
4. **Ծաղկաներկ** բառի արմատներով ածանցավոր և բարդ բառեր կազմիր:
5. Գտիր **քար** բաղադրիչով բառեր: Բացատրիր իմաստները:
6. Դ՛նուս գրիր **-ություն** վերջածանցով երեք բառ: Նշիր դրանց արմատները:



7. Մատնանշիր *սրբություն, մաքրություն, ծաղկաներկ, փլչող, գեղեցկություն* բառերի շեշտագուրկ բաղադրիչի հնչյունափոխությունը:
8. Դ՛նրս գրիր տեքստի բոլոր հնչյունափոխված բառերը, բացատրիր հնչյունափոխությունը:
9. Գտիր մակդրային կապակցություններ: Դրանք գործածիր նախադասությունների մեջ:
10. Կազմիր նկարագրական խոսք՝ կիրառելով տրված բառերը: *Մագաղաթ, մայրյան, պարմություն, ժայռակոփ, երկիր, դարեր, անդունդներ, հերկել:*
11. Բառարանում գտիր տեքստի կարմիր գրված բառերի բացատրությունը և կիրառիր պատմելիս կամ գրավոր խոսքում:



Տեքստային աշխատանք

1. Որոշիր բանաստեղծության հիմնական միտքը, բանալի բառերը և հիմնավորիր:
2. Առոգանությամբ կարդա՛ բանաստեղծությունը, հասկանալի ձևակերպիր մտքերդ և պատմիր քո զգացումների մասին:
3. Մնջախաղով, ժեստերի լեզվով հաղորդիր նյութի բովանդակությունը:
4. Հիշիր հերոսական դրվագներ Հայաստան երկրի պատմությունից:
5. Ներկայացրո՛ւ Հայաստանի քաջ զավակների սխրանքները:
6. Նշիր այն տողերը, որոնք կրկնվում են. բացատրիր նպատակը:
7. Բանաստեղծությունը բաժանիր հատվածների և վերնագրիր նրանց բովանդակությանը համապատասխան: Հիմնավորիր ընտրությունդ:
8. Արձակ շարադրանքով պատմիր ստեղծագործության բովանդակությունը այլ անձի բերանով:
9. Դասանյութի բովանդակությանը համապատասխան նկարագրողումներ արա (ծեփիր կամ ձեռքի այլ աշխատանքներ արա):
10. Բանաստեղծության համար ընտրիր համապատասխան երաժշտություն և բացատրիր նրանց ներդաշնակության հիմքերը:
11. Գնահատիր քնարական հերոսի վարքագիծը և արտահայտիր քո վերաբերմունքը:



12. Բանաստեղծության բովանդակությունից ելնելով՝ ձևակերպիր հետազոտության հարցը, նպատակը, հիմնախնդիրը: Պլանավորիր և գրառիր կատարելիք քայլաշարը (նախագծային աշխատանք):
13. Գտիր եզրակացությունն արտահայտող տունը: Մեկնաբանիր՝ ինչ խորհուրդ ունի բանաստեղծության միտքն ամփոփող եզրակացությունը:



ՏՈՒՆ

Բանաստեղծական տունը իրար հետ սերտ կապված մի քանի տողերի միասնությունն է: Տողերը հիմնականում իրար հետ կապվում են համահունչ վերջավորություններով:

Բանաստեղծական տան ամենապարզ ձևը երկու տողից կազմված միտքն է: Կան նաև եռատող տներ: Ամենատարածված տեսակը **քառատողն** է, որն ավելի ամբողջական է ներկայացնում արտահայտված միտքը կամ պատկերը:

Օրինակ՝

ՄԵՐ ՀՈՂԸ


Մեր հողը լեզենդ է, առասպել,
Սասնաբառ էպոսն է մեր կյանքի,
Մեր հողը Նահապետ մեր Հայկն է,
Պսակն է Վարդանանց սխրանքի:

Մեր հողում ամեն ծառ հայ պապ է,
Հայ հայր է, հայ եղբայր ու որդի,
Թռռներին փայփայող հայ տատ է,
Մեր սիրտն է նժդեհված մի ոգի:

(Սուրսար Խանյան)

Հազվադեպ լինում են նաև 5, 6, 7 և ավելի տողերից բաղկացած տներ:

Հաճախ էլ բանաստեղծությունները կանոնավոր կառուցվածք չեն ունենում: Ժամանակակից հեղինակները գրում են նաև ազատ ոտանավորներ:





Առաջադրանքներ

1. Կարդա՛վ ժամանակակից գրողների մանկապատանեկան բանաստեղծություններից և որոշի՛ր՝ դրանք ինչ տներից են կառուցված:
2. Դրանցից մեկ-երկուսը ներկայացրո՛ւ ընկերներիդ:



ԱՐՏԱՇԵՍ ՂԱԶԱՐՅԱՆ

(ծնվ. 1955)



Կենսագրություն

ՀԱՅԱՍՏԱՆ

*Մարտիրոս Մարյանի
հիշատակին*


Սա այն երկիրն է, որ կորցրել ենք,
 Սա այն երկիրն է, որ նորից գտանք:
 Սա այն երկիրն է, ուր բարձրյալը
 Նախաստեղծ կավից արարում էր կյանք:

Ճեփ-ձերմակ ամպեր կապույտ երկնքում...
 Ուր որ է պիտի հրաշք կատարվի:
 Հեռվում սքողված արարման **ակունք**,
 Արոր ու ակոս՝ հերկած կտավին:

Ծաղկած տանիքին պար բռնած ծոեր,
 Հողն իրենով է Լույսը երիզել...
 Կարմրաքար վանք ու թզենու ծառեր,
 Հասունացել ու կաթում է թուզը:



Ձորի պոնկից կախված խաչքարեր,
Այրվող խնկի ծառ՝ դեղին կտավին:
Բերդապարսպին՝ մեսրոպյան գրեր,
Բերդապարսպին՝ քանդակված **տավիղ**:



Սա այն երկիրն է, որ կորցրել ենք,
Երկիրն այն, որ մենք փնտրեցինք երկար:
Սա այն երկիրն է, ուր մեր անցյալը
Հավերժից հառնում, դառնում է ներկա:



Բառային աշխատանք

1. Բնագրում գտիր **ու** ձայնավորի հնչյունափոխությանը վերաբերող բառեր:
2. Բացատրիր՝ ինչ է նշանակում **արարել**: Թվարկիր՝ ինչ է արարում մարդը:
3. **Կարմրաքար** և **բերդապարիսպ** բառերի արմատներով նոր բառեր կազմիր:
4. **Նախասրեղծ**, **ձեփ-ձերմակ**, **ակունք**, **կարմրաքար**, **թզենի**, **խաչքար**, **բերդապարիսպ**, **մեսրոպյան** բառերը ենթարկիր բառակազմական վերլուծության:
5. Տեքստում գտիր հականիշ բառերի երկու գույգ և դրանցով նախադասություններ կազմիր:
6. Դ՛նուս գրիր գույների անուններ պարունակող կապակցությունները: Դրանք գործածիր նախադասությունների մեջ:
7. Տեքստից ընտրիր, դ՛նուս գրիր և խմբավորիր պատկերավորման-արտահայտչական միջոցներ պարունակող բառերն ու արտահայտությունները: Բացատրիր դրանց դերը տեքստում:
8. Կապակցված խոսքի մեջ նոր իմաստային նրբերանգներով կիրառիր ուսումնասիրված տեքստերից ընտրված պատկերավորման միջոցները:
9. Բառարանում գտիր տեքստի կարմիր գրված բառերի բացատրությունը, հարստացրո՛ւ բառապաշարդ:

10. Ուսումնասիրված բոլոր թեմաներից հավաքե՛ք և կազմե՛ք մակդիրների, համեմատությունների ձեռագիր կամ տպագիր բառարան (նախագծային աշխատանք):



Տեքստային աշխատանք

1. Ներկայացրո՛ւ բանաստեղծության կառուցվածքը:
2. Պարզի՛ր տեքստի հիմնական միտքը, բանալի բառերը:
3. Առոգանությամբ կարդա՛ և արձակ շարադրանքով ներկայացրո՛ւ բանաստեղծության բովանդակությունը:
4. Ի՛նչ հույզեր, զգացումներ ունեցար բնագիրը կարդալիս: Հիշի՛ր դրվագներ հայոց պատմության էջերից:
5. Տեքստում գտի՛ր եզրահանգումն արտահայտող նախադասությունը, դո՛ւրս գրի՛ր, քննարկի՛ր այն ընկերներիդ հետ:
6. Մեկնաբանի՛ր՝ երբ ենք կորցրել ու գտել մեր երկիրը: Ի՛նչո՞ւ:
7. Ո՞ր տունն է հոգուդ հարազատ: Ընտրությունդ հիմնավորի՛ր:
8. Դիմի՛ր երևակայությանդ և նկարի միջոցով ներկայացրո՛ւ ընտրածդ տունը:
9. Սա բանաստեղծություն–բնապատկեր է: Փակի՛ր աչքերդ և լսի՛ր երաժշտությունը: Ի՛նչ ես լսում և զգում: Պատմի՛ր այդ մասին:
10. Նկարիչներից ո՞ւմ կտավի՛ն է ներդաշնակում այս բանաստեղծությունը:
11. Մարտիրոս Սարյանի մասին հաղորդո՛ւմ պատրաստի՛ր՝ օգտվելով այլ աղբյուրներից:



ԲԱՂԱՁԱՅՆ ՀՆՁՅՈՒՆՆԵՐԻ ԱՐՏԱՍԱՆՈՒԹՅՈՒՆԸ ԵՎ ԳՐՈՒԹՅՈՒՆԸ

Բ-Պ-Փ

1. Մի շարք արմատներում և դրանցից կազմված որոշ բառերում **բ**-ից, **մ**-ից և ձայնավորից հետո **փ** հնչյունը լսելիս գրվում է **բ** տառը, ինչպես՝ **դարբին, երբ, լիբբ, հարբել, որբ, սուրբ** (սրբել), **սրբիչ, նուրբ, ուրբաթ** (ուրբաթախոս), **համբերել, համբույր, արխազ, Գաբրիել, Հակոբ, Սերոբ, Քերոբ, իբր, խաբել, շաբաթ**:

2. Մի քանի բառերում արտասանվում է **խպ**, գրվում է **դբ**, ինչպես՝ **աղբ**, **աղբյուր**, **եղբայր**, **ողբ**:

3. Բառի բոլոր դիրքերում **բ**-ն, **պ**-ն և **փ**-ն արտասանվում են այնպես, ինչպես գրվում են, օրինակ՝ **բորբ**, **ամբողջ**, **բամբակ**, **սերբ**, **բորբոս**, **գրաբար**, **ռուբ**, **ամպ**, **ամպրոպ**, **ապշել**, **րոպե**, **պատշգամբ**, **կողպեք**, **ճամպրուկ**, **վիրապ**, **ամփոփել**, **արփի**, **ափսե**, **խափշիկ**, **հափշտակել**, **սփոփել**, **փրփուր** և այլն:



Առաջադրանքներ



1. Լրացրո՛ւ **բ**, **պ** կամ **փ** տառերը:

Դար_նոց, թ_րտալ, երեսար_իչ, Ծո_ք, ուր_աթախոս, Վիրա_(անծնանուն), Փար_ի, Կար_ի, Ար_ի, հա_շտապ, հա_շտակել, թ_ուր, ոսկեծո_, ջրար_ի, սրտատրո_, ա_շել, ձեր_ակալել, լրա_եր, եր_կիցե, աղ_յուր, շերե_ուկ, եր_եմն, Ար_խար, նր_անկար, սր_արեղի:

2. Արմատների միացումով կազմիր նոր բառեր:

Շաբաթ + թերթ, նուրբ + թել, սուրբ + պարկեր, խումբ + նկար, խաչ + եղբայր, ալի + ծուփ, դափնի + վարդ, ըմբիշ + մարտ, աղբ + արկղ, թմբուկ + թաղանթ, հույս + խաբ, Գեղ + ասի, Բամբակ + շար, Կարճ + աղբյուր:

3. Գրիր անձնանուններ, որոնք վերաբերում են **բ-պ-փ** բաղաձայնների ուղղագրությանը:

4. Փորձիր գրել պատմություն՝ օգտագործելով հետևյալ բառերը:

Շաբաթ, խումբ, լողափ, բորբ, արփի, րոպե, կոփվել, փրփուր, ափսե, ապշել, երփներանգ, աղբյուր, գամփո:

5. Տրված բառերը խմբավորիր ըստ **բ**, **պ** կամ **փ** բաղաձայնների ուղղագրության:

Խա_ուսիկ, հորեղ_այր, փր_բել, եր_եմն, բամ_ել, գրա_ար, խա_ել, գամ_ո, ամփո_ել, ճամ_ա, բամ_ակ, դիպմամ_, համ_ուրել, ար_ի, եր_ներանգ, փր_ուր, նր_անցք, սր_ել, ի_րև, Կող_, ող_, Գա_րիել, եր_եր,

աղ_արկղ, դյուրաբոր_ոք, խա_շիկ, ցայտաղ_յուր, ոսկեծո_, ջրար_ի, հար_ուխ, բա_ախել, թա_առել, խա_ուսիկ, ալեծո_, ար_ել, համ_երա-
 փար, ամ_ողջ, սր_ագրել, նր_առճ, սուր_, խարխա_ել, հա_շփակել,
 հա_ձեպ, փա_ագ, պա_ակ, հա_շփա_, խա_անել, կա_արիչ:

Բ	Պ	Փ

6. Կազմիր նախադասություններ *կապկպել, կափկափել* բառերով:
7. Փակագծում տրված բառերում ավելացրո՞ւ բաց թողնված *բ, պ, փ* բաղաձայնները և տեղադրիր տեքստի համապատասխան նախադասություններում:

(ոսկեծո_, ա_շել, հա_շտակված, հա_շտա_, երկնահու_, եր_նավառ, եր_նիցե, եր_նէ, եր_ներանգ, ձեր_ագատված)


_____ նայում էինք Արագածի _____ կատարներին:
 _____ չէինք տեսել այդքան _____ ծաղիկներ, _____
 այդպես չէի _____ բնության պերճանքից: Լեռնագագաթների
 ձեփ-ձերմակ ձյունը, դեպի հարթավայրերը _____ հոսող գե-
 տակները, _____ մարգագետինները, _____ ալպյան
 կանաչը, խիտ թփուտները, մեղմ սյուրփի համբույրը շլացրել էին մեզ:
 _____ քաղաքի օդից՝ ըմբռշխնում էինք նրբագեղ բնության
 պատկերները:

8. Ամբողջացրո՞ւ հոմանիշների շարքը:

- ա) արև, արեգակ,
- բ) սևամորթ, եթովպացի,
- գ) ճանապարհ, ուղի,
- դ) ծարավ, տոչոր,

9. Հիշիր անցած դասերի վերնագրերը: Խաչբառը լուծելու համար համապատասխան համարների դիմաց պիտի լրացնես գրական ստեղծագործությունների համապատասխան բառերը: Ճիշտ լրացնելուց հետո կարմիր վանդակներում կկարդաս հայալեզու առաջին տպագիր գրքի անվանումը:

1. «Որսորդ.....» (Ի. Կոխլով):
2. «Ոսկի ...»:
3. «Մեր պատմություններ»:
4. «.....» (Արտաշես Ղազարյան):
5. «..... » (Վիգեն Խեչումյան):
6. «....., հեռախոսի ու համակարգչի վեճը» (Աննա Ադամյան):
7. «.....» (պատմվածք) (Հ. Թումանյան):
8. «.....» (Էդմոնդո դե Ամիչիս):
9. «..... վեճը» (Հ. Շիրազ):
10. «... մարդը» (Հ. Թումանյան):



Կենսագրություն

ՀԱՄՈ ՍԱՀՅԱՆ
(1914-1993)



ՈՐՈՏԱՆԻ ԿԻՐՃՈՒՄ

Ես չգիտեմ՝ ինչի մասին
Եվ ինչու են վիճում
Ծիծեռնակներն այս մայիսին
Որոտանի կիրճում:

Իսկ մյուսը նրան հերքում
Եվ չի ուզում ներել.
– Գարուն է միշտ այս եզերքում
Գարունն է մեզ բերել:

Ո՛վ իմանա՝ ինչ են թողել
Հեռու ճանապարհին,
Գուցե մեկի մայրն է կորել,
Մեկի քնքուշ **մարին**:

Ես ուզում եմ միջամտել
Նրանց հուզված վեճին,
Ասել.– Ապրե՛ք, լավ եք գտել
Պատասխանը վերջին:

Գուցե մեկը պնդում է թե՛
Անցած լեռներ ու ծով՝
Մենք ենք բերել
գարունն այստեղ
Ուրախ ծվլոցով:

Բայց չգիտեմ՝ ինչի մասին
Էլ ինչու են վիճում
Ծիծեռնակներն այս մայիսին
Որոտանի կիրճում:





Բառային աշխատանք

1. Լրացրո՞ւ տրված բառերի բաց թողնված տառերը:
Կիր_, վի_ել, հեր_ել, մի_ամերել, վեր_ին:
2. Բնագրում գտի՞ր *հեռավոր, ուղի, զվարթ* բառերի հոմանիշները:
3. Գտի՞ր որն է *վիճել* բառի արմատը: Բացատրի՞ր հնչյունափոխությունը:
4. Շարադրանք հյուսիր՝ օգտագործելով *գարուն, եզերք, կիրճ, ծիծեռնակ, ծլվյոց* բառերը:
5. Կազմի՞ր *հերքել, հեռու, քնքուշ, վիճել, ուրախ* բառերի հոմանշային և հականշային շարքերը:
6. Վերականգնի՞ր *միջամերել* բառի անհնչյունափոխ արմատները և դրանք գործածի՞ր նախադասություններում:
7. Բառարանում գտի՞ր *մարի* բառի բացատրությունը: Նշի՞ր՝ ինչպես են անվանում արու թռչունին:
8. Գրի՞ր շարադրություն՝ «Իմ երկրի բնաշխարհը» վերնագրով:



Տեքստային աշխատանք

1. Կարդա՛ և ստեղծագործաբար վերարտադրի՞ր բանաստեղծության բովանդակությունը՝ կիրառելով սովորած բառերը ու պատկերավոր արտահայտությունները:
2. Բնագրից դուրս գրի՞ր գլխավոր գաղափարն արտահայտող նախադասությունը, մեկնաբանի՞ր:
3. Նշի՞ր՝ գարունը ինչ տրամադրություններ և հույզեր է ծնում: Տարվա ո՞ր եղանակն են սիրում:
4. Պարզաբանի՞ր՝ ինչո՞ւ են վիճում ծիծեռնակները: Արդարացի՞ է նրանց վեճը:
5. Ըստ քեզ՝ որն է վեճի պատասխանը. ծիծեռնակներն են բերել գարունը, թե՞ գարունն է ծիծեռնակներին բերել: Քննարկի՞ր:
6. Ուշադրություն դարձրու բանաստեղծության կրկնվող տներին: Դրանք ինչո՞ւ են կրկնվում:
7. Որտանը գետ է Սյունիքի մարզում, Արաքս գետի ձախ վտակն է: Ներկայացրո՞ւ տեղեկություն գետի մասին:

8. Քո բառերով արձակ վերարտադրիր բանաստեղծությունը:
9. Գրավոր շարադրիր բնագրում պատկերված շրջապատող միջավայրը, բնությունը:
10. Նկարիր բանաստեղծությունը քո պատկերացմամբ:
11. Օտար լեզվից հայերեն թարգմանիր որևէ պարզ տեքստ՝ արժևորելով մայրենի լեզվի բառիմաստային և բառակազմական հնարավորությունները թարգմանություն կատարելիս:



ՌԻԹՄ

Ռիթմն ընդհանրապես հավասար միավորների կանոնավոր, պարբերական և համաչափ կրկնություն է, որը բնորոշ է ն՝ բնության երևույթներին, ն՝ արվեստի որոշ տեսակներին (երաժշտություն, պար, չափածո խոսք): Ռիթմիկ բնույթ ունեն սրտի աշխատանքը, Երկրի պտույտը Արեգակի և իր առանցքի շուրջը, մեխանիզմների աշխատանքը և այլն:

Մեծ է ռիթմի դերը չափածոյում: Այն նախևառաջ հենց ռիթմով է տարբերվում արձակ խոսքից, որը բաղկացած է կապակցություններից և նախադասություններից: Չափածոն բացի այդ տարրերից պարունակում է նաև որոշ հավասար միավորներ, որոնց կանոնավոր և պարբերական կրկնությունից էլ առաջանում է բանաստեղծության ռիթմը: Ռիթմի հիմնական միավորը բանաստեղծական տողն է:

Հայ պոեզիայում ռիթմը հիմնականում առաջանում է տողերի կրկնությունից, որոնց վանկերի թիվը հավասար է: Օրինակ, Խաչիկ Մանուկյանի «Դառնամ թռչուն» ստեղծագործության տողերի ռիթմը առաջանում է նրանից, որ բոլորն էլ ունեն հավասար թվով վանկեր (1-ին և 3-րդ տողերը՝ ութ վանկ, 2-րդ և 4-րդ տողերը՝ վեց վանկ):

Ա՛յ, թե մի օր դառնամ թռչուն,
Երկնքով մեկ թռչեմ,
Հետո իջնեմ սաղարթի մեջ,
Շեփորի պես հնչեմ:

Առավոտն իմ երգով բացեմ,
Լույսն ինձ ասի՝ բարև,
Գամ, կտուցով թուշդ կծեմ,
Հայաստանի՛ արև...



Առաջադրանքներ

1. Կարդա՛վ ժամանակակից գրողների մանկապատանեկան բանաստեղծություններից և որոշի՛ր յուրաքանչյուր տողի վանկերի քանակը: Դրանցից մեկ-երկուսը ներկայացրո՛ւ ընկերներիդ:
2. Բանաստեղծության մեջ գտի՛ր և մատնանշի՛ր հնչյունական արտահայտչամիջոցները՝ հանգ, ռիթմ: Բացատրի՛ր դրանց դերը տվյալ բանաստեղծության մեջ:
3. Տեքստից դո՛ւրս գրի՛ր պատկերավորման միջոցները և նշի՛ր տեսակը:
4. Կարդացածդ տեքստի համար ընտրի՛ր միանման հույզ, ապրում առաջացնող խորհրդանիշներ (երաժշտություն, գույն):
5. Գրի՛ր հանգավորված ակրոստիքոս քո անվան տառերով:




ԳԵՎՈՐԳ ԷՄԻՆ
(1919-1998)



Կենսագրություն

ՄԵՐ ԱՅԲՈՒԲԵՆԸ

Այբուբեն չէ սա,
 Բերդ է **անմատույց**,
 Գանձ է աննվաճ.
 Դուռ է փրկության,
 Ելք, երբ հույս չկա,
Ջարթոնքի նվագ:
 Էությունն է մեր,
 Ընթացքն ու ուղին,
 Թագ ու զորավար.
 Ժողովող մի կանչ,
 Իմաստուն խորհուրդ,
 Լինելու հնար:
Խարիսխը նավի,
 Ծառը դպրության,
 Կնիքն ինքնության,



Հացն **հանապազօր**

հայի սեղանի,

Ձիրքերի հնձան:

Ղողանջը երգի,

դեկը ընթացքի,

Ճեմարան ճառի,

Մարգարան մտքի,

մատյան հավատքի,

Յուղ անմար ջահի:

Նախահիմքն է մեր,

Շողը մեր հույսի,

Ոգին մեր ճարտար.

Չինարին այգու,

Պարիսպը մեր տան,

Ջրաղացն արդար...

Ռուներն է մեր ռազմի,

ռունգը բնագոյի,

ռահվիրան փառքի,

Սերն ու սիրտն է մեր,

սերմը միշտ ծլող,

Վեմ ու վիմագիր:

Տունը ցամաքում,

տապանը ջրում,

Բոպեն սլացքում.

Յորյանը արտում,

Ուղին անհայտում,

Փառքը սխրանքում:

Քիստ ու քաղն է մեր,

քանքար ու քնար,

քարավան ու ափ.

ԵՎ

Օջախն անմար,

օժիտն անհատնում,

Ֆե-ից մինչև Այր:





Բառային աշխատանք

1. Բնագրում գտիր *ձանապարհ, տաղանդ, շիրակ, ձառագայթ* բառերի հոմանիշները:
2. Գտիր *ելք, դպրություն, մարգարան* բառերի արմատները: Այդ արմատներով նոր բառեր կազմիր:
3. Դուրս գրիր *ան-* նախածանց ունեցող բառերը, բաժանիր բաղադրիչների:
4. Նշիր՝ պարկերավորման–արտահայտչական ինչ միջոցներ են գործածված բանաստեղծության մեջ:
5. Բառարանում գտիր տեքստի կարմիր գրված բառերի բացատրությունը և քո բառերով բացատրիր:
6. *Այբուբեն, ինքնություն, փրկություն, հնձան, հանապազօրյա, ձարփար, վիմագիր, քանքար, քիստ* բառերը գործածելով՝ ստեղծագործական շարադրություն գրիր և վերնագրիր:
7. Կետադրիր տրված հաղորդակցական և հնչերանգային տարբեր տեսակի նախադասությունները:
 - ա) Երբ Երևան հասանք մութն ընկել էր արդեն:
 - բ) Աղջիկս երգիր քո սիրելի երգերից մեկը:
 - գ) Վայ կանաչ մարգագետինը երփներանգվել է ծաղիկներով:
 - դ) Ինչ գեղեցիկ է խոխոջում գետակը:



Տեքստային աշխատանք

1. Վերհիշիր հայոց այբուբենը տառերի անուններով (գրաբար):
2. Ինչ սկզբունքով է կառուցված բանաստեղծությունը: Նման ինչ օրինակներ գիտես:
3. Հորինիր բանաստեղծություն՝ քեզ ծանոթ մարդկանց կամ ծաղիկների անուններով:
4. Գտիր հայոց լեզվի մասին ասույթներ կամ բանաստեղծական տողեր:
5. Մատնանշիր բանաստեղծության կառուցվածքը:
6. Բացատրիր գործածված պատկերավորման միջոցները՝ մակդիր և համեմատություն:

7. Կարդացածդ բնագիրը համեմատիր նմանատիպ այլ բանաստեղծությանների հետ: Գտիր նմանություններ և տարբերություններ:
8. Բանաստեղծությունը շարադրիր արձակ՝ նոր նրբիմաստներով կիրառելով սովորած բառերը, պատկերավորման միջոցները՝ մակդիրները և համեմատությունները:
9. Մատնանշիր տեքստի ուղղագրական դժվարություն ունեցող բառերի արտասանության և գրության տարբերությունները, բառակազմական վերլուծությամբ հիմնավորիր բառերի ուղղագրությունը:
10. Բանաստեղծությունից գտիր և աղյուսակով ներկայացրու պատկեր, ձայն, զգացողություն կերտող բառերը, բառակապակցությունները:
11. Հիշիր՝ ինչ դեր ունեցան հայոց տառերը մեր ինքնության գործում:
12. Թարգմանիր տեքստը և մայրենի լեզվի հնչունաբանական, գրային, բառագիտական առանձնահատկությունները համեմատիր ռուսերենի հետ (խմբային աշխատանք):

Птичка божия не знает	В долгу ночь на ветке дремлет,
Ни заботы, ни труда,	Солнце красное взойдет,
Хлопотливо не свивает	Птичка гласу бога внемлет,
Долговечного гнезда.	Встрепенется и поет.

Пушкин А. С.



ՀԱՆԳ

Հանգը չափածո ստեղծագործության հնչունային կառուցվածքի ձև է: Դա այն երևույթն է, երբ բանաստեղծության մեջ երկու կամ ավելի տողեր ունեն նման վերջավորություն: Քառատողի մեջ կենտ տողերը (I և III) հանգով իրար են կապվում, զույգ տողերը (II և IV)՝ իրար: Օրինակ՝

Լեռների մեջ ժպտա հավետ,
Դու ջինջ լճակդ իմ Սևանի,
Քեզ չեմ փոխի ծովերի հետ,
Դու աչք իմ մայր Հայաստանի:

(Հ. Շիրազ)

Հանգի ամենակարևոր դերն այն է, որ հանդես գալով տողերի վերջում՝ ավելի է ընդգծում տողի ինքնուրույնությունը: Հանգը ուժեղացնում է բանաստեղծության ռիթմը, երաժշտական է դարձնում գեղարվեստական խոսքը:

Կան, սակայն, ազատ բանաստեղծություններ: Նման բանաստեղծությունների մեջ չկան ո՛չ վանկերի և շեշտերի թվի հավասարություն, ո՛չ էլ շեշտերի կանոնավոր դասավորություն, ինչպես նաև տների կայուն, պարբերաբար կրկնվող կառուցվածք: Հաճախ բացակայում է նաև տողերի համահունչ վերջավորությունը (հանգ): Այսպիսով, ազատ ոտանավորը զգալի չափով մոտենում է արձակին:



Առաջադրանքներ

1. Ընտրի՛ր ժամանակակից գրողների մանկապատանեկան բանաստեղծություններից և որոշի՛ր հանգերի տեսակները: Դրանցից մեկերկուսը ներկայացրո՛ւ ընկերներիդ:



Գ-Կ-Ք

Կան գրության և արտասանության որոշ տարբերություններ: Մի շարք արմատներում և դրանցից կազմված որոշ բառերում **ր**-ից, **ն**-ից և ձայնավորից հետո բառամիջում և բառավերջում գրվում է **գ**, սակայն **ք** է արտասանվում, օրինակ՝ **երգ**, **թարգմանել** (թարգմանիչ, թարգմանություն), **մարգարիտ**, **պարգև**, **Մարգիս**, **Մարգար**, **անգամ**, **ավագ** (ավագանի, ավագություն), **ձրագ**, **մարագ**, **ուրագ**, **պատարագ**, **կարագ**, **օգնել**, **օգուտ**, **Օգսեն**, **գոգ** (գոգնոց), **շոգ**, **նորոգել** (նորոգում), **ոգի**, **ոռոգել**, **սուգ**, **տեգր**, **էգ** (իգական):

Մյուս բոլոր դեպքերում **գ**-ի, **կ**-ի և **ք**-ի գրությունն ու արտասանությունը համընկնում են, օրինակ՝ **գարուն**, **ագահ**, **վագր**, **անհագ**, **ձագար**, **կոտորակ**, **կատու**, **սայթաբել**, **թաքնվել**, **հավաքել**, **ոչ ոք**, **ոչ-ոքի**:



Առաջադրանքներ



1. Լրացրո՛ւ *q*, *կ* կամ *p* տառերը:

Այ_եկութ, բարեկար_, բար_(թեժ, այրող), զու_սհեռ, արջու_, եր_ել, թա_ավոր, թմբու_, հավա_ույթ, կմախ_, աներձա_, շա_անակագույն, անօ_ուր, մանրու_, քա_ղեղ, դարա_, հե_խաթ, Մր_աշար, Մերա_սյա, Բա_րար, Գրի_որ, Սու_խա:

2. Յուրաքանչյուր բառի դիմաց գրի՛ր նրան հոմանիշ մեկ բառ: Այդ բառերում գրվում է *q* կամ *p*:

Տոթ, կարար, մառախուղ, լուսարաց, բանակ, քաղանդ:

3. Ազգանունները դասավորի՛ր այբբենական կարգով:

Գրիգորյան, Սուքիասյան, Բագրատյան, Թորգոմյան, Սարգսյան, Գա-րեգինյան, Ավերիքյան, Միսակյան, Գևորգյան, Ավագյան:

4. *Մրգահանդես, մրգաշար, մրգահյութ* բառերով նախադասություններ կազմի՛ր:

5. Բառերը լրացրո՛ւ համապատասխան սյունակներում՝ ըստ արտա-հայտած ընդհանրական իմաստների:

Շաղգամ, սագ, քարդեղ, վագրաձի, գինարբուկ, վագր, զկեռ, կար-վաձագ, սերկևիլ:

Բույսեր	Կենդանիներ

6. Բառերը խմբավորի՛ր ըստ *q*, *կ* կամ *p* բաղաձայնների գրության:

Գովեր_ել, հե_նել, սի_սպանժ, եր_իծան_, ձ_ան, ո_եշնչել, թան_, մար_արիք, պար_և, երիներան_, ժայթ_ել, գիր_(փափուկ), գինար-բու_(խնջույք), կար_ին, կար_ին, վար_(հեղինակություն), վար_(վար-վելակերպ), բար_, բարա_(հյուղակ), բար_(նիստուկաց), կողպե_, սայթա_ել, քու_, գինարբու_(ծաղիկ), հո_նարանջ, միր_, առանց_, քր_ջալ, էլե_քրականություն, առույ_, պար_ամ, քրքրմաշու_, քրքրմա-շու_, մեղ_(թուլամորթ), մեղ_(հանցանք), դիցու_:

Գ	Կ	Ք

7. Փակագծում տրված բառաձևերում ավելացնել բաց թողնված *գ, կ* կամ *ք* տառերը և տեղադրել տեքստի համապատասխան նախադասություններում:

(*ձ_նավորները, գո_ավորության, ա_ցանի, ներս_իզներին, հո_կո-րականներն, ո_կորում*)

Գեղամա լեռների _____ մեջ անհոգ նագում են Սևանա ջրերը: Քարերի ժանիքներն _____ նման ամուր բռնել են ջրերի վրա բազմած կղզին, ուր մի ժամանակ օթևանել է Աշոտ Երկաթը: Նա _____ էր իր _____, որոնք փոքրաթիվ էին, բայց կարողացան հաղթել արաբ զորքերին: Այդ հաղթանակի առթիվ կղզու _____ ու _____ պատարագ մատուցեցին առ Աստված:



Կենսագրություն

ՎԱՀԱԳՆ ԴԱՎԹՅԱՆ
(1922-1996)



ՄԻ ՓՈՇՈՏ, ՓԱՓՈՒԿ ՃԱՄՓԱ


Մի փոշոտ, փափուկ ճամփա,
Փշատի փոշոտ ծառեր,
Մի կապնյտ, կապնյտ երկինք
Ու արև, արև, արև...

Մի փոշոտ, փափուկ ճամփա,
Փշատի փոշոտ ծառեր,
Մի կապնյտ, կապնյտ երկինք
Ու արև, արև, արև...

Կատարին՝ լույսից **շիկնած**
Մի թեթև ամպի **ծվեն**,
Արարատ լեռն է ցոլում
Նյութեղեն – աննյութեղեն...

Հովի հետ այդ ուխտավոր
Անցնելով բարդուց բարդի՝
Ուզում ես գնալ, գնալ
Ու **փարվել** Արարատին...

Ուխտավոր հոգնած մի հով,
Անցնելով բարդուց բարդի,
Գնում է, ծունկի իջնում
Խորանում Արարատի:





Բառային աշխատանք

1. Տեքստից դնուրս գրիր *գ-կ-ք* բաղաձայնների ուղղագրությանը վերաբերող բառեր:
2. *Փռշուր ծառեր, կապույտ երկինք, ամպի ծվեն* կապակցությունները գործածիր նախադասությունների մեջ:
3. Բացատրիր՝ ինչ է նշանակում *ծունկի իջնել*: Ո՞րն է ծունկի իջնելու խորհուրդը: Եկեղեցում ծունկի իջնելիս ի՞նչ են մրմնջում քո շուրթերը:
4. Պատկերավորման-արտահայտչական ի՞նչ միջոցներ են գործածված բանաստեղծության մեջ:
5. Վերլուծիր տրված նախադասությունները:
 - ա) Անողոք ու անհոգի մի մարդ քանդում է կաքավի բույնը:
 - բ) Լեռն կյանքում մրջյուն չի տրորել:



Տեքստային աշխատանք

1. Որոշիր տեքստի հիմնական միտքը, քննարկիր ընկերներիդ հետ:
2. Թվարկիր Հայաստանը բնութագրող բոլոր խորհրդանիշ բառերը: Բացատրիր նրանց կիրառության նպատակը:
3. Գտիր յուրաքանչյուր տան բանալի բառը, տները վերնագրի դրանցով: Բացատրիր ընտրությունդ:
4. Տեքստի բանալի բառերի և նախադասությունների միջոցով ստեղծիր պատմություն, վերնագրիր:
5. Ի՞նչ խոհ է ծնում բանաստեղծությունը: Ըստ բանաստեղծության՝ նշիր հայ ժողովրդի անցած ուղին: Անցյալը զուգորդիր այսօրվա հետ:
6. Ուխտավոր-Արարատ բառազույգով մի պատկեր ստեղծիր:
7. Մեկնաբանիր՝ որն է Արարատ լեռան խորհրդանիշը:
8. Վերնագրիր բանաստեղծությունը՝ ըստ բովանդակության:
9. Ստեղծագործաբար գործածիր բառերի իմաստային կապերը (հոմանիշներ, հականիշներ):
10. Լսիր երաժշտությունը և վերաբերմունք արտահայտիր:



Լրացուցիչ նյութ




Առաջադրանքներ

Բանաստեղծության մասին քո գիրելիքները կարող ես ստուգել՝ լրացնելով խաչառը:

Ուղղահայաց

1. Հայ նկարիչ: **2.** Երաժշտական գործիք, անցյալում բանաստեղծական խոսքն արտասանվել է այդ գործիքի մեղեդու ուղեկցությամբ: **4.** Տարվա եղանակ: **5.** Բանաստեղծական տողերի սերտ միասնություն: **6.** Բանաստեղծության կառուցման հիմնական ձևերից: **7.** Բանաստեղծության հավասար միավորների պարբերաբար, կանոնավոր կրկնությունը: **9.** Բանաստեղծության երկու կամ ավելի տողերի հաճախ նման կամ նույն վերջավորություն ունենալը: **10.** Անցյալում բանաստեղծությունը կոչվել է ...:



Հորիզոնական

3. Ավետյաց երկիր, որտեղ ապրում ենք: **8.** Հայ բանաստեղծուհի: **11.** Ամենայն հայոց բանաստեղծը: **12.** Տեղեկություն հաղորդելու գրավոր միջոց (...– բանաստեղծություն): **13.** *Կարեկցանք*, *գույթ* բառերի հոմանիշը:

ԲԱԺՆԻ ՈՒՍՈՒՑՄԱՆ ՎԵՐՋՆԱՐԴՅՈՒՆՔՆԵՐԸ

«Եվ այսպես հյուսվում է իմ երգը» բաժնի ուսումնասիրությունն ավարտելուց հետո կկարողանաս հասկանալով, արտահայտիչ կարդալ, կկազմես բանաստեղծության զգայական ընկալման աղյուսակներ:

Կկարողանաս մատնանշել բանաստեղծության կառուցվածքը, կբացատրես և կբարբերես պարկերավորման միջոցները:

Կկարողանաս համեմարել և վերլուծել փարբեր բանաստեղծությունների փեքսեր, բանաստեղծությունը կշարադրես արձակ ձևով: Կլսես բանաստեղծությունների ռիթմին համահունչ երաժշտություն և հույզերդ կարտահայտես ըստ ընկալման:


Կմատնանշես բառերի արտասանության և գրության փարբերությունները:

Միրելի՛ բարեկամ, քո դասագրքի հեղինակները հուսով են, որ դու լավ սովորեցիր «Մայրենի 5»-ի բոլոր դասերը՝ գրական և լեզվական նյութերի համակցումով: Գրիր քո կարծիքը դասագրքիդ մասին և ուղարկիր հեղինակներին: Անհամբեր սպասում ենք: Մինչ հանդիպում:

Էլփոստ՝ ash.galstyan@mail.ru, toma.tovmasyan.59@mail.ru

ԲԱՅԱՏՐԱԿԱՆ ԲԱՌԱՐԱՆ

- Ա ԱԼԵՀԵՐ** – 1. Ճերմակած մազերով: 2. Փխր. Չյունապար:
- ԱԼԵՎՈՐ** – 1. Ծեր մարդ, ծերունի: 2. Ծերացած:
- ԱԾԻԱՐԱՐ** – Փայրածուխ պայրասարող արհեսարավոր:
- ԱԿԱՆՁՈՎ** – 1. Լսող: 2. Հնազանդ, խելոք:
- ԱԿՈՒՆՔ** – Անցք, որից բխում է ջուրը, ջրի ակ: 2. Այն տեղը, որից սկիզբ է առնում գետը:
- ԱՀՅԱԿ** – Չախ:
- ԱՃՅՈՒՆ** – 1. Դիակ: 2. Հող, փոշի (փրած մարմնի):
- ԱՆՄԱՏՈՒՅՑ** – 1. Որին չի կարելի մուրենալ, անհասանելի: 2. Չմատուցված, չփրված:
- ԱՆՇՈՒՔ** – 1. Ոչ շքեղ: 2. Հասարակ, աղքատիկ:
- ԱՆՏԱԿ** – 1. Տակ, հարակ չունեցող: 2. Փխր. Շար խոր: 3. Փխր. Անսահման:
- ԱՊԻ** – 1. Մեծ եղբայր: 2. Հայր: 3. Ծերունիների փրվող հարզական անուն:
- ԱՊՍՊՐԵԼ** – Ուրիշի միջոցով հանձնարարել, պարվիրել:
- ԱՌԱՍՊԵԼ** – Հին ժողովրդական գրոյց աստվածների, դիցաբանական հերոսների, աշխարհի ու կյանքի ծագման մասին:
- ԱՎԱՐ** – Պարերազմի ժամանակ թշնամուց գրավված ամեն ինչը (մարդ, զենք, կենդանի, գոյք և այլն):
- ԱՐՈՐ** – Երկրագործական գործիք հողը հերկելու համար:
- Բ ԲԱԽՏԸ ԲԵՐԵԼ** – Մեկի գործերը իրենից անկախ հաջողվել, հաջողություն ունենալ:
- ԲԱՐԵՀԱՃ** – Մեկի նկատմամբ բարությանը փրամաղբված:
- ԲԱՐԵՐԱՐ** – Բարի, օգտակար գործ կատարող, բարեգործ:
- ԲՈԹԵԼ** – Հրել:
- Գ ԳԵԼԻԵՂԴ** – Հովվի մեծ և ուժեղ շուն, գամփո:
- ԳԹԱՍԻՐՏ** – Գթուր սիրտ ունեցող, կարեկցող:
- ԳԼԻԽՎՈՐ** – 1. Գլուխը կախած: 2. Լռոտմունջ:
- Դ ԱՍ ԲԱՂԵԼ** – Խրատվել, օրինակ վերցնել:
- ԴԱՐԴ** – 1. Վիշտ: 2. Հոգս:
- ԴԵՂՁԱՆԻԿ** – Փոքրիկ երգեցիկ թռչուն:
- ԴԻՎԱՀԱՐ ԼԻՆԵԼ** – Սարսափահար լինել, վախենալ:
- ԴԻԿԻՑ** – Հարևան, դրացի:
- Ե ԵՂԲԱՅՐԱՅՈՒ** – 1. Ընկեր, մրերիմ: 2. Խորթ եղբայր:



- Զ** **ԶԱՐԶԱՆԴԵԼ** – Զարհուրել, սարսափել, երկյուղով լցվել:
ԶԱՐԹՈՆՔ – 1. Զարթոնելը: 2. Բնության՝ ձմռան քնից դուրս գալը:
- Թ** **ԹԱԳԱՎՈՐԱԶՆ** – Թագավորի զավակ:
ԹԱՎԻՇ – 1. Նորք ու փափոկ խավով պարված կտոր: 2. Փխր. Կանաչ, բուսականություն:
ԹԻ – Փայրե գործիք զանազան գործողությունների համար (ձյուն մաքրելու, ցորենը կալում դիզելու և այլն):
ԹՈԹՎԵԼ – Թափահարել, թոթափել, թափ փայ:
ԹՎԱՆՔ – Հրացան:
- Լ** **ԼԱՈ** – 1. Տղա, մանչ: Իբրև կոչ, դիմելաձև (այ՛ տղա):
ԼՈՒՄՆՈՏ – Լուսնոտությամբ տառապող՝ հիվանդ:
ԼՈՒՐԹ – Բաց կապոյտ գույնի, կապրավուն:
- Խ** **ԽԱՂՍ ԼԻՆԵԼ** – 1. Խաղալ: 2. Թռվռալ, ցատկոտել:
ԽԱՐԻՍԽ – Ծովի հափալին կառչող ճանկավոր հարմարանք, որ ապահովում է նավերի կանգառը:
ԽՈՐՈՄ – Հնձած խորի փոքրիկ դեզ, որից մի քանիսը միացնելով՝ խորձ են կապում:
ԽՈՐՏԻԿ – Կերակուր:
ԽՐՃԻԹ – Հողածածկ կտորով փոքրիկ տուն, հյուղ:
- Ծ** **ԾՄԱԿ** – 1. Անտառ: 2. Արևագորկ, միշտ սրվերուր:
ԾՎԵՆ – Պարառ, քուլա (ամպի, ծխի, մառախուղի):
ԾՈՒՂԱԿ – 1. Հատուկ սարք վայրի կենդանիներ բռնելու համար, թակարդ:
 2. Փխր. Դարան, գաղտնարան (թշնամուն հանկարծակի և անսպասելիորեն հարվածելու համար):
- Կ** **ԿԱԹՆԵՂՔԱՅՐ** – Մեկ մոր կաթով սնված ոչ հարազատ եղբայրներ:
ԿԱՐԵԿԻՑ – Օգնող, պաշտպանող, ցավակից:
ԿԱՐՄԻՐ ԿՏՐԵԼ – Շիկնել:
ԿԻՏԵԼ – 1. Կուրակել, դիզել: 2. Մի տեղ հավաքել, ժողովել:
ԿՆԴԻՐՈՒԿ – Արևադարձային ծառերից սրացվող անուշահոտ խեժ (գործածվում է ինկարկման համար)
- Հ** **ՀԱՂՈՐԴԱԿՑՈՒՄ** – Հաղորդակցվելը (խոսքային, ժեստային):
ՀԱՆԱՊԱԶՕՐ – Ամեն օր, օրեցօր:
ՀԱՆՑ – Որպես, ինչպես:
ՀԱՌԱԶԵԼ – Խոր հոգոց հանել, ախ քաշել:
ՀԵՏԱԽՈՒՅՁ – Հետախուզություն կատարող զինվորական:

ՀՆՁԱՆ – Այգիներում գեղնի մեջ փորված և մաքուր շինված ավազան, որի մեջ լցնում են խաղողն ու ուրբերով ձգում:

ՀՈԳԵՊԱՀՈՒՍ – Նեղ օրվա համար պահած բան, խնայողություն:

ՀՈՐԻՁՈՆ – Երկնքի և երկրի (ցամաքի կամ ջրի) թվացող միացման՝ շփման գիծը:

ՀՐԱՇԱԿԵՐՏ – Հրաշալի արվեստով կերտված, շինված, հոյակապ, փառահեղ:

Զ ԶԻՐՔ – Շնորհք, քաղանդ:

Ղ ՂՈՉԱՂ ԿԵՆԱԼ – Քաջ, անվախ լինել:

ՂԶՐՂՈՒ – Աղմուկ, աղաղակ, հայ-հոյ:

ՂՍՄԱԹ – Բախար:

ՂՐԿԵԼ – Ուղարկել:

Ճ ՃԱՐ – Հնար:

ՃԱՐՏԱՐ – Վարժ, հմուտ:

ՃԻՐԱՆ – Կենդանիների և թռչունների սուր և կեռ եղունգ, մագիլ:

Մ ՄԱԳԱՂԱԹ – Հորթի, գառան կամ այլ կենդանու կաշի, որ հասրուկ մշակելով՝ պարասպել են վրան գրելու համար:

ՄԱՀԻՃ – Անկողին:

ՄԱՍՈՒՆՔ – 1.Քրիստոսի, Աստվածածնի, սրբերի գործունեության հետ կապված փարբեր իրեր, առարկաներ: 2. Շատ թանկագին, սրբազան բան, նշխար:

ՄԱՐԵ – Մայր բառի դիմելաձև:

ՄԱՐԻ – Էգ թռչուն:

ՄԻՆՈՒՃԱՐ – Ծնողների միակ զավակը:

ՄՏԱՄՈԼՈՐ – 1. Միքով մոլորված: 2. Մոռացկոտ, ցրված:

ՄՐՄՈՒՆՋ – Մեղմ ձայն, շշուճ:

ՄՈՒՇ-ՄՈՒՇ – Հանդարտ, ախորժելի, քաղցր:

ՄՈՒՐԱՋ – Իդձ, փափագ:

Յ ՅՈՒՆԱԿ – Խորվաթերեն՝ փղա:

Ն ՆԱՆՇՈՒՆ – 1. Նախշերով զարդարված: 2. Միրուն, գեղեցիկ:

Շ ՇԻԿՆԵԼ – Կարմրել, կարմրապակել (քաշվելուց, ամաչելուց, փառությունից):

ՇԻՎԱՐ – Մոլորված, անձար:

Պ ՊԱՆԳՈՒՍ – Հայրենի երկրից հեռացած և օտարության մեջ ապրող մարդ:

ՊԱՊԱՆՉՎԵԼ – 1. Լեզուն կապ ընկնել, համբանալ: 2. Լոռ մնալ, լռել, ձայնը կտրել:

- ՊԱՏՎԻՐԱՆ** – 1. Պատրզամ, պատրվեր: 2. Կրոնաբարոյական պատրվեր:
- ՊԱՐՏԱՊԱՆ** – Որևէ մեկից պարտք վերցրած անձ:
- ՊԶՏԻԿ** – Փոքր, փոքրիկ:
- ՌՈՒՆՎԻՐԱ** – 1. Մի բան սկզբնավորող, հիմնադրող: 2. Առաջնորդ:
- ՌԵՆ** – 1. Մարդու բերան (անարգական իմաստով): 2. Անասունների բերան, երախ:
- ՌՈՒԲԻՆԶՈՆ ԿՐՈՒԶՈ** – 1. Դ. Դեֆոյի համանուն վեպի հերոսը: 2. Ռոբինզոն անունը դարձել է թևավոր խոսք այն մարդկանց համար, որոնք անսովոր արկածներ են ունեցել և միայնակ պայքարել դժվարությունների դեմ:
- ՍԱՐԵԿ** – Սարյակ:
- ՍԻՐԱՍՈՒՆ** – Սիրով սնված, փայփայված, շար սիրելի:
- ՄԵԴՈՒԿ** – Զանազան իրեր, դրամ, ոսկեդեղն պահելու մեծ արկղ:
- ՍՊԱՌՆԱԿԱՆ** – Սպառնալիք պարունակող, արտահայտող:
- ՎԻՄՊԳԻՐ** – Քարի վրա արված արձանագրություն, գիր:
- ՎՃԻՏ** – Պարզ, մաքուր, ջինջ:
- ՏԱՎԻՂ** – Լարային նվագարան:
- ՏԵԳ** – Նիզակի ծայրի սուր երկաթը, որով խոցում են:
- ՏՈՒՏ** – Զգեստի ծայր, փեշ, քղանցք:
- ՅՅՅՈՐ** – Ցցրից պատրաստված պար, ցցապար:
- ՈՒՆՏԱՎՈՐ** – Որևէ սրբավայր ուխտ գնացող, ուխտագնաց:
- ՓԱԸԼԵՎԱՆ** – Լարախաղաց:
- ՓԱՅՏԱԸԱՏ** – Անտառափայտ կտրող բանվոր:
- ՓԱՐԶ** – Կավե կամ պղնձե երկարավուն ունկավոր գավաթ:
- ՓԱՐՎԵԼ** – Փաթաթվել մեկին, մի բանի, գրկախառնվել:
- ՔԱԹԱՆ** – Կրավարի բոյսի թելից գործված կտոր, կրավ:
- ՔԱՆՔԱՐ** – Տաղանդ, շնորհք:
- ՔԱԶՔ** – Առասպելական ոգի՝ չար հատկությամբ, որ սպրում է լեռներում, քարանձավներում:
- ՔԵՐԹՈՂԱԸԱՅՐ** – Բանասարեղծների, գրողների մեջ երևելին՝ ամենանշանավորը:
- ՔԻՍՍ** – 1. Մագանման երկար հավելված, որ աճում է ցորենի, գարու, հաճարի հասկերի ամեն մի հատիկի գլխին: 2. Ձկան փուշ:
- ՔԻՎ** – Շենքի տանիքի կամ պարզգամբի դուրս երկարացած մասը:
- ՔՆԱԹԱԹԱՆ** – Քնից դեռ լիովին չարթնացած, կիսարթուն:

Հավելված 2

ԱՌԱՐԿԱՅԱՅԱՆԿ

Ածանց 71, 73, 103, 171
նախածանց 71, 160
վերջածանց 72, 147
այբբենական կարգ 8, 88, 79, 163
այբուբեն 7, 8, 158, 160
այլաբանություն 54
անձնանուն 138, 153
առած 19, 59, 99, 143
առակ 7, 56, 59, 80, 85, 131
առոգանության 25
ասացվածք 21, 31, 59, 73, 100, 143
ավարտ 51, 60
արժեքային համակարգ 12
արձակ 12, 54, 57, 133, 144, 165
արմատ 49, 50, 74, 84, 123, 127, 160
արտասանություն 76, 103, 162
Բազմիմաստություն 108
բաղաձայն 36, 46, 47, 55, 61, 126, 133, 153, 163
միաշարք բաղաձայններ 47
երկշարք բաղաձայններ 47
եռաշարք բաղաձայններ 47
բայ 116, 120
բանաստեղծ 146
բանաստեղծություն 10, 131, 146, 148, 157, 166
բանաստեղծուհի 10, 166
բառ 60
պարզ բառ 67

բարդ բառ 69, 79, 126
ածանցավոր բառ 70, 73, 75
համածանցավոր բառ 71
հարադրավոր բառ 65
մենիմաստ բառ 108, 109
բազմիմաստ բառ 108
բանալի բառեր 41, 51, 75, 83, 112, 148, 165
հոմանիշ բառեր 94
հականիշ բառեր 50, 130, 143
համանուն բառեր 104
առարկա ցույց տվող բառեր
գործողություն ցույց տվող բառեր 34
բառազույգ 50, 67, 84, 85
բառակապակցություն 28, 74, 83, 90, 99, 161
բառաշար (ք) 12, 20, 41, 54, 70, 82, 90, 100, 124, 134, 143,
բառարան 20, 41, 55, 109, 112, 148
բացատրական բառարան 79, 109, 167
հոմանիշների բառարան 35
բառիմաստ 108
բառի ուղիղ և փոխաբերական իմաստներ 113, 114
բարբառային բառեր 12, 29, 93
բենագիր 36
բնագիր 161
բնանկար 115
բովանդակություն 24, 28, 80, 124
Գիր 9, 80, 170

գլխավոր միտք 20, 63, 88, 90
գործող անձ 21, 112
գրական համարժեք 29, 74, 79, 93
գրություն 118, 119, 152, 162
Դատողություն 25
դիմախաղ 21, 22
դիմելաձև 168
դիպաշար 56
դրդապատճառ 24, 29, 60
Երկխոսություն 21, 88, 70
երկինչյուն 36, 85, 86, 87, 137
երկինչյունների արտասանություն 137
երկինչյունների գրություն 137
երկայուն աղյուսակ 35
Զրույց 21, 57, 84, 85, 167
Թեմա 146
Ժեստ 21, 56, 88, 148
գլխի և ձեռքի ժեստեր 21
Իմաստ 32, 67
Լեզվական միավոր 36, 67
Խաչբառ 4, 33, 166
խմբային աշխատանք 10, 56, 113, 161
խոսվածք 29
խոսք 48, 65, 112, 166, 168
բանավոր և գրավոր խոսք 22, 56, 65
ուրիշի ուղղակի խոսք 25
անուղղակի խոսք 25
թևավոր խոսք 59, 170
խորհրդանիշ 12, 131, 158
Ծաղրանկար 56

Կանխատեսում 28
կարողություն 4, 12, 54, 90, 146
կերպար 29, 41, 90, 140
կրկնություն 157
Հականիչ 100
տարարմատ
հականիչներ 100, 106
հաղորդագրության 52
հաղորդակցական
կարողություններ 3
հաղորդակցում 22, 25, 50, 168
խոսքային
հաղորդակցում 21, 25
ոչ խոսքային
հաղորդակցում 21
համանուն 94, 104, 105
նույնագիր համանուն-
ներ 105
նույնահունչ համանուն-
ներ 105
բացարձակ համանուն-
ներ 104
համեմատել 52, 166
համեմատություն 35, 160, 125, 161
հանելուկ 63
հասցեատեր 124
հատկանիշ 17, 41, 90, 112, 165
հատուկ անուններ 120
հարցազրույց 124
հեղինակ 10, 12, 54, 56, 124, 146,
հերոս 31, 47, 51, 54, 66, 124, 148, 165, 167, 170
հեքիաթ 18, 28, 84, 131, 137
հայկական ժողովրդա-
կան հեքիաթ 13
հրաշապատում կամ
կախարդական հեքիաթ 12

կենդանական հեքիաթ 12
իրապատում հեքիաթ 12
հնչերանգ 16, 25,
հնչյուն 36, 42, 78
ձայնավոր հնչյուններ 36
բաղաձայն հնչյուններ 47
վանկարար հնչյուն 78
հնչյունաբանություն 36
հնչյունական համակարգ 36
հնչյունակապակցություն 133
հնչյունափոխության 79, 80, 81, 141, 148
հոդակապ 67, 69
հոմանիշ 55, 69, 132, 143
հոմանիշների շարք 55, 109, 154
Մակդիր 115
մակդրային կապակցու-
թյուն 115
մեջբերում 104
միտք 85, 88, 104, 149
մնջախաղ 28, 56, 148
մուլտֆիլմ 36, 51, 75
Նախագծային աշխա-
տանք 149
նախադասություն 30
պատմողական նախա-
դասություն 25
հարցական նախա-
դասություն 25
հրամայական նախա-
դասություն 25
բացականչական նա-
խադասություն 25
պարզ նախադասու-
թյուն 30
բարդ նախադասու-
թյուն 30
նամակ 44, 87, 105

նկարագրություն 52, 88, 115, 125
Շարժումների լեզու 21
շեշտ 36, 64, 118, 162,
բառային շեշտ 64
շեշտադրում 103
Ոտանավոր 149, 162
ազատ ոտանավոր 162
Չափազանցություն 12
չափածո 12, 72, 144, 146, 157
Պատմվածք 72, 84, 90
պատմություն 3, 83, 104, 148
պլան 15, 63, 99
Ռիթմ 158, 157,
Սղում 76, 81
սցենար 17
Վանկ 36, 60
բաց վանկ 63
փակ վանկ 63, 76
գաղտնավանկ 61, 76
միավանկ 62, 64
երկվանկ 61, 62
եռավանկ 62
բազմավանկ 83
մեկուկեսավանկանի 61
վենի գծակարգ 51
վերլուծություն 151
բառակազմական
վերլուծություն 151, 161
վերնագիր 41
վերջաբան 12, 67
Տառ 36
տող 157
քառատող 146, 161
տուն 149
Օրինանք 14, 15, 16

Հավելված 3

ԱՆՎԱՆԱՑԱՆԿ

Աղթամար կղզի 126
Ամարասի վանք 7
Ամիդ 5, 7
Աշոտ Երկաթ 164
Առտեր կղզի 126
Ասիա 32, 137, 138
Այա 105, 137
Աստված 77, 78, 164
Աստվածաշունչ 7, 15
Ավետիք Իսահակյան 54, 77, 114
Արագած 132, 154
Արածանի 142
Արարատ 9, 119, 164
Արաքս գետ 156
Արեգակ 133, 157
Արտաշես Ղազարյան 150, 155
Արցախ 136
Բելգիա 137
Բուլղարիա 137
Գեղամա լեռներ 164
Գևորգ Էմին 158
Գերմանիա
Գոտհոլդ Լեսինգ 54
Գրենլանդիա 137
Գրիմ եղբայրներ 26
Դանիել եպիսկոպոս 6
Եդեսիա 5, 7
Եզոպոս 54, 55, 56, 57
Եվրասիա 138
Երկիր 157
Զվարթոնց 128, 130, 131, 133,
Էդմոնդո դե Ամիչիս 101, 155
Էդվարդ Միլիտոնյան 5

Ժան դը Լաֆոնտեն 54
«Ինչ է, ով է» հանրագիտարան 99
Իվան Կոիլով 54, 68, 155
Իտալիա 137
Խաչատուր Աբովյան 54
Խաչիկ Դաշտենց 5
Խոսրով թագավոր 6
Կորյուն 7, 8, 54,
Հանո Սահյան 116, 155
Հայաստան 5, 6, 72, 116, 136, 148, 150, 157, 161
Հանրի Զարյան 116
Հիուսի առակներ 85
Հյուսիսային Ամերիկա 138
Հովիկ Վարդունյան 135
Հովհաննես
Թումանյան 26, 48, 84, 91, 155
Հովհաննես Ղուկասյան 126
Հովհաննես Շիրազ 54, 62, 125, 146, 155, 161
Հռոփանոս 7
Ձիրավի դաշտավայր 142
Մալաթիա-Մերաստիա 137
Մանուկների Աստվածաշունչ 15
Մասիս (Մասիսներ) 128, 132
Մատթեոսի Ավետարան 85
Մարո Մարգարյան 147
Մարտակերտ 135
Մարտիրոս Սարյան 150, 152
Մեծ Բրիտանիա 137
Մեսրոպ Մաշտոց 7, 8, 10,

Մխիթար Գոռ 54, 82,
Մկրտիչ Կորյուն 54
Մովսես Խորենացի 8
Նիագարա 138
Նիկոլայ Նոսով 125
Շառլ Պերրո 127
Ոսկեդար 8
Չարլի Չապլին 22
Պարույր Սևակ 131
Պոռո թագավոր 13
Սահակ Պարթև 6
Սամոսատ 7
Սևան 132, 161, 164
Սիլվա Կապուտիկյան 5, 9, 10
Սյունիք 140, 156
Սողոմոնի առակներ 7
Սոֆիա 137
Սոֆյա 137
Ստեփան Զորյան 96
Սուրբ Մեսրոպ Մաշտոց եկեղեցի 7
Սուրեն Մուրադյան 5
Սփյուռք 133
Վահագն Դավթյան 164
Վահան Տերյան 114
Վարդան Այգեկցի 54, 58, 79
«Վարք Մաշտոցի» 8
Վիգեն Խեչումյան 128
Վիկտորիա 137, 138
Վիկտորյա 105, 137
Վոլգա 127
Վռամշապուհ արքա 6
Տարոն գավառ 6
Օշական 7, 126
Օսկար Ուայլդ 128
Օրբելի եղբայրներ 128
Ֆրանսիա 137

ԲՈՎԱՆԴԱԿՈՒԹՅՈՒՆ

ՆԱԽԱԲԱՆ	3
Մեսրոպ Մաշտոցը և հայերենի տառերի ծնունդը	6
Խոսք իմ որդուն, Միլվա Կապուսիկյան	9
ԼԻՆՈՒՄ Է, ԶԻ ԼԻՆՈՒՄ	
Ինչ է հեքիաթը	12
Ոսկու արտ (<i>հայկական ժողովրդական հեքիաթ</i>)	13
Նախադասություն	16
Հայրը և զավակները (<i>խորվաթական ժողովրդական հեքիաթ</i>)	18
Հաղորդակցում, տեսակները	21
Բանավոր և գրավոր խոսք	22
Նախադասության տեսակներն ըստ հաղորդակցության և հնչերանգի	25
Անտառի տնակը, <i>Գրիմ եղբայրներ</i>	26
Նախադասության տեսակներն ըստ կազմության	30
Պարզ և բարդ նախադասություններ	30
Համառոտ և ընդարձակ նախադասություններ	30
Նախադասություն-բառ-հնչյուն	32
Հնչյունաբանություն: Հայերենի հնչյունները	36
Հնչյուն և տառ	36
Ձայնավոր հնչյուններ	42
Տառի, հեռախոսի ու համակարգչի վեճը, <i>Աննա Ադամյան</i>	42
Բաղաձայն հնչյուններ	47
Անխելք մարդը, <i>Հովհաննես Թումանյան</i>	48
Ամփոփիչ հարցեր և առաջադրանքներ	52
ԱՌԱԿՍ ԻՆՉ ԿՑՈՒՑԱՆԵ	
Ինչ է առակը	54
Եղջերուն և խաղողը, <i>Եզոպոս</i>	55
Բարին ու չարը, <i>Վարդան Այգեկցի</i>	58
Բառ և վանկ	60
Հավերժական վեճը, <i>Հովհաննես Շիրազ</i>	62
Շեշտ. բառային շեշտ	64
Բառի կազմությունը: Պարզ և բարդ բառեր: Հոդակապ	67
Որսորդ առյուծը, <i>Իվան Կոխլով</i>	68
Ածանց: Ածանցավոր բառեր: Նախածանցներ և վերջածանցներ	70
Տունը (<i>հայկական ժողովրդական առակ</i>)	73
Հնչյունափոխություն	76
Է(ե) ձայնավորի հնչյունափոխությունը	76
Կաքավն ու աղվեսը, <i>Ավերիք Իսահակյան</i>	77
Ի ձայնավորի հնչյունափոխությունը	80
Ճնճղուկներն ու արագիլը, <i>Մխիթար Գոշ</i>	82
Ու ձայնավորի հնչյունափոխությունը	83

Երկհնչյունների հնչյունափոխությունը.....	84
Երեք ծառաների առակը, Հիսուսի առակները.....	85
Ամփոփիչ հարցեր և առաջադրանքներ	88

ԱԿԱՆՋ ԳՆԵՆՔ ՀԵՏԱՔՐՔԻՐ ՊԱՏՄՈՒԹՅՈՒՆՆԵՐԻ

Ինչ է պատմվածքը.....	90
Գեղը, Հովհաննես Թումանյան.....	91
Բառերի տեսակներն ըստ ձևի և իմաստի հարաբերության.....	94
Հոմանիշ բառեր.....	95
Շեկոն, Սյրեփան Ջորյան.....	96
Հականիշ բառեր.....	100
Ջուլիո, Էդմոնդո դե Ամիչիս.....	101
Համանուն բառեր.....	104
Մեր բալի պատմությունը, Արթուր Մանուկյան.....	106
Բառերի տեսակներն ըստ իմաստի: Մենիմաստություն և բազմիմաստություն.....	108
Բառի ուղիղ և փոխաբերական իմաստներ.....	113
Մակդիր.....	115
Նա, Հանրի Զարյան.....	116
Ուղղախոսություն և ուղղագրություն.....	118
Ձայնավորների արտասանությունը և գրությունը.....	119
Է-Ե (119), Օ-Ո (126), Ը (133)	
Համեմատություն.....	125
Զվարթնոց, Վիգեն Խեչոսյան.....	128
Անձնավորում.....	131
Երգը, Հովիկ Վարդուհյան.....	135
Երկհնչյունների արտասանությունը և գրությունը.....	137
ՅԱ-ԻԱ- ԵԱ (137), ՈՒՅ-ՅՈՒ (140), ՈՅ, ՅՈ-ԻՈ (142)	
Ամփոփիչ առաջադրանքներ	143

ԵՎ ԱՅՍՊԵՍ ՀՅՈՒՍՎՈՒՄ Է ԻՄ ԵՐԳԸ

Ինչ է բանաստեղծությունը.....	146
Մագաղաթի սրբությունով..., Մարո Մարգարյան.....	147
Տուն.....	149
Հայաստան, Արրաշես Ղազարյան.....	150
Բաղաձայն հնչյունների արտասանությունը և գրությունը.....	152
Բ-Պ-Փ (152), Գ-Կ-Ք (162)	
Որոտանի կիրճում, Համո Մսիյան.....	155
Ռիթմ.....	157
Մեր այբուբենը, Գևորգ Էմին.....	158
Հանգ.....	161
Մի փոշոտ, փափուկ ճամփա, Վահագն Դավթյան.....	164
Բացատրական բառարան	167
Առարկայացանկ	171
Անվանացանկ	173

ԱՇՈՏ ԳԱԼՍՏՅԱՆ
ԹԱՄԱՐԱ ԹՈՎՄԱՍՅԱՆ

ՄԱՅՐԵՆԻ 5

5-ՐԳ ԴԱՍԱՐԱՆԻ ԴԱՍԱԳԻՐՔ

*Խմբագիր՝
Նկարիչներ՝*

Գայանե Խալաթյան
Քարոլին Ռոստամի,
Մարիետա Մարգարյան

*Համակարգչային
ձևավորումը՝*

Աննա Համբարձումյանի

Կազմի ձևավորումը՝

Հայկազ Օհանյանի

Երաժշտությունը՝

Վարդան Գալստյանի


QR ծածկագրերը՝

Անի Պետրոսյանի

EDIT PRINT
43 D. Malyan str, Yerevan
Tel.: (374 10) 520 848
www.editprint.am
info@editprint.am



ԷԴԻՑ ՊՐԻՆՏ
Երևան, Դ. Մալյան 43
հեռ.՝ (374 10) 520 848
www.editprint.am
info@editprint.am



ԷԴԻՑ ՊՐԻՆՏ
Երևան, Դ. Մալյան 43
հեռ.՝ (374 10) 520 848
www.editprint.am
info@editprint.am